

40
Liturg.
350. $\frac{2}{1}$

Liturg. 350⁷

Linck

<36607807850017



<36607807850017

Bayer. Staatsbibliothek

by Me Liturg. 350^z 4

Bapsts gepreng

auff dem Cerimonia-
nen Büch.


Auch etliche Cerimonien der
Bischoffe/ auff ihrem Pontifical
seer fleißig gezogen.

An die Durchleuchtigste Hoch
geborne Fürstin/ fraw Sy-
billa/ Herzogin zu
Sachsen/ &c.

Durch Wenceslaum Lind-
en von Colditz/ Doctor.

Inhalt dieses büchlin/ folget an
dem vmbgewendten blat.

AN. M. D. XXXIX.



Inhalt diß büchlin.

Erstlich von grossen gepreng des Papssts vnd seines hoffgesinds/so ihre heyligkeyten in aufferlichen ceremonien haben.

Zum andern/ von über auß grossen stoltz vnd hochmüt gegen Keysern/ Königen/ Fürsten vnd herren.

Zum dritten/ von verachtung des göttlichen worts vnd sacramenten vnd wie sie darmit gauckelen.

Zum vierten/ wie die Kirchen allenthalben versorget/ vnd die pfürnden außgespender werden.

Zuletzt/ cyn außzug auß dem Pontifical büch/ von der Bischoffen ceremonien oder gepreng.

Der Durchleuchtigsten Hochgebornen
Fürstin vnd frawen/ frawen Sibylla geborne Herzog-
gin von Jülich Kleuen/ıc. Herzogin zu Sachsen:
landtgräffin in Döringen: Marckgrä-
fin zu Meissen/ıc. Churfürstin/
Meiner gnedigsten
frawen.

Brad vnd frid von Gott dem
vatter/ vnnnd vnserem lieben herren Jesu
Christo/ allzeit beuorn/ Gnedigste Für-
stin/ wiewol E. C. S. G. allerley heylsamer ernstlicher
nutzbarer bücher/ von vilen fromen hochgelerten män-
nern haben/ zu besserung vnd sterckung christlichs glan-
bens vnd liebe/ das derhalben meins diensts nit vonnö-
ten/ democht nichts destminder hab ich als von ange-
sicht vnbeantwerter/ aber von herze vñ gemüt/ ganz wil-
liger landtman meinen armen dienst vñ geneygten gü-
ten willen gegen/ E. C. S. G. auch wöllen anzey-
gen/ mit disem lächerlichen büchlin von cerimonien/ vn-
serer geystlichen papisten/ so anderst zu lachen vnnnd nit
vil meer zu beweynen ist/ sollich gepreng oder gauckel-
spiel/ darmit Gottis vnd der menschen gespottet wirt/
als die on Gottis wort außlauter supersticion/ vnnnd
welchlicher üppigkeyt/ auch nit zu besserung/ sonder vil
mehr zu nachteyl vñ schaden der eynfeltigen menschen
geübt werden. Woliffs war das vmb funf vnuers-
A ij stens

stendiger leüt willen güte sein mag/cerimonien oder auß-
serliche breuch zu haben/ darmit sie zu andacht vnnnd
christenlicher übüg gereyget werden/aber solliche heyd-
nischen bracht vñ vnfruchtbar aberglaubisch bogstern-
zelweg/möcht auch keyn wanwiziger loben/weil S.
Paulus gebent/ man soll sich vomn allem bösen schein
enthalten/wie vil meer aber vomn denen larnen/vnder
welchen der glaube vnnnd ware gottseligkeyt verstorret
wirt: du heyligen sacrament Gottis verlestert/vnnnd
Gottis wort verspottet/dergleichen pomp vnnnd rock-
enspiel an keynem Fürsten hoffe/noch frawen zimmer
funden wirt. Darumb auch wol sollich larnenreich
genant wirt/dierote Babilonische hüre so mit purpur
vnd golde gekleydet/auß irem kelch truncken machet
alle Könning der erden diemit jr bülen. Es haben die al-
ten von der apostell zeiten her auch cerimonie gepflegt/
bei der tauß vnd sacrament des altars/aber doch ver-
mitten was zur weltlichen bracht oder heydnischer su-
persticion lendet: Also vertediget vnd lobet der Tertu-
lianus cynen kriegsmann/der nit wolte cyn krön oder
krantz gleich den andern auff dem haupt tragen/als die
Keyser Seuerus vnnnd Anthonius Caracalla sein sün-
geschenck/oder leut lieffen vnder die kriegsknecht auf-
teylen/da cyn yeder inn sonderheyt hinzu gieng sein ge-
schenck/zü empfahen vnnnd trüg dem Keyser zu ehren
cyn Lorbeer kranz auff dem haupt/welches doch cyn
schlech gering cerimonien ist/aber dennocht im fall zu
meiden/weil die heyden an iren festen pflegen/also einer
zu gehen/auff das nicht yemandt wenete man eheret
die abgötter darmit/ic. Wir haben in der tauß wider-
sagt

sagt dem Teuffel vnnnd all seinem gepreng / als da seind
dielaruē des antichrists / dan wir sehen das der papist-
isch hauff / gottis wort hindangesetzt / iren gottis dienst
auff eusserliche ceremonien stellen / vnnnd wie sant Pau-
lus spricht durch süßewort vnd prechtige rede / mit iren
segn die vnschuldigen hergen verführen / denen zur war-
nung habe ich disen außzuge / auß dem buch der Rö-
mischen päpstlichen ceremonien / sampt eynem kurtzen
anhang der Bischoffen ceremonien / auß irem pontifical
verzeychener. Vnnnd stell es hiemit eweren gnaden inn
aller vnderthenigkēyt zu / gleichsam cyn ander hoffge-
prenge / so man im frawen zimmer am tanz oder ande-
ren hosflichkēyt pflegt / die selb wölle es in gnaden
auffnehmen / vnd mich als eynen armen vnbe-

kannten capellan gnediglich entpfol-
ben haben. Datum Nurenberg

den ersten tage Octo-
bris. Anno

M. D. xxxviii.

Ewer C. J. G. williger Wengestaus
Lind von Colditz / doctor

A. ij Vorred

Es ist in vergangenen jaren vnderm Papst Leone
v. mit des selben befreiung cyn büch in truck auß-
gangē/ hatt disen tittel. Drei bücher von den kirch-
en breuchen oder heyligen/ cerimonien/ der aller heylig-
sten Römischen kirchen/ &c. darinnen klar angezeyget
wirt warinē die Römisch heyligkēyt stehet/ nemlich im
latuē geprenge der cerimonie. Also hatt Daniel geweis-
saget das nach den vier Königreichen/ so er beschreibet/
cyn König enstehen werde/ der mit latuen oder eusser-
lichem schänmechtig vñ tückisch/ grossen schaden thūn
wirt/ in der christē/ vñ heytdie selbigē wundlich verwū-
sten/ &c. Dan scheinbare gleissende heyligkēyt streitet ge-
waltiglich wider die gotseligkēyt/ vñ die farb der gleis-
nerei wider die warheyt oder rechtschaffene heyligkēyt
müß cyns das ander verwūsten/ daher Danid solch re-
giment cyn stül der spötter nennet/ die für narheyt hal-
ten als was Gott redet/ thūt/ besilhet odder ordenet/
so doch in warheyt jr eygen thūn lauter tockenspiel vñ
narheyt ist on grundt göttlichs worts/ tenschen vñ be-
trügen nur die cynfeltigen mit ihrem blastugkerei: was
recht heylig ist trettē sie mit füßen: was aber affenspiel
sie erdenckē müß heylig sein/ rüffet also der guckgauch sei-
nen eygen namē auß/ vñ bezeuget mit eygnem schreibē/
das sein reich in eusserlichē latuen vñ cerimonie geprenge
stehe/ so doch vnser lieber herr Cristus spricht/ das reich
gots kōmenit mit eusserlichē geberden od gebrenge der ce-
rimonie wens gleich groß heylig scheinē/ als fastē speiß
kiesen tagweelen oder der gleichē seind/ vil weniger mit
den weltlichen weibischen prachtigē pompen/ die sie hey-
lige cerimonien nennen: darumb offenbar ist das es nüt

gottis noch Cristti reich sein kan/darinnen gnad vñ war-
heyt regnirer/folget also schließlich diereil es heylige
vñd geystlich soll sein/das es gewislich muß des ant
christs vñd Sathane reich sein/wie vil es sich vñder got
tis namen vñd des apostolischē stils schmucket/mag bil-
licher apostatica den apostolica sedes genant werden/
weil darinnen gott verachtet vñ sein heyligs wort durch
eusseliche geberde bei den albern vñuerstendigen würt
vertüßtert vñ vertilget: Ist derhalben wol zñuerstehen
warumb sie vns apostaten oder abtrünige schelten/dar
umb das wir ire laruen vñ eusselichen gespenst gering
achten/vñd vnser leere auff gottis warheyt richten/so
doch vil meer sie selbs apostaten seien/von der warheyt
gottis abtrünig/vñ auff lauter gespenst der selberrichte
ten cerimonie oder weltgepreng ire heyligk eyt vñ geyst
lich regiment stellen/muß also ein stäcker krieg sein zwis
schen d̄ rote prengischē hürē Babilon/vñ dem heyligen
ritterlichen Jerusalem. Dañ welcher fromer christ kan
hertzen dem antichristischē papstum heiligē/weil das
selbig gar miteynand nichts anders ist/dañ ein apost
sia vñ abfal von Christo vñ streiter gewaltiglich wider
Gottis reich/wie solchs eyn blinder tappen k̄ndt/so er
des Papsts vñ Christi reich gegeneinand̄ helt/welchen
abfal S. Pau. trewlich hat zñr warnung verkündigt/
da er spricht ij. Tes. ij. des herren tage kommenit es sei
dann das zñuorn der abfall komme/als dann wirt die
herligk eyt Christi darwider erscheinen werden. Wie
aber solliche scheinende gleisnrei der cerimonien ge
prengnit alleyn abfellig von gottis reich sondern auch
dem selben widerwertig mach vñd es grewlich verwü
ste/ist offentbar erstlich darauff/das der Papst alle

A iij herr

herisch afften der welt vnder solchem schein mit füssen
tritt / sich auch des Keyserthumbs Königlich vnd für
stenthumb / als eyn Oberherz vnderwindt: die gewal-
ten ein vnd abssetzt / creirt vnd schafft als eyn gott der
wilt / müssen seine lehen trager vnd zinsleut sein / mit
eydtspflicht auffhöchst verstrickt / kriegen / morden /
brennen vnd verheeren wenn vnd wen er nur will /
nichts destminder endlich verbannt vnd vermaledet
er sie mit solchen donnern des banns / interdicts / pri-
uier vnd entsetzens: das Moses nie so schrecklich ge-
wesen ist / welches doch weder wir noch vnser vät-
ter nie haben ertragen mögen als Petrus Act. xv.
bezeuget / Sollich schandlich wesen vnd zerreitung
ordenlicher pollicei / durch verachtung vnd vndertruck-
ung der oberkeyten beschreiben ire leut selbs / als Plati-
na vnd andere meer / dann gleich wie eyn hundert an klei-
nen riemen lernet ganze led der fressen / also baneten / de-
gradierten / vnd vermaledeten sie sich selbs vnder eyn-
ander Papsst / Bischoff vnd clericken / biß so lang das
sie on schew die herrschafft verachteten / vnd die ma-
iesteten verlesterten / nicht die sünde dargegen Christus
den bann befolhen. Des hatt man die erschrocklichen
historien von Gregorio septimo wider Keyser Heyn-
rich: Vbani secundi wider den König zu Gallien:
Item Alexandri tertij wider Keyser Friderich Bar-
barossam Innocentij tertij wider Keyser Otten / Ho-
norius der tritt bannt vnd entsetzt Keyser Fride-
rich den anderen / des gleichen thet nach ihm Gregorius
nomus: Bonifacius octauus dem König zu Frank-
reich / Johannes vicesimus secundus Keyser Ludwigen
vnd

vnd vnzelich vil meer der gleichen tyrannei/geschweige
der faction/ menterei vnnnd vilfeltigenn verhäterei so
grewlich zû hören seind. Ist aber nit bei dem pliben das
sie gottis verordenete herrschafften vnd regiment zer-
rütter haben/ sondern gott selber in seinem wort vnnnd
regiment durchachtet/ verendert vñ spörllich verworff-
fen/ newe gottis dienst erdichtet/ die tauß vñ entpfint-
lichen creaturen/ als wachß vnd glocken/ ic. mitgeteylt/
heyiligen gemacht/ vnd in summa über alles das gott
genennet oder geprediget wirt/ sich erhaben vnd in got-
tis tempel allenthalb sich an gottis stat gesetzt/ newe
cerimonien vnd gottis dienst auffgerichtet in der messz
vñ anderen gödelichen ampten/ holz/ steine/ götzen/ vnd
töcken gesegnet vermaledeiet vnd gebenedeiet/ wie wir
vnd was ihnen darzû gefallen hatt vnd darmit den leu-
ten das maul auffgsperret/ müe vnnnd arbeyt mit ihren
gespenste oder selbertichtete gottis diensten angericht/
vnnnd gottis namen schendelich gemißbrauch/ vnange-
sehen das gott trawet er wölle von des wege/ den fluch
vnder sie schicken/ vnd jr segen verfluchen/ ist auch der-
halbē kein wunder ob gott alle seinen segē an habe vnd
gütern entziehe/ darzû theürung vnd alleley plagen/
kommen lasse/ wie er durch Moßen geredt hatt/ dieweil
man seinen namemen vñehret zû solchem schentlichen
mißbrauch. Auff das aber ye gottis reich gar zerreit
et vñ zerstöret würde/ haben sie nit anderst in der Kirch
en Christi gewürtet/ daß die reissenden wölff im schaff
stall: gerödet was gott wölle lebendig haben/ vnd le-
bendig gemacht/ was gott gerödet hatt/ da seind die
commenden oder billicher commedenden auffgerichtet

A v was

psal. 79.

was die grossen creaturen/die legaten Cardinal vnd so-
gleichem nicht haben gefressen. Das ist dem anderen ge-
schmeyß über piben/wieder prophet Joeli j. sagt/was
die raupen lassen das fressen die heuschrecken: vnd was
die heuschrecken lassen das fressen die käfer/vnd was die
kaffer lassen/das frisset das geschmeyß. Also prouidie-
ret man der armen kirchen mit legatē/ Cardinälen/ Ap-
ten/prelatten/cordisanten/aplastremern/pallien anna-
ten/vnd zū lest mit processen des bannes interdicts/ &c.
bis das man den armen Jacob gar auffresse/vnd seine
heuser verwüste/das ist gottis geringer zorn. Darumb
hoch von nöten ist/sich für dem allmechtigen gott demü-
tigen/vnnd vmb barmherzigkeyt oder gnad flehlich
bitten/das er seiner kirchen gnediglich wölle helfen.
Dise vier stuck sihet man augenscheinlich inn den päpst-
lichen cerimonien/darmit alle wellt behöret vnnd ge-
äffet wirt/nemlich das nit da fundē wirt/dan lauter ge-
preng eusserlich laruen oder cerimonien/on gottes wort
vnd befelch/wie des alle bullen/ eingang der waal/vnd
andere pompen/Christo ganz vngleich/erweisen. Da
werden alle oberkeyten von Gott verordenet vnder die
füß getretten/ja gott in seinem wort selber verachtet/
vnnd seine kirch kleglich zerrettet. Vnnd sihe ob nit
sant Paulus mit disen vier farben den antichrist ab-
male/vnnd die zukunfft des Herren Ihesu anzeyge/
da er spricht/Es müsse zū vornhe der jüngst tage kom-
met der abfall vom glauben vnnd wort Gottis auff
eusserlich laruen gepreng odder cerimonien/kommen
vnd offenbar werden/der mensch der sünden vnnd das
Kindt des verderbens/welcher alles zū sünden machet
glt

Ro. 13.

er/dieweil alles sünde ist was nicht auß dem glauben ge
het/darzu mit bannen vñ verflüchen alle ordnung gots
tis zerreitet/über das als cyn feindt vnd widerwertiger
gottis sich überhebt/über alles das Gott oder Gottis
dienst heyßt/gaukelt vnd spilet seines mütwillens mit
Gottis wort vñ sacrament/felschts mit selbertichteten
glosen/enderts gebeüt vnd verbeüt wie vnd was ihn ge
luster:vnd zu lest setz er sich inn den tempell gottis als
cyn Gott/vñ gibt sich für er sei gott regiert in der Kirch
en so tyrannisch/wie der Leniathan im meer wüet vnd Ro. 14.
machts das es schaumet wie cyn siedender topffen/also
setzet ab vñnd ein/versorget die kirchen mit/Bischoffen
vñnd prelaten/ 2c. müssen ihn alle sampt anbeten.

Welches alles sie in jren heylosen cerimonien herlich
für heyligkēy aufschreiben. Derhalben ich kurzē auß
zug/ auß obbemeltem büch der Römischen cerimonien/
nach disen vier puncten hab auffs cynfeltigē gestellet/
vnd nichts anderst dan jr eygenewort wollen gebrauch
en. Darneben auch auffs aller kurzost erlich gauckelē
der Bischoffe/ auß irem pontifical anzeygen. Ob vil
leicht etwo gotsföchtige leüt solchen jamer be- Job. 4.
herzigen möchten/ vñnd Gott vmb gna
de bitten / das der armen elenden
christenheyt geholffen
werde. amē.

Das erste teyl von des Papssts hey-
ligkcyt/an ihm selber/ Da sihet man wie ähns-
lich er Christo vnd den Aposteln sei.

Von der erwelung eynes Papssts /
Vnd wie das conclaue zü bereyret wirt.

Nach absterben eynes Papssts / wartet
man zehen tage bisß eyn anderer gewö-
let wirdt/ vnder des helt man begengts
nüs des verstorbenen / vnd berüffet die
wöhler züsammen. Da sihet man ren-
nen vñ lauffen / darzū manigfaltige prattick so treiben/
die zū sollicher herligkcyt aspirieren. Also das man
allenthalben müß auffsehen zū fürkommen / verrhäre-
rei / finanz vnd der gleichen böse rüch. Der Römischen
Kirchen Kammerer sampt denen so zür Kämmer gehören/
rüffen das conclaue zü / lassen alle thüren vñ fenster
des grösseren Röniglichen saals vermauren / außge-
schlossen die thüren da man zür capellen / vnd in den an-
dern saal gehet. Die eusserste porten des saals versper-
ret man mit vier eisenen rigeln vnd schlössern / lasset in-
der mit eyn kleyns thürlin oder fenster / da man speiß
vñd tranck hinein möge reychen. Inwendig brennen
allenthalben lampen. Man machet Kemerlein von tep-
pichen oder rüch darinn die wöhler wonen / nach dem
das loß eynem yeden feller. In summa die stelle des con-
clavis wirt allenthalben der massen versperret vnd ver-
mauret das nur eyn eyniger eingang bleibt / vñd nie-
mandes könne mit denen so darinn sein reden / noch se-
hen

hen/oder etwas heymlich hinein schicken: Weilman also das conclaue zubereyter/ versamen sich die cardinel zum offtern mal/entweder in der sacristei der kirchenda man des verstorbenen Papssts begengtnus helt/ oder ins kammerers hause/ Verordnen vnd bestellen allda für anderen vilerlei gewarde/ das conclaue zu verwarre. Das eusserste thor am palast befilhet man etwaneynem mechtigen grossen prelaren/ als baldt der Papsst verschieden ist/mit gewapneter handtag vnnd nacht zu verwaren vñ die vätter zubeschützen mit zwey oder dreihundert knechten. Die andere gewarde ist an der ersten thür da man zum cōclau hinauff geht: wirt befolhen den conseruatozen vnd hauptleuten der statt Rom/ die selbige porten sampt erlichen Thellen bürgern zu verwaren. Die dritt hür ist an der andern thür basß hinauff/ die pflegt man zubefelhen den weltlichen botschafften der Künig oder Fürsten: oder sonst gewaltiger grossen herrn/ als vil jr ander zal noch seind. Die vierde hür ist an der thür des cōclauis welche man pflegt zubefelhen den grōsten sechs oder acht prelaren des Römischē hoffs auß allerley nation/ sie seind gleich botschafften oder nit. Sollichs alles zu verordenē steht bei dem heyligē rath der Cardinal/ nach gelegheyt der statt vnd zeit: Dise drei letzten gewarden treten an die hür wenn die vätter ins conclaue gehn. Zwen schlüssell zur thür des conclauis vnd eynen zum speiß fenster halten die hütter der selben thür heraußen. So haben die clerici cerimoniarum auch zween darin. Das man also weder die thür noch das speiß fenster nit kan öffnen/ on bewilligung beider part die darinnen vnd heraußen seind.

seind. Die iheren sael seind zum spacierrē/ da die vätter
sich mögen versamlen zu berathschlagen vnd orde-
nen was aussershalb der wall vonn nöten ist/ Wiewol
nach inhalt der heyligen canones sienichts anderst im
conclau handeln sollen dann was nötig ist/zū verhü-
ten geuar der land vnd stätt der kirchen: vnd eyn ober-
sten penitentiariū/oder kammerer der heyligen Rōmi-
schen kirchen zūsetzen wo sichs zutrüge das zur selbst
zeit bemeldte ampt ledig wurden. Jedoch pflegen sie ge-
wönlich auch handelē aussershalb der election/ was zūm
gürten regiment des künfftigen Paps/ dienstlich er-
lant wirt.

Wie vnd was gestalt eyn Paps

gewölhet wirt.

Die gerechtigkeit eyn Paps zū wölhen kompt von
Christo dem herren/ welcher erstlich seinen successorē
mit namen einsatzte/da er zū Petro sprach waide mei-
ne schaff. Derhalben nominirte Petrus auch clemen-
ten/ doch so fern als es der Rōmischen kirchen Senat
zūliesse. Welchē Senat Petrus durch Gottis einsprech-
en instituirt hatt/auff das er alle grosse geschäfte der
kirchen mit den verrichtete vnd berathschlagte. Nam-
lich vier vn̄ zwenzig senatores auß den priestern vnd
diaken der statt Romeben nach anzahl der vier vn̄ zwen-
zig ältesten dienebē dem lamb Gottis vn̄serm herren ste-
hen/wie Johannes in Appocalipsi schreibt. Dann sol-
liche hatte Petrus an statt der apostel/ so durch die welt
geteylet waren/ zū beistchern erwölet vnd verordnet/
als rathgeben vnd mithelffer der Rōmischen kirchen/
vnd welher des Rōmischen Bischoffs. Weil aber diesel

Per actōens
denominatio
ne extrinseca

Ca. nullo men-
titum fecit.

Titel gedicht

A u ben

ben Senatores vermercken/das im künfftigen zeiten
möcht grosser nachteyl der kirchen darauß entstehe/so
dise form der denomination bestünde/vnnd cyn yeder
Papist ihm cyn successorum wolt denominirn. Namen
sie Clementem nicht an/sonder wöleren Linum das er
nach Petro Römischer bischoff were. Wiewol hernach
mals da Linus vnnd Cletus abgiengen Clemens von
bemeltem Senat ist erwelet worden.

Es möchte
der zeit Syl-
vester sein da
der nammen
Cardinal off
kommen ist.

Solliche weise/das der Römischen kirchen Senato-
res den obersten Bischoff wöleren/ist nach Petro lange
zeit gehalten worden. Die selbigen Senatores/nemlich
priester vnd diacon der statt Rom/seind zur zeit Sylue-
stri des ersten genennet worden Cardinal der heyligen
Römischen kirchen: als die fürsten in der kirchen. Na-
ben nachmals im concilio zu Lugdun zur zeit Inno-
centij des vierdten rothen hüt/zum zeichen der Ober-
keyt vnd Maiestat in der kirchen/empfangen.

Weil aber/wie in menschlichen sachen pflegt/erger-
nüß vnnd trennung zwischen den selbigen entstanden.
Hat man hernachmals den Römischen Clerum sampe
dem ganzẽ volck in der Papst walhe zügelassen/diesel-
bige durch ihre gegenwertigkeyt nur zübetreffigen.
Darauf ist aber erfolgt (wie dann gemeynlich beschy-
het) das sie es gewaltiglich für recht habẽ wolten. Es
liessen auch die Cardinal erliche zü/das sie mit hülff
weelen/aberdoch von alters her fundt keyner gewelet
werden er were dann der selbigen Cardinal cynet/wie
klar ist auß dem Concilio Papsts Srephani lxiij. dis-
oporebat.

Mit der zeit aber haben die Römischen Keyser größe
ser auff

ser auffreiß vn̄ zant/so sich der walehell z̄ zürügen/
züuerhüten/darzü thun müssen/das Keyser rechte ge-
weelter Papst solte geacht werden/er were dann vom
Keyser confirmiert.

Nachmals als Italia vō der Longebarder gewalt
ist ledig vnnd frei worden. Hatt Papst Adrianus der
erst oder wie etlich halten/Leo der dritt/das Keyser-
thumb von den Kriechen auff die teütschen gewendet/
vnd den grossen Carolum zum Keyser gemacher: Dem
selbigen auch die waleynes Römischen Bischoffs vnd
macht die Römische Kirch zū bestellen/verluhen.

63. diff. sa
dia. 9.

Nur lang darnach hat Leo der acht/Keyser Otthen
auß Sachsen erstlich cōfirmiert. Als aber die Christen-
lichen frommen Keyser mit der zeit durch erfahrung be-
funden/das bei den nachkommennden vnchristlichen
oder mind̄ gotsfürchtige Keysern solcher gewalt zum
nachteyl der Römischen Kirchen/ vnd gemeynen Chris-
tenheyr reychen möchte. Sonderlich weil der Römisch
Bischoff von Christo gesent ist/das er den Keyser vnd
alle schaff Christi soll weyden/reynigen vnd geystlich
richten: Haben sie sich solliches gewalts verziehen. Also
ist die waal volkommenlich widerumb auff die Römisch
priesterschaft vnnd gemeynedes volcks kommen. Für-
nemlich wiewol benöthigt durch bewilligung vnnd ver-
gunst Keyser Ludwigs.

63. diff. in 81
nodo.

Vn̄ zū beweisen/das der Papst oberster Monarcha
set/ists so ferz komen/das Papst Gregorius der fünfft
auß verwilligung Keyser Otthen/des dritten etlichen
geystlichen vn̄ weltlichen Fürsten hat verluhē/hinsfure
die Keyser zū weelen: Dabei angezeygt wirt/das das
A iij Keyser

Keyserlich regiment dem Papst zustehe/als der auff er-
den Gottis stadt helt/ durch welchen die König regnie-
ren/welcher auch der oberst Fürst ist inn der Christen-
lichen Monarchia.

Als aber vil hadder zand aufführ vnnß krieg in der
Papstwaal erwüchse/dardurch das cyn teyl des volcks
hieher das and dorthin hinge/biß weilandt auch durch
freuel der Keyser cyner mit gewalt abgesetzt der ander
eingesetzt ward/vñ also die sache der Römische Kirchen
übel stunde/vnd in verderben kam. Dañ in kurzer zeit
zehen Päpste auff S. Peters stül saßen/nemlich Bene-
dictus iy. Silvester iij. Gregorius vj. Clemens ij. Das-
masus xxy. Leo ix. Victor ij. Stephanus ix. Bene-
dictus v. Nicolaus der ander.

Hatt Papst Nicolaus als cyn klüger heyliger
mann/damit solchem übel gestüret würde/cyn statut
gemacher im Concilio lateranensi. Im jar clj. Das
alleyn die Cardinal sollen cynē Papst weiden. Sollich
statut habē nachmals cōfirmirt Alexander iij. im con-
cilio zu Senis/Gregorius v. im concilio zu Lugdun.
vñ Clemens v. im concilio zu Wien. Sollich statut hat
den Päpstlichen stül auß grosser noch erlediger.

Auff das aber alle spaltung auffgehaben würde/
setzt Alexander der drit im gemeynen concilio/das der
solte recht gewelet geacht werden/auff welchen zwey
teyl der weeler stimmten.

Simachus hatt verbotten das weil cyn Papst bei-
lebē sei/Keyner sich vnderstehn solle durch wort/schriffe
verheyßung/cyde oder durch andere weg handeln auff
cyn successoren. Wer darwider theet soll aller seiner
wirdē

wirde entsetzt/ vnd darzu im baß sein/ wer eyn solchen
vbertreter angibt sol onstreflich sein vnd belonet wer-
den. Nicolaus der ander hat verordnet dz die Papste
waal mit rath des Papsts so noch in leben ist/ soll vor
bedacht vnnnd fürgenommen werden. Gregorius der
zehende hatt statuiert das nach absterben des Papsts/
die Cardinal so vorhanden seind/ nit lenger dann zehen
tage sollen auff zukunfft der abwesenden warten/ vnd
dann als bald zur waal greiffen. Eyn yeder nit mehr
dann eynen diener oder zur noch zween mit sich inn das
conclauē nemen. Wo sie auch inn dreien tagen die
waal nit volziehen/ sol man fünff tage darnach abende
vnnnd morgens nit mehr wann eyn richr zueßen geben.
Wo sienach den selben fünff tagen sich nicht verglich-
en/ soll man ihn nichts dann brot/ wein vnnnd wasser ge-
ben/ biß das sie eynen Papst erwecken. Sollich decret
bestetiget vnd bessert Clemens.

Wann nun der gestorben Papst neün tag lang be-
gangen ist/ sollen die weeler am zehenden tag in S. Pe-
ters kirchen oder sonst an bequemen ort zusamen kom-
men/ eyn messz vom heyligen geyst lassen halten. Soll
auch etwo eyn geleerter mann sie durch eyn predig oder
latinisch oration ermanen/ das sie hindangesetzt allein
eygen gesuch/ Gott alleyn vor augen haben/ vnnnd die
Römisch vnnnd gemeyn kirch erwerlich mit rüchtigem
hürten versorgen. Nach der mess od sonst zü gelegener
stund/ wann sie wöllen ins cōclauē gehen/ tregt der clerc
aus cerimoniariū das päpstlich creutz/ zü forderst/ drei
fürgehnß Cardinal diener/ so leyen seind/ vff die selben
die cātōres singē den Hymnū Veni creator spiritus/ &c.

A iij Nach

— Nach dem creutz gehn die Cardinal mit schwartzem
leydkappen / vñ denen nach gehn die Prelaten vñ was
clericken des hoffs seind. Ehe dan sie also in das concla-
ue gehen / sol zuuorn cyn yed sein hoffgesinde fordern /
vnd sie ermanen Gott trewlich zů bitten / das er den vāt-
tern durch seinen geyst gebe / in sollicher papstwaal zů
thun was seinem Götlichen willen gefellig / vnd der hey-
ligen Römischen Kirchen sampt ganzer gemeyner chri-
stenheyt nutz sei. Item das sie vnder des tag vnd nacht
das hauß wol verwarē / dem hoffmeyster gehorsam sein
fridlich vnd gerüwlich mitey nander leben / vñ nitz
vil auff der gassen spacieren / fürderlich aber bei nacht
daheym pleben. Es ist auch ehlich ja nörig das die
vätter ehe wann sie ins conclaue gehen / alle zuuorn sich
gegen Gott versünē mit beichten vnd communiciren /
auff das ieder gnad des heyligen geysts / sollich gro-
ße sache zů handeln / best vñhiger seient.

Wan siemun alle im conclau seind sol der oberst Car-
dinal / vor dem altar in beuweisen cynes notarij / cyn leip-
lichen eydt auff das heylig Euangelion von allen hüt-
ren des conclaus entpfahen. Die von der anderen vnd
dritten hüt sollen schweren / das sie getrew vnd fleißig
wöllen sein das pallast vnd conclaue zů verwaren / vnd
die Cardinal in nicht lassen beschweren / über das so die
gesatz der heyligen vättern bei des Papsts waal ver-
mögen: allermeyst aber das sie als vil immer müglich
mit allem fleiß vñuerrücklich halten vñ drob seien
wöllen / das auch die andern halten sollē / was Clemens
der sechst hierinn verordnet hatt.

Die vätter von der vierdtē gew.ard / so die innern thür
bewaren /

bewaren sollē/über das alles schweren/das sie niemadt
zur portē des conclauis lassen gehn/nichts hinein wer-
ben noch schreiben wollen lassen/on verwilligung des
ganzen collegij/oder schrifftē so an das gang collegi-
um lauten. Item das sie alle speiß vnd gefesse die man
hinein gibt/mit höchstem fleiß trewlich belichigē vnd
ersuchen/auff das nicht villeicht brieffe darinnen verbor-
gen seien. Darzū alle obgemelte constitution gänglich
halten.

Als dann so yederm inn hinauß ist/soll der oberst
Bischoff Cardinal/die anderen Cardinal mit bequemen
lichen worten ermanē/zūbeherzigen wie groß die sache
sei die sie fürhaben/das auch keyn grössere sein könne.
Dann sie sollen erweelen eyne istadthalter Ihesu Chris-
ti/cynen stülerbē Petri/cynen hirtē des Herrn herde/
cynen schliffeltrager des himelreichs/vnd Fürsten aller
christen. Derhalben sie zū gedechnuß sollen füren/was
die heyligen vätter für weise vnd form/in diser waal zū
gebrauchen befolhen haben/dan sie dieselben on schwer-
liche verlegung Gortis/vnnd gauar ihrer seligkeyt nie
vnderlassen können. Darumb sollen sie alleyn Gortis
ehre/gemeyner christenheyt heyl/vnd der Römischen
Kirchen nutz für augen stellen/hindangesetz alle eygen-
gesuch oder priuat/affecten ires gemüts. Vnd cynen
sollichen man erweelen/der Gortis Kirchen möge vnd
wisse fürzūstehen vnnd nütz sein.

Darnach wan yederman hinauß gangē vñ das con-
clauē versperret ist/sollen alle winckel vñ heymlich ort
mit brennenden sackelen fleißig durfsüchet werden/das
ye niemandt drinnen pleib/der nicht hinein gehört.

B Wann

Wann der Cardinal diener zu mittag oder abent-
mal essen bringen/ sollē die knecht so die Cornuten oder
Korb tragen bei der andern gewarde bleiben/alleyn des
Cardinals hausevogt/sampt zweyē so die cornuten tra-
gen zur letzten gewarde gehn/alda sollen die prelaten so
die hüt halten/die cornut öffnen/ alle speiß vnd was
darinnen ist durchsuchen/das keyn brieff darinnen sei.
Nachmals des Cardinals diener so darinnen seind/zum
fenster herfür lassen fordern/vnnd die cornut mit der
speiß sampt dem wein in gläsern ihnen überantworten.
Also dz keyn diener so heraussen seind/zum fenster kom-
me/nach hinein gucken möge. Darumb sol auch zur sel-
ben zeit cyn rüch für dem fenster hengen/das man nie-
mands darinnen könne sehen.

Wann die vätter essen oder sonst etwas in iren cellen
thun/sollē die fürhänge fornen vñ zur seiten allweg of-
fen stehn: alleyn nit wenn sie des tags odder nachts an-
berühren.

Croces.

Wenn sie versamlet in handeln seind/tragen sie croce-
as an/das seind lange schwarze mäntel oben zum halß
gefellet/fornen ganz offen/gleich wie die prelaten Kap-
pen/on das keyn gügel daran ist. Sonst in iren cellen
oder wenn sie vff dem saal spacerē/mögen sie in rocheren
(das seind Korhembe) gehn/oder kurze mäntel darob
anlegen ihrs gefallens.

Es ist auch der brauch yetzo zu vnsern zeiten/das die
Cardinall auß gemeyner willkür oder bewilligung/et-
wan statut machen ehedañ sie zur waal greiffen/durch
den künfftigen Papsst zu confirmieren. Vnnd wenn sie
es gemacht haben/so vnder schreibt sich cyn yeder/vnd
verz-

verpflichten sich mit dem eyde desselbigen zu volziehen/
wo sie zum Papst gezogen werden. Darnach fahen sie
die waal an.

Die Cardinal sollen in der waal mit fleiß halten der
heyligen vätter gesatz / nemlich Nicolaiij. Alexandri
ij. Gregorij v. Clementis v. vñnd vj. vñd andere meer
auff das die waal mit möge angefochtē werden. Dann
hierinn hat der minst als vil macht als der oberst Car-
dinal/ gilt nit mehr dan welcher zwey teyl der stimmen
hatt inn der weelung/ der selbige ist onzweiffel der rech-
te Papst. Dan cyn yeder cardinal hat stime in der waal
als bald er creirt vñd publiciert ist. Es were dann das
im der Papst den mundt verschlossen vñ nit widerumb
geöffnet hette/ vor seinem absterben: darnon harnach

Wiewol nun cyn Römischer Bischoff/ der canonic
eingesetzt ist/ von Eynem menschliche gericht mag ge-
richtet werden/ er falle dann in kägeri oder werde cyn
käger. Doch wo er des papstthumbs sich vnderwindet
widder die form diser obbemelten constitution/ so ist er
sampt allen die im anhangē im ban. Des gleichen weñ
er durch auffrur/ eindringen/ odder sonst yrgenterley
practick durch list oder betrug erwelet wirt.

Wann nun die Cardinal wollen zur waal greiffen/
pleiben sie alleyn in der capellen/ da sie messz haben ge-
hört/ sitzen auff den bäncken heramb. Auff dem altar
steht der leere Kelch/ sampt der paten darauff: Für dem
altar steht cyn tischlin mit eynem rothen tuch bedeckt/
darnuff rindē vñ papir. Darneben setzt man drei schem-
mel auff dem mittellern sitzet der oberste Bischoff Car-
dinal auff dem zur rechten der oberst pteister Cardinal/

B ü auff

Ro. 13. omnis
anima/ 26.

auff dem zur linken der oberst diacon Cardinal. Als dann gehn der Sacrist vnd der Cardinal diener in die grössern cappellē auff dem schlaffhaus/alleyn die ceremoni clericken warten daraussen für der kleyneren capellen darinn man weelet / ob die herren etwas dörffen wurden.

Als dann ermanet der oberste Cardinal die weeler das sie die Römische Kirch versorgen wöllen mit eynem geschickten dichten man/der solliche last nützlich tragen könne.

Nachmals fraget er welchen weg sie zur waal fürnem wöllen. Nemlich ob sie durch compromiß / odder durch scrutinium wöllen weelen. Ob nun yrgent der Cardinal eyner herfür trete / vnd rede auff dise meynung / lieben herren / dieweil ich erkant habe die sondere tugent vn̄ frombkeyt / ic. Des aller erwidigsten herren. Nachter ichs fürs beste / man erweelet ihn zum Papst on fernern proceß. Vnd ich weele in hiemit zum Papst der heyligen Römischen Kirchen / ic. Wo als dann die andern Cardinal oder auffs wenigst zwey theyl der selben / in disere rede gehellen / vnd denselbigen genanten zu gleicher weis auch mit lebendiger stimme weelen / so ist der selbige canonice erweelet vnd warhafftiger rechter Papst. Vñ solche waal die on zedel oder compromiß geschicht / nennet man durch des heyligen geysts weg wölichen vn̄sere vorfarn oft haben geprancket. Die andere weis zu weelen ist durch compromiß / gehet also zu. Erstlich müssen die weeler allesampt bewilligen zu compromittiren sonst hatt es nit krafft. Es were dann das zwey theyl der weeler so lange auff der meynung beharne

Vla Spiritus sancti.

beharren/bisß die compromissarij den erweelten eröffne-
ten oder nenten/ vnnnd die compromittenten dasselbig
annehmen/als dan wer der selbig canonic erwelet/als
der von zweyen teylen erwelet ist. Die form des com-
promisß ist die In nomine Domini amē ꝛc. wir Bischof-
fe/priester vnd diacken der heyligen Römischen Kirchen
Cardinal/alle vnd yede so wir im consistorio seind. **N.**
N. N. Als wir gehandelt haben von der waal des Rō-
mischē bischoffs/lassen vnß gefallen durch compromisß
weise zū weelen. Vñ darauff haben wir eynhellig vnd
eynmüttiglich on yemants widersprechen/zū compro-
missarien erwelet/die Erwürdigsten herren. **N. N.**
Cardinal/den selben geben wir volle macht vnnnd ge-
walt/die heylge Römische Kirch mit eynhirten zū uer-
sorgen/der gestalt das zween auß ihnen mögen den drit-
ten/oder sie alle drei eynen vom collegio der andern wee-
len/oder aber sonst eynen außwendigen weelen. Wollen
auch das sollich gewalt weren sol/so lang bisß das kerg-
lin so mit aller bewilligung angezündet ist/verbrunnen
sei. Verheyßen auch den für eyn Römischen Bischoff
anzunehmen/welchen bemelte compromissarij inn vorge-
sagter form erweelen werden/ꝛc. Darnach sitzen die
drei compromissarij besonders an eynem ort/vnd prote-
stieren erstlich das sie mundtlich nichts bewilliget wol-
len haben/sondern nur schriftlich/vnnnd das darumb/
das keyner den andern inn worten/erfäeren könne/son-
der eyn yeder gegen dem andern on nachteyl freüntlich
reuerentz wort mögereden. Die dritte gemeynste wei-
se zū weelen/ist durch heymlich forschē oder scrutiarn:
wenn nun diser weg angenommē wirt. Auß man zūm
B ij ersten

ersten bedencken ob auch des selbigen tags. anzunehmen
sei der vierdre weg/ wellicher ist per accessum/ durchs
zufallen. Darnach geht eyner nach dem andern zum
altar kneiet dafür vnd better/vnnd darnach küßet er
sein zedelin vnd legt es in den kelch/ also versigelt. **W**ag
eyn yeder cynen/ zween oder drei seins gefallens darein
schreiben vñ weelen/nach dem also aller zedelin im kelch
ligē/sigt eyn yeder an seinem ort/hat rindren vñ bapir
für ihm darauff aller weeler namen verzeychnet seind/
yeder besonders an eyner zeil. **A**ls dañ nimpt der oberst
Cardinal den kelch sampt dem diaken Cardinal/schüt-
tet die zedelin alle sampt auff die paten/nimpt eynem
zedel nach dem andern/zeygt cynen yeglichen dem ober-
sten priester Cardinal/vnd gibt ihn darmit dem diaken
Cardinal in die händ/der selbig öffnets vnnd verkün-
diget öffentlich welchen eyn yeder inn seinem zedel be-
nenbt hatt/das verzeychnet eyn yeder auff sein bapir
die obersten drei rechnen vñ der diaken rüffers auß wie
vil stimmen eyn yeder hatt. **W**o keyner funden wirt
der genügsame stimmen oder vota hatt/ so lasset man
den selben tage berüwen/ dann man höret cynen tage
nit zweyer vota. **F**olgendes tags weelenten sie aber-
mals/vnnd so fort an biß eyner zween teyl der stimmen
überkompt. **W**o nit/so greiffet man zum vierdten
wege vnd weelet per accessum durchs zufallen/das geht
so zu. **E**s steht eyner auff vnnd spricht: Ich falle dem
N. in seiner waal zu vnnd weele mit ihm den. **N**. **D**es
gleichen thut der ander der dritte/ ic. biß so lang das
eyner funden wirt der zween teyl stimmen hatt/der letzte
so zufellet vnd die waal beschleußt/ spricht also. **V**nn
ich. **N**

ich. **N.** falle zu meinem herin. **N.** vnd mache ihn zum Papst. Wann aber in solchem zufallen vrbzänglich ihr zween/zü gleich zwey teyl stimmen überkommen/so ist die waal auff diß mal. aber vergeblich.

Im zufallen sollen auch die jüngern Cardinal nicht vorn stund an zum ersten drein plazschen/sonder den älteren die ehre oder verzug lassen/vnnd warren biß deren eyner das zufallen anfahe. Wann aber die älteren verziehen/so mag eyn yeder der jüngern anfahen.

Wir lesen das erwo vorzeiten wenn jr zween gleiche stimmen gehabt haben/so hatt der oberst Cardinal den Papst mantel über jr eynen geworffen/sprechend. Ich inuestir dich zum Papstthumb/das du vorseiest der statt vnnd wellt. Aber nun zur zeit helt mans nicht. Sonder wenn zwey teyl eynen weelen der ist onzweiffel rechter warer Papst. Jedoch pflegen die andern überigen dem selbigen auch zü zufallen. Als dann steht der oberst Cardinal auff vnnd weelet den selbigen zum Papst/in namen des gangen collegij.

Wie der geweelte Papst erfordert be-
kleydet angenommen vnd geehret wirt.

Nach der waal forschet man den erweelten ob er da rein wölle bewilligen vñ das papstthumb annehmen. Wann er bewilligt/so stehn die Cardinal alle auff vnd wünschen ihm zum erstengluck. Darnach ziehen sie im die schwarzen crocea vnd das kleyne kápelin ab/vnd setzen in mit dem rochet oder Forhembt auff eyner
B iij stül

Stüll für den altar/stecken ihm den päpstliche bischafft
ringt/so man annulum piscatoris nennet/an. Vnd fra-
gen was für eyn nammen er haben wöll/vnd als dann
pflegt er zū subscribierē oder vnderscheiden die statut
welche sie für der waal beuestiget vnd betewret haben/
vnd etliche supplication zū signieren/ıc.

Vnder des öffnet der oberst diaken das fenster inn
der capellen gegē dem plaz/da das volck wartet. Vnd
reget das creüz hinauß gegen dem volck/vnnd schreiet
mit hoher stimme. Ich verkündige euch eyn grosse frey-
de/wir haben eynen Papst. Der. 11. ist zūm Papst er-
welet/vnd hatt ihm erkoren den nammen. 11. ıc. Dar-
nach fūret manden electum in die sacristei vñ ziehen jm
die diaken Cardinal die vorigen gemeynen kleyder ab.
welche nach alter gewonheyt den clericis ceremonia-
rum gebūren. Vnd wirt mit pästlichen kleydern bekley-
det: Nemlich legt man ihm an/eynen weissen wollenen
rock/rothe hosen: rothe schie/dorauß ein gulde creüz:
eyn rothen gürtel mit guldenē spangen/ein rot paret/
vnd zū lest eyn schön weiß rochet oder korbhembt. Dar-
nach legen sie jm die priester kleyder auch an/eyn lange
albē: eyn gürtel: eyn stoll mit perlen gestickt/ist er prie-
ster/so legt man es ihm vmb den hals: Ist er diaken so
legt man es ihm auff die lincken achsell/ist er subdiaken
oder darunder/so legt man ihm in kryn stoll an.

Wann er also ist angelegt/fūren sie ihn herauß vnnd
setzen ihn wider auff bemelten stüll/da signieret er vil
supplicationes. Als dan legē die Cardinal die schwarz-
en langen mantel oder croceas/vnd die kleyne kapplin
ab/vnnd ziehen ihre kappen widerumb an. Geben dem
neuen

newen Papst cyn köstlichen rothen Formantel vmb:
setzen ihm die guldene Kron voller edelgesteyn auff: vnd
setzen ihn auff den altar. Gehen alle Cardinal nacheyn
ander hinzu/ thün ihm reuerenz/ vnd küssen jm die füß/
die hände vnd den munde.

Vnder des öffnet man alle thüren am conclani reißt
allerigell wegt/ vnd stoffet die mauren in fenstern vnd
thüren auß/man leütet alle glocken vnnnderzeygt aller-
ley freüden zeychen.

Darnach geht das creutz vn die Cardinal vor/vñfü-
ren den neuen Papst hinab inn sant Peters Kirch: da
legt er sich nider für den altar/on Kron vnnnd beth cyn
zeit lange/ dancket Gott vnnnd den heyligen aposteln:
Darnach wenn er auffsteht setzen sie ihn mitt der Kron
auff den altar/ vnnnder oberst Cardinal kneiet nider
vnd fahet an das Te Deum laudamus/ das singen die
cantores vollend auß: dieweil gehen die Cardinal nach
der ordenung hinzu vnnnd küssen ihm die händ vnd den
munde. Desgleichen die andern prelaten vnnnd edelle so
vorhanden sein.

Wen das te Deū auß ist/ so rrit der oberst Cardinal
zum altar vnd spricht cyn pater noster/ versickel vnnnd
collect über den neuen Papst.

Darnach steigt ervom altar vnd gibt den segn über
das volck. Geht also widderumb mit dem creutz vnnnd
procession inn die päpstliche wonung/ vnnnd cyn yeder
Cardinal zu hauß.

Ehe wann der Papst gekrönet wirt/ pflegten nicht
consistoria zu halten: auch nit lehen zu verleihen odder
Kirchen zu providieren. Es were dan das die Kröning

C vers

verzogen würde/ vnnnd dienotturfft sollichs erfordert.

Der Römische Bischoff thut gar keynem menschen reuerenz das er gegen yhm offentlich auffstünde das haupt neigete oder entplösset. Aber wann er den Römischen Keyser hatt zügelassen/das er im sitzenden die fuß vnnnd händ küsset/steht er darnach cyn wenig auff vnd umbfahet in züm fuß des mundes freünlich / sant züm zeychen der liebe gegen eynander. Des gleichen thut er vnderweilen auch den grossen Königen. Alle andere fürsten vnd prelatten wes stands oder werden die seien/ wenn er sie züm munde küssen laßt/pleibt er sitzen.

Jedoch wann Cardinal odder grosse fürsten zu ihm kommen/ da er nit in pontificalibus sitzt/vnd thun reuerenz : plegt er das haupt cyn wenig zu neyge gleich als zur gegen reuerenz. Nit von amptes wegen/sonder auß freünlichkeit.

Wie man dem Papst reuerentz thut.

Alle menschen/ sonderlich aber die chrißtglaubige. Er was werden oder hocheyt die seien : wenn sie für den Papst wölle geen als bald sie im zü gesicht kommen sollen sie drei mal im hin zü gehn nacheynander vff die knie niderfallen/ vnd zü ehren vnserm seligmacher Jesu Christo des stadt er auff erden helt die fuß küssen. Keyser König vnnnd großmechtig fürsten/oder botschafften der selbigen laßt man inn der erste cyn mal zü das sie auch die händ vnd den munde küssen. Alle andere küssen nur die fuß. Die Cardinal aber bucken sich zwey mal vñ züm dritten knien sie. Wann der Papst messz

Geht ihn S.
Paul. sprach
nichts an: So
noze inuicem
perueniētes.

messz helt so küssen ihm die Cardinal seine rechte handt.
Die Bischoffe cyn kneie. Die Keyser Königin vnd groß
se herin handt vnd füß.

Wann der Papst in seinen pontificalibus singet/so
thün ihm die Cardinal reuerenz der gestalt. Der ober-
ste Cardinal hebe seine kappen formen mit den händen
auff/das hinder theyl aber laßt er auff der erden nach
schwanzē/geht sein tritt für den Papst/nimpt die kap-
pen vnnnd hebts auff wie die frauen ire langen mäntel/
legt die hand für die brust vñ buckt sich mit dem haupt
vnd schultern tieff für dem Papst/trit also hin zu vnd
küffet im sein rechte handt/darnach tritt er hinder sich
vnd buckt aber malen vñ geht an seinen ort. Des gleich
en thün die andern Cardinal nach ihrer ordnung.

Wann der Papst inn der capellen auffsteht vnd für
die Cardinal geht/so entplößen sie ihr haupt vñ bucken
sich tieff gegen ihm. Wann sie aber sonst mit im reden/
bucken sie sich vñ entplößen ihre haupter/biß der Papst
heyst zudecken.

Wen der Papst im reden sieneñet wirdige brüder/ic-
steen sie alle cyn wenig vff vñ entplößen jr haupt. Wan
cyn Cardinal hin wegt ziehen will/oder von frembden
wider heym kompt/so küffet er dem Papst den füß/vnd
wen der Papst wil/die handt vñ den mund. ¶ Auff sol-
liche weiß thün die Cardinal auch cyn ander reuerenz/
mit bucken vñ gnappen. ¶ Wen die Cardinal für oder
nach tisch handt wasser nemen/pflegen alle leyen so ent-
gegē/nider zu kneien. Die andern das haupt entplößen.

Wenn cyn Bischoff mit dem Papst redt/kneiet er als
lang er redt/vnd wenn im der Papst antwort.

C ij Von

Von der weelung vnnnd krönung des erweelten Papsts.

So der erweelte Papst mit geweihet ist/mag er sich auff eynen tag lassen weihē zum Epistler/Euangelier vñ priester/seines gefallens/darbei dan vil preng vnd cerimonien gehalten werden.

Wann man nun die segung vnd krönung will anfa-
hen/legt sich der Papst sampt anderen im pallast an/
darnach gehn si mit dem creutz vnnnd procession herum-
der zu S. Peters kirchen/zween diaken Cardinal tra-
gen auff beyden seitten die leisten an des Papsts For-
mantel. Den schwanz des Formantels soll tragen der
Edelste leye so am hoff ist/wenn es gleich der Keyser
oder cyn König were. Acht Edelkeit oder oratores
sollen den himel tragen an acht stängen.

Wann er für das pallatium bei S. Peters kirchen
kompt setzet er sich/vnnnd nimpt die thumherren sampt
dem ganzē capitel S. Peters kirchē an zu fußküssen.
Darnach geht er in die kirche/setzt sich in sant Gregori-
en capellen/nimpt die Cardinal sampt andern prelaten
anzur reuerenz oder kuß. Darnach gibet er den segn
über das volck.

Von alters her/nach der vätter sagungen hatt der
Bischoff von Ostia den Papst vnd Keyser geweihet
aber yezunt thut es der ältest oberst Cardinal sampt
anderen zweyen ältern von fridens wegen.

Wann nun alle ding zubereyter seind/fahet die pro-
cession an zum hohen altar/da die messz vnnnd weihung
gehal-

gehalten soll werden. Gehet also alles hoffgesind vnn̄d
prelatten eyn yeder inn seiner ordnung vor her. Zuletzt
geht eyn minster cerimoniarum für dem Papst/der sel-
bige treget zwey rohr auff dem eyne eyn brennende Kerz
en/auff dem andern eyn flachß oder wergt/vnn̄d als
balde der Papst auß sant Gregorien capellen da der
Papist begrebn̄is ist tritt/keeret sich der cerimoniari-
us gegen ihm/zündet das werck an/eneiet nider vnn̄d
spricht mit lauter stimme. Pater scanete/also ver-
geht die ehre der wellt/vnd sollichs thut er zu dreien ma-
len ehedann sie zur capellenthür kommen.

Wann also der Papst mit der procession herumb ko-
met vnd zur andern thür wider hienein geht ehe dann
er zum gatter kompt/gehn drei jüngste priester Cardin-
al entgegen vnn̄d küssen ihn an den munde vnn̄d auff
dei brust.

Wann das Kirieleys on in der messz gesungen ist helt
man still/vnd treten die ältesten drei Cardinal für den
Papist. Spricht yeder eyn collect oder gebett über ihn.
Die erste/weil ihn Gott hatt zum Papst erweelet/das
er ihm seinen segen auch darzü gebe/auff das er gewiß-
lich erfare das ihm Gott zu sollicher wurde erhöhet ha-
be. Die andere Gott wölle ihn mit gnaden des hey-
ligen geysts begießen/vnn̄d weil sie als diener ihn zum
haupt aller kirchen erkorn haben/er ihn durch Götlich
krafft wölle stercken. Die dritte/weil Got S. Petro
das primat vnder den andern aposteln hatt geben/vnd
der gangen christenheyt regiment auffgelegt/so wölle
er auch disem seinem diener/der mit gewalt auff S. Pee-
ters stülle zu sitzen durch sie ist bezwungen/anch verlei-

C ij hen

hen das mit verdienst der tugent werde überschütter/
gleich wie er zu grossen werden ist erhöhet/ auff das er
durch Gottis hülff dieläst der gangen kirchen möge er-
tragen vnd bei Gott verdienten lohn entpfahen.

Darnach tritt der Papst zum altar vnd legen ihm die
zween diaken den mantel/so sie von S. Peters leib vnd
altar genommen haben/an. Mit disen worten entpfa-
he den mantel die heylige fülle des Bischöflichē ampts:
züehren des allmechtigen Gottis/ der aller glori wir-
digsten mütter Gottis Marie/der heyligen apostel Pe-
tri vnnnd Pauli/vnd der heyligen Römischen kirchen
heffet ihm also den mantel zu. Also reüchert dann der
Papst den altar vnd setzt sich als dann auff cyn hohen
stall/ nimpt die Cardinal sampt anderen so zu gegen
seind/zür reuerenz des küssens.

Nach dem Gloria in excelsis wenn die collecten gele-
sen seind/ setzt sich 8 Papst nider vñ der diaken geet mit
eynem stäblin sampt den subdiaken/ auditoren/ secreta-
rien vnnnd aduocaten/ hinab zu S. Peters confession.
Stehen da selbst auff zweyen chören gegen eynander
mit barem haupt/ vnd sprechen dem Papst laudes/ der
prior diaken fahet an mit hoher stimme/ Erhöre Chri-
ste/ die vmbstehndē antworten/ vnserm Herrn. N. den
Gott zum höchsten Bischoff vnd gemeynen Papst ver-
ordnet hatt/ sei lebend/ vnnnd sollichs sprechen sie zu
drein malen.

Darnach spricht der prior diaken: Du heylande der
welt respōdetur hilff im: auch dreimal. Darnach sancta
Mariarespōdetur hilff ihm: zwey mal. Darnach sancte
Mich. Gabriel: Petre Gregori/te. respōdetur hilff du
ihm:

ihm : yedes nur cyn mal. ¶ Nach den laudibus liest
man die epistel latinisch vñ darnach auch Griechisch:
helt die messz fort bis zum ende. Den segn gibt man: ver
kündiget aber nit applaß. Nach der messz nimpt man
die Eröung für. Der Papst legt an die händschüch/ring
vnd alle parament/ geht sampt den Cardināln vnd of
ficialen hinauß zu S. Peters staffelen/da ist cyn hohe
büne bereyter darauß sitzet er auffeynen hohen stüll.
Wann nun alle prelaten sich haben versamlet vnd das
volck für die kirchen auff den platz hinauß ist getreten.
So nimpt der diakē zur linckē dem Papst die Bischoff
infell vom haupt. Der ander diaken zur rechten setzet
im die dreifache kron (so man das regnum nennet) auff Regnum.
das haupt/vñnd alles volck schreiet Kirieleyson. Als
dan verkündigen die zween diaken vollen applaß/ oder
plenarias indulgentias : der zur rechten latinisch/der
zur lincken teutsch. Nach dem allem rüffet man die pro
cession gen lateran.

Bompa der päpstlichen proceßion.

Wils aber gemeynlich sich fast ferin auff den tag
verlenger/vñnd cyn ferner wegt ist gen lateran da
selbst auch vil auß zu richten/ pflegen sie zu vorn
etwas zu essen das sie nit mar loß werde. In des erzprie
sters hauß S. Peters kirchē/bereytet man essen für den
papst vñ die cardināl. Aber die andern prelaten/essen
sonst in 8 thümherin häusern hin vñ wider. Wenn man
gessen hat/rüffet sich der Papst vñ all andere zu reiten
vñ ziehen nacheinander gon lateran in solcher ordnüg.
Vonerste ziehen 8 Cardināl valisari in jrer ordnüg/ Troffierer.
C iij dar

Scrutiferi.

Darnach ihr hoffgesind vnd alle Leyen/durch eynan
der wie eyn yeder zu massen kompt. Auff die/folgen
des Papsts balbierer vnd schneider führen rothe wad-
säck/darin sind die kleyder so vnserm heyligsten herren
zustehn. Des Papsts hoffdiener vnnnd truchsessenn/ die
mindern Edelkeit am hoff: vnd der Cardinal einicklen
vätertern vnd gefreunden. Item des Papsts leyter mit
eym rothē tuch verdeckt/tregt eyn weiß pferdt welches
führt eyner auß des Papsts parefrenariē oder traban-
ten/mit purper bekleydet. Wann der Papst auff das
pferdt ist gesessen/ so geht der selbe parafrener mit be-
melter leyter inn seiner ordenung/ führt das pferdt am
zaum mit der rechten handt/vnd tregt eyn rothen stabe
in seiner lincken handt.

Büttel.

Nach dem reiten zwölff cursores des Papsts auch
inn roth bekleydet/ye zween neben eynander vnd führen
zwölff rothefahnen.

Capita regis
onum.

Auff die reiten dreizehen fenderich der zunfft mey-
ster oder viertelmeyster der statt Rom/mit ihren chern-
bin fahnen/welche etwas grösser sind dan die andern
fahnen/seind allesamt mit roth bekleydet. Nach den
reitet der fenderich der statt Rom mit seinem phane/
vnnnd des Römischen volcks wapen. Darnach führt
der procurator des teütschen ordens/vnser lieben frau-
en eyn weissen fahnen/oder panier mit eym schwarzen
creüz. Des Papsts panier welches führt etwo eyn gröss-
er Edelmann/ Item der kirchen panier. Vnnnd dar-
nach zu letzt führt der procurator des ordens der Jero-
solimitaner ritter/ eyn rothen fahnen mit eym weissen
creüz. Dife fünff fenderich reitē ganze kürisse pferdt/
mit sei-

mit seidenen decken bedeckt/bisß zûn schencklen daran ire wapen. Sie fûren auch vollen harnisch außser dem helm/als wolten sie in streit ziehen/mit seidenē flügeln/daran die wapen stehn. Lyn yeglicher senderich hatt vier drabanten neben sich/mit bocasinen flügelen/daran der herin wapen seind.

Auff die fahnen odder panier/volgen zwölff weisse roß ledig inn guldenem zeüge mitt Carmasein bedeckt/welche fûren zwölff parafrenar in roth gekleydet/der yeder fûret cyn rothen stab inn seiner lincken handt.

Auff die folgen vier Edele/der yeder fûret cyn Carmasinen hûtt auff eym stecken/dienennet man scutiferos honorarios.

Darnach reiten die kâmmerer odder cubicularij inn ihrer kleydung die Oratores layci/vnd dienit prelaten seind/sampt den freiherrn vnd hohem Adel.

Darnach der Subdiaconus apostolicus /mitt dem pâpstlichen creüz/sampt seinen mitgesellen: bekleydet wie sie zur messz pflegen zûbrauchen. Neben dem creüz reiten zween thûr knecht oder magistri ostiarij mit iren stecken.

Nach den selben zwölff diener familiar des Papsts inn roth bekleydet/vnd tragen zwölff brennend windlicht für dem heyligen sacrament/zû fûssen.

Darnach reiten zween diener des sacristen in roth gekleydet/vnd fûren zwo sylbern laternen mit brennenden lichtern für dem sacrament.

Nach denen fûret cyn diener des sacriste auch inn rot bekleydet/sampt dem stecken inn der lincken handt/cyn ganz weiß pferdt gepuzt wie die obbemelte zwelff/

D welches

welches treget das heylig sacrament / hatt eyn hell klinge
gondt glöcklin am halß hengen. Ober dem sacrament
tragen die Römischen burger eyn himmel / daran des
Papsts wapen seind / vnnnd wechselfn dreizehenmal ab/
auff das eyn yedere region oder zunfft ihren teyl habe.

Vnnermittelst als baldt nach dem sacrament reitet
der sacrista / welcher gleich als die anderen prelaten hat
eyn pferdt / mit bocassin ganz bedeckt / vnd er sampt den
anderen allen seind angelegt mit parementen vñ inseln /
wie zur messz / der sacrista füret eyn weissen stab inn der
handt.

Darnach folgen die zween schiff patron oder prefecti
oder wo die nicht vorhanden / zween Edele: bekleydet
wie die aduocaten vnnnd secretarien / außgenommen die
almugia.

Nach denen die secretarij vñ aduocatē mit almuget.

Darnach reitten die Cantores in Korhemdbdern.

Darnach die acoliti / clerici camere / vnnnd auditores
mit Korböcken über die rochet. Der kriegisch subdiacon
vnd der latinisch / vnnnd der kriegisch diacon wie inn
der messz.

Darnach reiten die prelaten auff verdeckten pferden
in inseln oder bischoffs hütten / vnnnd kormänteln / die
fremdbden äpte: Bischoff: erz Bischoff / die äpte inn der
statt: die Bischoff so vmb den Papst seind / patriarchen
Cardinal: diacon in dalmaticken: die priester inn caseln:
Bischoffe inn kormänteln: Zween diacon so auff den
Ppaf wartē / zwischē denen reit der prior diaconorum /
der soll eyn stab in der handt füren / vnd die ganze pro-
cession ordnen / darnach an seinem ort reitten.

Nach

Nach den allen reitet der Papst auff eynem weisse pferd/mit zeüge gepuzt/vñ hinten mit carmasin oder cramasin rüch bedeckt/ vnder eynem himmel/ welchen zwelff vom hohen adel oder zwelff oratores herin bottschafften/tragen.

Wann der Papst an der leytern/ da von d:oben gesage/auff das pferdt steigt/soll der grösest Fürst so entgegen ist/weñ es auch eyn König oder Keyser were/den fegreyff halten vnd das pferd eyn wäglin fornen am zaum fort leyten. Wann der Keyser oder eyn König alleyn da ist/ soll er das pferdt alleyn mitt der rechten handt führen wann aber zweyn König da sein/soll der grösser zur rechtē der minder zur lincken an zaum greiffen. Wann aber Keyn König da ist/sollens die meysten Fürsten oder grösten herin bemelter weiß thun.

Vnd wann der Keyser oder König etlich schrit lang das pferdt gefüret hatt/ sollen andere grosse herin antretten/vnnd also nacheynander abwechseln. Wann aber der Papst nit reitet/ sonder auff eym sessel sich lasse tragen. Sollen die vier grösten herin ob gleich der Keyser darunder sei: zu ehren vnser seligmachers Ihesu Christi/den sessel sampt dem Papst auff iren schulteren etlich schrit weit tragen. Doch sollen vorhandenn sein vier starcke diabanten des Papsts/ die die last tragen/vnd die Fürsten ire hand anlegen/mehr zu anzeygender religion vnnd reuerenz/ dann zu last tragen. Sollen auch abwechseln nach gelegenheyt der personen vnnd des wegs/ gleich als auch die acht Edelen so den himel über dem Papst tragen/sollen andere an ihre statt lassen treten/nemlich die Edelen Römer/vnnd auff die

D ij pferd

pferde sitzen/ vnd in ihrer ordenung reiten. ¶ Für dem Papst sollen zu füssen gehn die conseruatores: capita regionum/ oder zunfftmeyster vñ andere regenten vnd erbaren der statt/ darzu bei hundert kriegsknechte mit ihren schwerteren/ vñnd sollen stecken in händen tragen des Papsts leib zu verwaren.

Umb den Papst her/ vor vñnd nach soll der hoffmarschalck reiten/ mit zweyen säcken gelts am sattelbogen. Soll sollich gelt vnder das volck strawen/ das gedreng zu vorkommen.

Den ersten wurff gelts soll er thun/ wann der Papst anfahet zu reiten. Den anderen bei der brucken Adriani: Nachmals auff dem platz beim berg Jordan: darnach auff dem platz Parionis: Darnach aber eynen bei S. Marxen: Darnach bei sant Hadrian: Vñnd in summa wo er sihet das zu groß gedreng vmb den Papst ist. Derhalbē soler auch dz gelt ander wegs von der strassen strawen das raumb werde.

Nach dem Papst reiten zween Kamerer die innersten vñnd zwischen ihnen in der mitte der auditor/ rothe dechant/ der auff die infell wartet.

Darnach zween medici ärzte: vñnd zwischen ihnen mitten der oberste secretarius/ wo er keyn prelat ist.

Umbellum. Darnach reitet eyn zeugnmeister inn ganzem harnisch on den helm/ vñnd füret eyn roth umbell. Zu letst reitē/ der vicecamerari/ so er mit mess gewand an hat/ vñnd alle prelaten on ornat/ prothonotarij/ auditor/ contradictorum/ corrector literarum/ on messkleider vñnd alle rogati.

Der vicecamerari füret eynen stecken/ vñnd gebürt ihm die pro

die procession in solcher ordnung zu behalten/wie es der prior diaken geordnet hatt. Inn solcher ordnung ziehest sie zu S. Jahan in laterano.

Wann der Papst zum Jordanberg kompt/gehn in die Juden entgegen/Encien nider/überantworten das gesatz/preisen das selbige vff Hebreysche sprach/ermannen den Papst das ers in ehren halte. Wenn der Papst sie gehört hat/antwortet er auff disemeynung. Ihr hebreyschen männer/das heylige gesatz loben vnd ehren wir/als das Gott der allmechtig durch die hand Moß erwern vättern geben hatt. Aber ewere obseruanz vnd vergebenlich außlegung verdammen vnd verwerffen wir. Dieweil der apostolische glaub leeret das der heylande auff welchen ihr vergeblich noch harret/kommen sei. Vnd verkündigt Jesum Christum vnseren herin/welcher mit dem vatter vnd heyligen geyst lebt vnd regniert/Gott inn ewigkeyt.

Wenn der Papst zur kirchen inn laterano kompt/tritt er aber in die vorhalle/da entpfahen in die forherren der selben kirchen ehlich mitt dem creüz/der prior beüt das creüz dar zum kuß/welches der diacon Cardinal nimpt vnd halt es dem Papst für zu küssen. Dar nach setzt man dem Papst die infell auff/vnd führen ihn der prior vnnnd die forherren für die grösser kirchthür zur lincken hande/setzen ihn all da auff eynen marmelsteynenen stüll/welchen man den forchstüll oder direct

1. Sam. 2.
psal. 113.

Eedes ster-
corea: vide
Platina in
Ioh. 8.

100. 21

D iij vnder

vnder die Fürsten / vnnnd den stüll der ehren erben lasse.
Wann der Papst auffsteht so nimpt er cyn handt voll
gltes auß des Kammerers geeren / darunder doch weder
golde noch sylber ist: strawet es vnder das volck vnd
spricht. Sylber vnnnd golde hab ich nicht / was ich aber
hab das geb ich dir. ¶ So ist nun vonn der grösseren
Kirchthür biß zum hohen altar cyn hölzene bruck / ge-
macht mit gelendern zu beden seitē bei fünff schüch hoch
vonder erden / vnd bei sechs oder syben schüch breyt / dar
auff führen sie den Papst vnnnd Cardinal zum hohen al-
tar / auff das ihn das volck nit dreuge / derhalben ist es
auch allenthalben inn der Kirch mit brettern verschla-
gen. Singen Te Deū laudamus. Darnach gibt der
Papst den segen übers volck / vnd setzt sich auff cyn ho-
hen stüll laßt die chorherren Lateranenses die füß kuss-
sen. Darnach geht der Papst auff der brucken auß der
Kirchen hinein ins pallatium Lateranum / vñ wenn er
in den grössern saal kömpt / welcher genennet ist der con-
siliū saal / setzet er sich obē im saal neben der steynern staf-
fel die man nennet mensura Christi / auff cyn stüll / ste-
hen neben ihm die Cardinal. ¶ Da spricht man dem
Papst Laudes / inn massen wie droben bei sant Peters
Kirchen bemelt ist / alleyn dz alhie der ältest priester Car-
dinal anfaht.

Wenn die laudes volender seind / geht der Papst fer-
ner zu sant Syluesters capellen / da stehn für der capel-
len zween stüll vonn porphiretico steyn durchlöcheret /
auff den ersten setzet sich der Papst / alda geht hinzū der
pilor der Kirchen in Laterano / kniet nider vnnnd gibt
dem Papst cyn stäblin in die hand / zum zeichen d̄ strafs-
fe vnd

se vnd des regimentes / darzu die schlüssel zu der kirchen
vnd zum pallas in Laterano / zum zeichen der gewalt
zu schliessen vnd auff zu thun / zu binden vnd zu lösen.

Darnach steht der Papst vorn dem stül auff mit
dem stäblin vnd schlüsselen / vnd setzt sich inenhalber
auff den andern stül / da gibt er dem prior das stäblin
vnd die schlüssel wider / der prior gürtet dem sitzenden
Papst über die Casell ein rote seidene bendel umb / dar
an hengt ein rother seidener beutel / in welchem sind
zwelf edelsteyn vnd bisem. Wenn der Papst also ge
gürtet sitzt / nimpt er auß des Kammerers geeren allerley
sylbern pfenning ein ganzehant voll / strawet vn
der das volck vnd spricht. Er strawet auß vnd gibt
den armen / seine gerechtigkeit / bleibt ewiglich : vnd das
thut er zu dreien malen.

Darnach fñret man den Papst auff ein bruck / wie
oben bemelt zu bereydet / zu sancta sanctorum / daselbst
bietet er vnd geht darnach wider in sanct Sylvesters
capellen / sitzt auff einen stül / legt von sich ab die infell /
händeschuch / papstmantel vñ casel : Nimpt ein schlech
ten pluuiam mantel umb / vnd ein schlechte infell vnd
gibt presenz auß odder presbiterium / also den Card
nalen zween goldt gulden vnd zween sylbere groschen.
Die Cardinal gehen hinzu / neigen das haupt tieff für
dem Papst / regen die offene infell odder mitram hin /
darein wirfft ihn der Papst das goldt / wenn sie es ene
pfangen habē küssen sie dem Papst die hant / das gelt
nimpt der Papst auß des Kammerers geeren. Die andern
prelatten knien für den Papst nñ vnd entphahē in ihre
infell ein gulden vnd ein groschen / vnd küssen dem
D iij Papst

Papst das rechte knei. Die andern prelaten aber vnn
am pleiße empfahen es in die handt/ vnn küssen dem
Papst die füß.

Wen der Papst also presentz oder presbiterium hat
geben/ geht er mit den Cardinäl hinauff in das palla
rium lateraneum/ vnd wo er als dann nich halt das so
lenne conuiuium/ legt er die parament ab/ geht inn eyn
kammer rüwer vnd isset oder collaget. Die Cardinal
weist man auch in sonder verordnete kammern da rü
wen sie/ ergengen sich vnd warten ob der Papst des tags
wider gen S. Peter reiten will/ wo nit so ziehen sie heym
zu hauff.

Vom herrlichen Conuiui des

Papsts/ Cardinal vnd prelaten.

An tage der Eröning vñ am grünen donerstag/
pflegt der Papst eyn öffentlich herrlich mal zu hal
ten fast mit gleichē cerimonien. Erstlich schmuckt man
den saal auff das köstlichste/ mit guldenen vnd seidenen
tapeten. Oben im saal machet man eyn büne dreier
staffel hoch als weit der saal ist/ mitten darauß ist eyn
vierecket bechlin eyner spannen hoch darauß bereyter/
man des Papsts tisch/ an der wandt bereyter man den
stüll vnd eyn gulden tüsch das hinauff geht oben über
dem haupt. Für linken seiten machet man des Papsts
credenz auff/ zu guldenen vnn sylberen gefeß wasser
wein/ &c. Für rechte handt vnder der büne bereyter man
der Bischoffen vñ priester Cardinal tüsch/ vnd eyn we
nig

nig baß hinab für die anderen prelaten / doch also das
der Cardinal tisch vnnd bänck cyn staffel höher seind.
Gegen über zur linken sitzen die diaken Cardinal als
hoch wie die anderen / vnd baß hinab die edlen vnd offici
al. Zu vnderst im saal richtet man cyn grosse credenz
auff / mit vilen staffelen zur magnificenz / vñ sonst eyne
auff cym langen tische / mit den geschirren die man zum
tische gebrauchet.

So der Keyser vorhanden ist / bereyter man ihm cyn
tisch vff der ebenen büne zur rechten des Papsts / da sitz
et er alleyn an / seinen stüll putzet man mit cym guldes
nen tuch / doch nit über das haupt / darzu macht man im
cyn credenz auff neben des Papsts. Ist cyn König
da / der sitzet zu tisch nach dem ältesten Bischoff card
inal. Die edelsten leyen am hofe dienen dem Papst zu
tische / weñ es gleich brüder oder süne der König seind.
Die diaken führen den Papst zwischen sich in der mitte /
zu tisch / mit seinen pontificalibus bekleidet / nemlich
mitt sandalien / dalmatich / rothen mantel vnnd infell.
Die Cardinal vnd andere prelaten haben chorhemdbder
an / über dem rochet odder ordens kleyde / wenn es or
dens leüt seind / vnd weiße infelen auff dem haupt / vnd
braune mantel fornen offen über die choroock. Die an
deren all in ihren täglichen kleydern.

Da sollen alle familiares des Papsts / vnd andere die
ner die mögen auff den dienst warten / darzu die kriegs
drabanten wol gepunzt mit ihren sylberen stecken / sollen
vorher gehn weñ man essen auff tregt / vñ raum machē.

Des Papsts tisch ruckt man beaits / er setzet sich auff
cyn stüll / die Cardinal Fürsten prelaten vnd alle andere
E stehn

stehn für ihren tischen. ¶ Der edelste leye/es sei gleich
Keyser oder König/tregt dem Papst das handt was-
ser für/mit grosser pomp/lassets zu forñ die diener cre-
denzen. Eyn auditor geht für her/vnd tregt die hande
zwehelen. Der oberst Cardinal geüßt das wasser auff
die händ: zween diaken haltē die handt zweheln/weil der
Papst die händ weschet/Encien die prelaten vnn̄d leyen
allenider: die Cardinal vnn̄d andere stehn mit plossem
haupt.

Was aber alhie gesagt ist vom Keyser/soll verstan-
den werden vom Römischen: dann der Kriechischen
Keyser helt man nit anderst dann sonst eynen König
Darnach segnet der Papst odder spricht das benedicite
so tregt man essen/die erste richt tregt der Edelste leye/
er sei Keyser König oder eyn anderer Fürst. Die ander
richt tregt/welcher nach ihm der edelste ist/vnd so fort
an. ¶ Man credenzt aber keynē on alleyn dem Papst
vnd Keyser. ¶ Wan der Papst trinckt/pflegen all vmb
stehende/so nit Bichsoffe oder höhers standes seind/nit
der zükniē.

Von allerley habit oder kleydung/

Erstlich von des Papsts habit.

WAm der Papst solenniter herfür gehet/so hats
er an/entweder cyn chormantel oder cyn kappen/
wie cyn Cardinal kapp/doch fornen ander brust offn/
vnd cyn infell oder cyn Papstmantel mit eyner guggell
auff dem haupt. Er braucht auch cyn schlechte infell
im seel

im seel ampt vnnnd am karfreitag/zür metten braucht er
 nimmer keyner infell/sonder cyn wullene Kappe odder
 Papstmantel/doch in der Christnacht vnd christabent
 nach der vesper wenn man trinckt/pflegt er cyn purpur
 Kappen mit hermelin gefüttert anzü tragen/welchs Bo
 nifacius der neündt erstlich hatt auff bracht. Er tregt
 nur weiß vñ roth chormäntel. Messgewand aber nach
 der farbe die sich auff die zeit reimbt/mit eyner schlech
 ten infell vnd braunen stola. Aber von vngerweiheten
 Kleydern tregt er nur roth über dem rocher/außgen om
 mē vom osterabent biß vff den weissen sampstag tregt
 er weiß. Sonst tregt er allwegen vnderm rocher cyn
 weissen rock vnd rothe hossen mit schühen/oder sanda
 lien darauff das guldene creüz.

Dreierley infelen des Papsts.

ESpflegen die Pāpst dreierley infelen nach gelegen
 heyt der zeit zūgebrauchen. Die erst ist mit köst
 lichen steynen vnnnd perlin gezieret/vnnnd hatt guldene
 leisten oder cyn auriphrigium vom vnderen circfel biß
 zū oberst zūm titel. Derselben brauchen sie an grossen
 solenniteten. Durch den circfel sprechen sie wirt be
 deutet die corona der gewalt. Durch das auriphrigi
 um so von vndē biß zū oberst hinauff geht/der discurs
 des beschawlichen lebens. ¶ Die andere ist auch mit
 perlen gemacht/vnd hatt cyn auriphrigium oder gul
 den leisten nur vmb den circfel/vnd derselben pflegen sie
 zū gebrauchen in offentlichen vnd heymlichen consisto
 rz ü rüs/vnd

rijs: vnd bedeüt die königliche gewalt. Die dritte war von weissem dammast on perlen / goldt vnnnd ander geschmuck / der brauchten sie an sonntagen im aduent / in der fasten vnd im seelamp.

Itzo zur zeit hat der papst vier inselen: Die kőfflich est tregt er in grossen festen vnd solenniterten. Die andre reist auch kőfflich / die tregt er in geringen solenniterten vnd in consistorien / haben beyde auri phrigiu am circel vnd am rittel. Die dritte hatt keyn goldt / ist aber von perlen gesticket / hatt eyn perlen circel vnd rittel / die selbe tregt er an sonntagen im Aduent vnd in der fasten. außgenommen die sonntag Gaudete vnnnd Letare / an denen tregt er die andere. Die vierde ist von dammasten mit golt außgenehet / doch on perlen vñ edelsteyn / die tregt er an werck tagen vnd vnderweilen auch an festen wenn das ampt angefangen ist / vnd vnder der predigt von leichte wegen. Er hat sonst noch eyn schlechtere von dammasten gemacht mit wenig gold / die tregt er im seelamp vnd in der karwochen. ¶ Ober die alle ist der Papsthut mit der dreifachen kronen / regnum genant: Dardurch bedeütet wirt die höchsten priesterlich vnd Keyserlich wirdigkeyt vnnnd gewalt. Der thiara braucht er inn den grőssen solenniterten / wenn er zu vnd von der kirchen geht / aber nicht in dem göttliche ampt. Wann er zum altar kompt thut er sie ab / nimpt eyn insfell vñnd gehet zu seinem stüll / volbringer darinn das ampt der vesper oder messz. Die thiara thut man die weil auff den altar / nach dem ampt wenn er wider ins pallast zeihet setz mans ihm wider auff. Mit der thiara kronet man ihn auch.

Don

Von dreierley Keyserkronen.

Es ist eyn gemeynere wone/dz der Römisch Keyser mit dreien Kronen soll gekrönt werden. Mit der sylberen zu Acheinn teutschland. Mit der eysen zu Nodenz inn Lombardia. Mit der guldenen zu Rom. ¶ Vorzeiten weil die Römischen Keyser herin fast über die ganze welt warē für dem Aureliano/trüngen sie nur Kronen von Lorbör baumen/oder anderen glückseligen baumen/dann das Römische volck ware nicht so feindt als dem Königs namen. ¶ Das müssen wir auch bekennen das vor dem grossen Keyser Carolo/auff welches person das Keyserthumb ist transferiert von Kriechen zün Latinischen/nie Keyner die Keyserliche Kron von des Papsts handt empfangen habe. Vnd sagt Papst Pius xxix. das der Keyser Keyn andere Kron dann nur die guldene entpfahē. Andere Kronen mag er wol auff andere reich so er innen hatt entpfahen/ aber die Keyser Kron des Römischen reichs entpfahet er zu Rom von dem Römischen Bischoff.

Also schreibt Ottho frisingens das Keyser Fridrich der erste/fünff guldene Kronen entpfangē habe. Die erste zu Ache/als König zu Franckreich. Die ander zu Regenspurg vom teutschen reiche. Die dritte zu Pavia/als Kōi iz in Lombardia. Die vierde zu Rom vom Hadriano iij. als Römischer Keyser. Die fünffte zu Nodenz/von wegen des reichs in wellschlandt.

Dieselbe heyst man eysen darumb das oben eyn eysen blechlin dran ist. ¶ Also Carolus der vierdt/da er schon gekrönter Keyser was/ ließ er sich zu Arelate
¶ in auch

auch Erönnen. Darumb entpfahet cyn Keyser nur cyn
Kron zu Rom vom Papst/ von des Römischen reichs
wegen/die andern aber mag er anderer reich halben ent
pfahen.

Von der Cardinal habit.

Die Erwürdigsten herrn Cardinal/ tragen alweg
in der capell oder sonst öffentlich über dem rochet
cyn weite kappen/tunckel oder liecht braun/oder tunck
el blaw/oder ärg farb. Vnderweilē (doch solten) auch
roth/dan roth farb steht eygentlich dem Papst zu/vnd
den legaten die der Papst außserhalb des wellschen lan
des schickt/pflegt er cyn rothen manttel mit cynrer kapa
pen zu schencken/ vnd in solchem kleyde gibt der legat
audiēz in seiner prouing. Paulus secundus hatt ver
ordnet/das die Cardinal rothe paret sollen tragē/ vnd
weñ sie reitten/rothe deck auff den pferden oder maul
eselen haben. Die Cardinal kapp mag auß wollenem
ruch oder schamlotten sein. In seelämptern in der fa
sten/vnd wenn der stüll vaciert/ tragen sie tunckel kapa
pen mit grawen fellen gefütteret. Doch yezo zur zeit
von aller heyligen tag biß auff ostern/tragen sie weisse
schacke irte fütter. Zur anderen zeit rothe seidenen vñ
derfütter.

Von der Prelaten habit.

Nidere prelaten/patriarchen/ Erzbischoffe/Bi
schoffe/prothonotarij/subdiaconi/auditores ro
te/clerici kammere vnd acolithe/tragen wullene
kappen über dem rochet/wie die Cardinal/doch mit von
schamlot.

schamlot noch roth farb/ oder liecht braun. Die neben dem Papst stehen/ sollen langemäntel/ Crocea genant/ mit eyner kappen am halß tragen. Wann der Papst eyn mantel vmb hat/ mit vmbgetörrer kappē. ¶ Außserhalb ihrer kirchen/tragen die prelaren nit weire kappen an/alley n am Römischen hof/ wē sie beim ampt oder in weltlichen geschäften oder öffentlichem consistorio seien/oder in des Papsts capellen.

Andere pompen vnn̄d geprenge des Papsts iun der messz/ procession vnn̄d sonst/mögen auß obangezeygten genugsamlich ermessen werden.

Das Ander teyl / von des Papsts gepreng vnd cerimonien gegen grossen herzschafften vnd oberherren.

SA sehe man welche die herzschafftē verachten/vnd die maiestäten verlestern/ wie sant Petrus vnd Judas in ihren epistelen daruon schreiben.

Vom einzug vnd krönung des erwelten Römischen Keyser.

Wenn eyn Römischer Keyser erweelet ist/ pfleger er dasselbige durch rapffere bortschafften oder oratores dem Papst zū intimeren/ zeygt ihm das decret der waal an: er beut sich zū aller andacht vnd reuerenz: ersücht gunst vnd gnad des apostolischē

L iij en stücks

en stüels : erbeüt sich zu aller hulbung oder eyds pfliche
erew zu sein/ der Römischen Kirchen/ vnd bittet endlich
mit aller demüt vmb die salbung/ weihung vnnnd Erö-
nung des reichs.

Wann der Papst die weelung besihet / vnd im heylig-
en Senat mit fleiß examinieret : darzu genüßsam vñ
derricht entpfahet von der form odder weiß der waal :
von geschickligkeyt der person des erweelte/ so gibt vñ
schickt er auff anregē desselben etliche commissarien/ die
den bemelten erweelten/ zu seinem vnnnd der Römischen
Kirchen sūne auffnehmen / ihm gunst vnnnd gnade verleis-
hen: vñ wo des geweelten person tüchtig wirt geachtet/
ihn nominieren verkündigen/ auffnehmen vñ declarie-
ren eyn Römischen König/ darzu tüchtig/ vñ genüß-
sam die Keyserliche wurde zu entpfahen. Bestimmen den
tag der weihung/ ihn zu Erönen vñ allen mangel oder
defect supplieren/ &c.

Dis alles ist gehalten worden von dem Papst Cle-
ment dem sechsten/ mit Keyser Carolo dem vierdren:
Item von Clemente v. mit Keyser Heinrich dem syben-
ten : Item vom Papst Bonifacio actauo mit Keyser
Albrecht vñ seinem vatter Keyser Rudolff/ vñ vilen
andern Keyseren.

Wann nun der geweelte Römische Keyser/ den zugt
gen Rom fürnimmet / die Keyserliche Krone vonn des
Papsts händen zu entpfahen/ vergleicht er sich zuuorn
durch seine botten mit dem Römischen Papst/ ob der
weise vñ zeit des einzugs/ auff das der Papst alle sache
best baß bestellen möge.

Nachmals als bald der Papst erferet das der Key-
ser ins

ser ins wellschland kommen sei / schickt er ihm entgegen
zween legaten a latere / die mit ihm handeln ehe wann
er der Römischen Kirchen landt berührt / wünschen
ihm glück / entpfahen vnd segenen ihn von des Papsts
wegen: vnd fordern von ihm auff erlichste weise den
eydt / welchen die erweelten Keyser pflegen zu thun / ehe
dann sie inn der Römischen Kirchen landt oder gebiet
kommen / in aller form wie in decretis ist außgetruckt /
Nemlich Sanctissimo domino / 1c. Ich. II. Römischer
König / verheyß dem aller heyligsten herren / vnserem
herren. II. auß Gottis vorschung Papst: vund schwör
bei dem vatter / vnd sün / vnd heyligen geyst / vñ bei dem
holz des lebendigmachenden creuzs / vund bei dem ge-
genwertigen heyltumb der lieben heylgen (das ich weñ
mir Gott hilfft oder gүнnet das ich gen Rom komme)
die heyligen Römischen Kirch vnd seine Pāpstliche hey-
ligkeyt als ihren rector / nach all meinem vermōgen wil
erheben. Also das er mit meinem willen / rath / verwilli-
gen oder anreygen / nimmer beraubt soll werden / eyne
gelides oder seiner ehren / auch in der statt Rom nichts
onweren rath ordenē / noch mich einlassen in allem das
seiner heyligkeyt oder den Rōmeren zūsteht. Vund
was von sant Peters landt inn vnsern gewalt kompt
wil ich seiner heyligkeyt widerum zūstellen: Wem ich
auch das regiment im welschlande werde befelhen / dem
wil ich zūschweeren auflegē / das er seiner heyligkeyt sol
lenach allem vermōgē beistandt thun / S. Peters land
zūbeschützen / als mir Got helff vñ dise heyligen Euan-
gelia Gottis / 1c.

Es pflegen zūzeiten die oratores des erweelten Kön-
igs

nigs disen eydt zu thun/wenn sie von seiner wegen kom-
men vñ die election intimieren vñ approbierung bitten
wo sie des befelch oder sonderlich mandat haben. Solch
en eydt thet Keyser Friderich der dritt zu Senis/ in die
hånd der Pápstlichen legatē An. M. cccclj. ¶ Vñ
vor ihm habens vil andere Keyser gerhon.

Nachmals als bald der Keyser in das land der Rö-
mischen Kirchen kompt/halt ihn der Papst zu Rom vñ
allenthalben zerrüg frei/mit allem seinen hoffgesinde/
als lang er dapleibt.

Werner gon Sutrium odder sonst an cyn ort nahe
bei Rom kompt/das er des anderen tags Rom erreych-
ent an/reiten die legaten vor an gen Rom. ¶ Des an-
deren tags wenn der Keyser hernach zehet. Schickt im
der Papst von ehren wegen entgegen die prelaten/frei-
herrn vñ hoffgesind. Erstlich ziehen ihm entgegen
biß auff sechs wellsch meil/ die Edellen Columnneser/
samt iren freunden vñ dienern. Darnach die Visi-
ner/samt den andern freiherrn der statt Rom. Nach-
mals des Papsts kriegs volck so vorhanden ist/samt
ihrem hauptmann. Darnach der Vicecamerarius
samt dem statt hauptmann/Senatore/conservato-
rum/Ampfleuten vñ anderen Edelen Römern oder
burgeren.

Darnach des Römischen hoffs stände/mitt dem re-
genten der Canclei/vnder denen ist keyn prelat.

Darnach die anderen Prelaten so auff den Papst
warten/vñ alles sein hoffgesinde. Vñ zu letzt/
das sacrum collegiū der Cardinal/die warten des Key-
sers

fers vndē am berg bei dem flech hauf. ¶ Alledise kom
men auff vnderſcheydlichem nider fallen des wegs/dem
Keyſer entgegen.

Was aber Oratores oder Fürſten botſchafften zu
Rom ſeind/ziehen ihm entgegen ſres gefallen/ als ferr
ſie wöllen. ¶ Wenn der Keyſer zu den Cardinālen
Kompt/wünſchen ſie ihm glück/vnnd thun ihm groſſ
ehrentbietung von des Papſts vnd collegij wegen. Ne
men die oberſten zween den Keyſer zwifchen ſich/vnnd
geleyten ihn biß zum gezell/oder ſonſt beſtimpten ort
außerhalb der ſtatt/ziehen darnach wider hinein inn
die ſtatt.

Der Keyſer aber pflegt nicht deſſelben tags wenn er
ankompt hinein zu ziehen/ ſonder ligt auff das wenig
eſt cynnacht herauſſen für der ſtatt im felde.

Es pflegē auch die Keyſer den nechſtē tage/zū vor
ehe dann ſie einreiten vnnd über das brücklin/ ſo vn
der dem berg iſt kommen/ den Römeren diſen eydt zu
thun. Ich. N. künfftiger Römischer Keyſer/ſchweer
das ich den Römeren halten oder handhaben wölle/
all ihre güttelobliche gewonheytē als mir Gott helffe.

Von dem einzug des Keyſers zu Rom.

SEs anderen tages zehet der Keyſer ein/gleich als
mit eym triumph/zum thor vnd der engelburck.
Erſtlich reiten zween dieſüren des Keyſers zwey pa
S u nter

nier/eynsant **Georgen** welches die schwaben bewaren
das ander mit dem adler.

Auff die folget des Keyser Kriegs volck gerüster.
Darnach des Keyser edeleüt vnnnd groß herren. Dar
nach der Fürsten vnd König oratores/die vorhanden
seind. Nach dem selben eyn König oder grosser Fürst/
so er wo alda ist. Darnach der hauptman d' statt Rom/
samt dem Senator. Darnach der dem Keyser das
schwerdt vorfüret. Auff den selben der Keyser alleyn
Vnnnd nach ihm die prelaten/räth/Edelleüt vnd herren
on harnisch. Wo die Keyserin mit ist so reit ihr gesind
mit weit hernach/vnd für ihr die edeleüt vnd prelaten.
Nach ihr die matronen/sundfrawen vnd dörren. Ne
ben ihr vil drabanten zü füßen/ıc. Auff das aller hin
derst reit der Kirchen Kriegs volck. ¶ Am thor wartet
des Keyser allepriester schaffr/in messsgewanden mit
den creuzen vnnnd heylthumb: samt anderen prelaten
der Kirchen die insuliert seind/die regieret der Vicarius
der statt Rom. Wenn der Keyser hin zü Kompt/gehen.
sie ihm die creuz zü küssen/reüchern ihn/vnd führen ihn
in d' procession/biß zü den staffelen in sant Peters Kirch
en: mit dem gesang/ Ecce mitto Angelum/ıc.

Die fürnemsten burger tragen den himmel über dem
Keyser. Die conseruatores führen ihm das pferdt am
zaum/wenn man aber Kompt an den plag für den staf
felen/so thün das dasselbeder statt prefect oder haupt
mann vnd der Senator. Wenn der Keyser vomeöff
steigt/so greiffet ihm der prefectus an stegreyff/vnn
geht ihm darnach vor.

Wail

Wail die procession geht/ pfllegt des Keyser's Kamme-
ter geldt vnder das volck zerstrawen.

Für der aussere Kirchthür/hatt man cyn büne auff-
gemacht/vnd den Päpstlichen thron sampt der Cardie-
näl/prelatten vnd andere official stülen. Dahin setz sich
der Papst ehe wenn der Keyser kompt: wann der Key-
ser hinauff kompt als bald er den Papst sihet/entplöß-
set er sein haupt/vnd feller nider auff cyn knie/thut ihm
reuerenz: vnnd wenn er neher zur büne kompt/thut er
der gleichen zum anderen mal. Darnach wenn er hin-
auff kompt zu des Papsts füßen/küßet er die mit an-
dacht/zü ehren vnserem seligmacher. Der Papst sihet
ihn freuntlich an/vnd gibt ihm die handt vñ den mund
auch zu küßen. Darnach kniet der Keyser wider nider
vnd opffert cyn klumpen goldes zü des Papsts füßen/
vnnd dancket ihm mit wenig worten/der ehr so ihm be-
wissen ist. Der Papst gibt im freündlich antwort/hebt
ihn auff vnnd halset ihn/zum zeychen der grossen liebe.
Tritt also der Keyser neben in zur rechten. Die Keyse-
rin laßt er den fuß vnd die handt küßen. Ist cyn Kön-
ig da/der küßet fuß handt vnd mund. Die anderen
prelatten/herren vnnd Edele des Keyser's/nur den fuß.
Nach dem allem steht der Papst auff/vnd nimpt den
Keyser mit der lincken handt/füret ihn biß zur andern
Kirchthür/geht als dann hinauff inn das pallast zu sei-
nem gemach. Der Keyser aber geht in die Kirch/sampt
zweyen oder vier Cardinälen vnd seinen geferten/thut
der apostelen heylthumb reuerenz/darnach ziehet ye-
dermann an die herberg.

Des folgenden tages verfüget sich der Keyser zum

S iij Papst

Papst/ vnd handelt mit seiner heyligeyt von demdas
zu diser solennitet gehört/vereynigē sich eyns tags zur
Erönnung vnnnd was sonst zůthūn ist. Ehe dann der
Keyser gekronet ist/ sitzet nach dem ältesten Bischoff
Cardinaal. Wenner aber gekrōnet wirt/ sitzet er on
mittel nach dem Papst. Eyn Königin sitzet für der Erō-
nung des Keyser/ nach dem ältesten priester Cardinal/
aber nach des Keyser/ Erōnūg vnder dem ältesten Bi-
schoff Cardinaal.

Am tag der Erōnung richtet man außserhalb der ca-
pellen gätter/ zwō bünen auff eynē zur rechten für den
Keyser/ die ander zur linckē für die Keyserin. Des mor-
gens früe schickt d Papst zween Cardinaal/ die den Key-
ser in die kirchen geleiten/ er aber laßt sich vnderm him-
mel hinein tragen/ laßt alle prelaticzen zūm fuß. Die zwe-
en Cardinaal führen den Keyser erstlich in vnser frawen
capellen zwischen den glockenthürnen/ alda nimpt der
älter anstatt des Papsts/ von im den gewonlichen eyd.
Ich. N. Römischer Königin vnnnd bald durch Gottis
hülff künfftiger Keyser: verheyße/ gelobe vnnnd ver-
sprich vnd schwerer Gott vnd dem heyligen Petro/ das
ich hinfür will eyn beschützer vnd beschirmer sein/ des
Papsts vnd der heyligen Römischen kirchen/ zū aller
ihrer notdurfft vnnnd nutz: ihrer gütter/ heyligkeyten/
gerechtigkeyt vnd gebür/ behüten vnd erhalten/ als vil
mir Gott zůthūn verleihet/ nach allem meinē verstand
vnd vermögen/ bei rechtem waren glauben vnd trewen
als mir Gott helff/ vnd discheyligen Euangelia.

Als dann legt man ihm eyn chorrock vnd almuogen
an/ vnd nemen ihn sant Peters thumbherren an/ zū ey-
nem thumb

nem thumbherren vnnnd mitbrüder. Er tritt auch für
den altar / vnnnd nimpt sie an züm fuß des fridens / vnnnd
liſet eyn Cardinal eyn collect über den Keyſer.

Darnach führen ihn die zween diaken Cardinal durch
die kirchen in ſant Gregorien capellen / da ſiget er nider /
zeihet die almuſen auß / legt ſandalia odder ſchüch an /
vnnnd eyn dalmaricken rock / darüber den Keyſerlichen
chormantel / geht also hinauß mitten inn die kirchen / da
ſpricht aber mal eyn Cardinal über ihn eyn gebett.

Darnach gehn ſie hinab zü ſant Peters confeſſion
vnder dem altar / kniet der Keyſer nider / ſingen die letane
i vnnnd eyn collect über ihn.

Darnach führt man ihn zü Sant Maurigen altar /
vnnnd ſalbet ihn daſelbſt der oberſt Biſchoff Cardinal /
über die ſchulteren creuz weiß vñ den rechten arm / vnnnd
ſpricht collecten über ihn. Iſt die cyſerin vorhanden
ſo ſalbet man ſie auch all da.

Darnach führen ſie den Keyſer züm Papſt / küſſet ſie
an den munde vnnnd an die bruſt / vnnnd geht darnach wie
der auß ſeine bänne.

Darnach fahet man die meſſz an / wenn man nach
der Epiſtel das gradual ſinger / führen zween Cardie
nal den Keyſer wider hin züm altar / da kniet er für den
Papſt nidder / der gibt ihm das ploß ſchwerdt inn die
rechte handt / vnnnd ſpricht eyn ſonder gebett darzū /
darnach ſtecket der Diaken das ſchwert widder inn die
ſcheyden / vnnnd gürtet es der Papſt vnnnd er dem Key
ſer umb / vnnnd ſpricht der Papſt gürtet dein ſchwerdt an
deine ſeithen du heldt: Vnnnd mercke das die heyligen /
§ iij nicht

nicht mit dem schwerdt/ sonder durch den glauben die reich überwunden haben.

Also ist nun der Keyser sant Peters ritter worden/ steht auff/ zühlet das schwert auß vnd schwankers dreimal/ darnach steckt ers wider ein vnd kniet nider. So gibt ihm der Papst den apffel in die rechten/ den scepter in die lincken handt/ vnd setzet ihm die kron auff/ yedes mit seinem gebett. Also kniet der Keyser nid vnd küßet dem Papst die füß. Darnach gürtet er das schwerdt aber vñ sitz vff seine stül/ biß die Keyserin auch gekrönt wirt. Darnach füret man sie beyde vff ire bünen setzt sie in Keyserlichem schmuck auff stüle. Da spricht man die laudes dreimal/ Christus erhör/ Responderur/ herin. **N.** dem vnüberwindelichsten Römischen Keyser vnd allzeit augusto/ heyl vnd sig vnd ferner wie droben ins Papsts Erönung verzeychnet.

Nach dem gehet yederman an sein ort/ vnd wirt gesungē/ alleluia Euangelion credo. Zum opffer legt der Keyser die kron vñ mantel/ scepter vñ apffel von sich/ geht vnd opffert zū des Papsts füßen/ goldt als vil im gefaller: des gleichen thut auch die Keyserin. Als dan gehet d Keyser dem Papst nach/ zūm altar vñ reychet im dar an statt des subdiacon/ den kelch vnd die paten mit den hostien/ darnach das wasser so er in den kelch geüßt.

Wenn es nun zeit ist/ entpfahen Keyser vnnd Keyserin das sacrament vom Papst/ aber den wein der purification/ von dem diacken. ¶ Gehn beyde wider auff ire bünen/ vnd legen die Keyserlichen schmück wider an.

Nach der messz gibt der Papst den seggen solenniter vnnd lasset ablaß außsprühen/ halben oder vollen nach dem

dem es seiner heyligkeyt gefellet. ¶ Darnach füret er
den Keyser mit der lincken/gibet den segē mit der rechten
gehen beyde vnderem himmel in irem schmuck daruon.

Proceßion des Papsts vnd Key-

sers/nach der Krönung durch die statt

SEr Keyser hat sein Corona auff dem haupt/den
scepter vñnd apffel in händen/gehet dem Papst
zur lincken seiten/es were dann das in der Papst fürte/
so hett er nur der eyns inn der lincken handt. Wenn sie
nun mit eynander hinab vnder die staffelen kommen/
so gibet der Keyser von sich was er inn der handt hatt/
vñnd eilet zu des Papsts pferdt/greiffet ihm an stegreyff
zu ehren vñsers seligmachers Ihesu Christi/des stadt
der Papst auff erden hellt. Wenn der Papst ist auff
gesessen/füret er das pferdt bei dem zaum etliche schrit
weit/der Papst soll wegern/so ihm der Keyser dermaß
dienen will/vñnd doch mit höflichen worten solche ehr-
entbietung mit seiner person/sonder des stads erhalte 1. Diacon.
annehmen.

Als dann reitet der Keyser zur lincken des Papsts/
doch vnder eynem himmel/inn solcher ordnung. Von
ersten reit das hoffgesind der Cardineäl/Prelaten/Für-
sten/des Papsts Keyser vñ der curial vñder eynader
gemengt. Darnach reitten zween mit des Papsts va-
lensen oder watsacken. Darnach des Keysers kammer-
diener. Darnach des Papsts familiar/darnach ihr be-
der Edelleüt/freiherrn/graffen/das pferdt mit des
6 Papsts

1 Papsts leyter. Darnach tragen die zwelff cursores
zwölff rothe fahnen. Nach denen die panier des Rö-
mischen volcks/des reichs/des Papsts/der Kirchen/des
heyligē creutz/seind die sehnrich alle sampt geharnischet
vnd gepunzt. ¶ Nach ihnen gehn zwölff weisse ledige
ross. Vier Edele die hütt tragen vff stecken/darnach
die aduocaten vñ secretarien durch cyn ander cyn yeder
nach dem alter seines ampts/tragē ire kappē am halß.
Für denē gend des Keysero secretarij nach den folgen die
cubicularij in jren kappen/die acoliti/kammer clerick-
en/2c. vnd so nacheinander/wie daroben vermeldet inn
des Papsts krdnung.

Wo nun zween Churfürsten mit dem Keyser da we-
ren/die jm das schwerdt vñ apffel vortrügen/die sollen
on mittel zū nächst vor ihm gehen/wie die zween diaken
für dem Papst. ¶ Wo aber die straß enge ist/sollen sie
für den diaken gehn. Seind aber andere wann Chur-
fürsten/so geen sie neben dem subdiaconder das creutz
trägt/er aber in der mitte zwischē ihnen. Darnach folget
der Papst vnderm himel vñ der Keyser in seiner kron/
vñnd mantel zū seiner lincken handt. Darnach fast alle
wie droben in des Papsts krdnung.

In solcher ordnung ziehen sie stracks über den cam-
posfor vñ durch die Jüden gaß/zū vnser frawen kirch-
en inn Cosmedin. Da selbst kretet der Papst zür rechen
wid zūm pallatio: Der Keyser aber zū Adriani bruck-
en/da selbst schlegt er ritter/vnd reitter darnach zū sanc
Johan inn Laterano/da empfahen ihn die rühmbher-
ren daselbst ehlich mit dem creutz/vñ nach dem er das
creutz vñ heylthumb geküßet hat vnd gereüchet ist/ge-
hen sie

gehen sie vor im/singen Te Deum laudamus/süren sñ
inn die kirch für den hohen altar/dabettet er vñ küßet
den altar. Nachmals setzt er die kron wider vff/vñ
wirt auffgenommen das er cyn thumbherr vñ mit
brüder sei der kirchen inn Laterano: vñ nimt alle
thumbherren zum küß des freids. Darnach zeiget er
in den pallas in Laterano/halt mit den seinen cyn herr
lich conuiuium/vñ wo es im gefällt/reit er darnach zu
des Papsts pallas wider heym.

Weil die
Romani-
sten so vil
gütter der
Keyser ins-
nen haben
leihen sie
dem Key-
ser billich
eyn pferd
oß rittel
darnon.

Wenn der Papst nicht vorhanden ist/schicket er cyn
Bischoff Cardinal/der sampt dem legatē der statt den
Keyser krönet/ vñ werden die Cerimonien etlicher
maß geendert.

Also ist es gehalten/da Keyser Carolus der vierde/
zu Rom gekrönt wurde/schickt der Papst Innocenti-
us der sechßten Cardinalem Hostiensem von Auini-
on/der selbe sampt dem Cardinal S. Clemētis/welcher
des Papsts Legat war in Italia: krönten den Key-
ser Anno. M. ccc. lvi. Nonas Aprilis.

Doch befalhe der selbig Papst/das die bemelten Car-
dinal/für dem Keyser solten offentlich protestirē. Das
ob wol vil cerimonien/dienst vñ reuerenz (so alleyn
dem Papst zustehen) dazumal nicht gehalten weren.
Darmit nichts derogirt soll sein/den priuilegijs vñ
honorificentijs des Römischen stüls/vñ seiner successo-
ren. Ober solliche protestation vñ verwilligung des
Keyseris/seind viererley brieff auff gericht/ mit Kön-
lichen vñ Keyserlichen sigillen versigelt.

Auß bemeldten pompn vñ cerimonien/istleiche

G 4 zu er

zu ermessen wie die König/ Churfürsten/ Fürsten/ vnd
herren empfangen geleytet vnd tractiert werden/ wenn
sie gen Rom kommen/ als pilgram oder waller odder
sonst in ihren geschäften/ darumb lassen wir vnderwe-
wegen darvon weiter zumelden.

Wie man eyn neuen Hertzog mach oder creiert.

Es ist keyn wunder ob der Papst Fürsten vnd her-
ren vnder die füß tritt/ weil er ihr schöpffer will sein.
Wenn nun eyner zum Hertzogen will creiert wer-
den/ soll er in des Papsts Kammer kommen/ eyn gulden
mantel anhaben/ welcher zur rechten handt soll offen
sein/ von der achsel obenherunder biß zur erden. Wenn
der Papst hinab zu kirchen geht/ soll er im hinten nach
gehen vnnnd den schwanz am chormantel tragen. Der
Papst setzet sich auff eynen hohen stüll/ vnnnd nimpt die
Cardinal zur reuerenz. Der künfftig hertzog sitzet dem
Papst zün füßen auff der vndersten staffel. Nach ende
der reuerenz/ geet er hin vñ kniet dem Papst für die füß/
vñ wirt sant Peters ritter/ den himel zu stürmen vñ be-
kriegen/ vnangesehen ob er gleich zünorn ritter ist.

Von ersten segnet der Papst im das schwerdt durch
anruffung des Götlichen namens/ durch die zukunfft
vnseren herren Ihesu Christi/ vnd durch die gab des heyl-
igen geysts/ das er die vnsehbarn feinde überwinde/
vnd allzeit vnuerletzt bleiben möge/ ic. besprengets al-
so mit geweihtem wasser.

Darnach gibt ihm der Papst das plosß schwerdt in
die handt/ vnd spricht/ nimb hin dises schwerdt im na-
mens

men des Vatters/vnd Söns vnd heyiligen geysts. Vnd gebrauch des selben zu schutz dein selbs/vnd der heyiligen kirchē Gortis/vñ zu schanden der feinde des creutzes Christi/vnd christenlichen glaubens/vnd als vil menschliche gebrechlichkeit zulasset / du niemandt darmit vnbillich beschedigst.

Des Papsts
vnd seines an-
hāgs darvon
Phillip. 3.
Ro. 16

Darnach steckt er das schwerdt ein/vnnd zween die Edelsten ritter so zu gegen seind/gürtten ihm es vmb/vnd spricht der Papst. Gürtte dein schwerdt an deine seiten du helde/im namen des Vatters vnser herren Jesu Christi/vñ merck das die heyiligen diereich überwunden haben/durch den glauben vñ mit dem schwerdt/als dann zeihet der newe ritter das schwerdt auß vnd schwang es dreimal mannlich/wüschet es an den lincken arme/vnd steckt es wider in die sheyde.

Darnach verzeychnet ihn der Papst mit dem ritter character/gibt ihm den fuß des fridens/vnd schlegt ir mit dem schwerdt dreimal auff die schultern/vñ spricht. Sei eyn fridsamer/gestrenger/getrewer Gots andechtiger ritter/gibt ihm hiemit eyn linden backenstreich/vnd spricht wache auff vom schlaffe der bosheyt/vnnd wache im glauben Christi vnd löblichen geruch. ¶ Als dan gürtten jm sein Edeleüt/die sporen vmb/: Er aber küßet dem Papst den fuß/vnnd legt das schwerdt vnd sporn ab/setzet sich wider an sein vorig ort.

Weil das gradual in der messz gesungen wirt/füret man ihn für den Papst/da kniet er nider vnd schweret. Ich. N. ob Gott will künfftiger Herzog verheyß/ge-
lobe/versprech vnd sweere für Gott vñ dem heyiligen Petro der apostel Fürsten / das vnangesehen anderer

G iij. verpflicht

Da gilt sonst
reyn eyd noch
nicht.

verpflichtung ich hinfür reuerenz vnd obediens hal-
ten wölle/der heyligen Römischen apostolischen Kirch-
en/ vnnnd euch. ¶ Auf Götlicher verseyhung obersten
Bischoff/ vnd eweren nachkomlingen/ so canonice ein-
gehen/ will euch in all eweren nöthen vnd frommen nit
abstehen/ nach allen meinen Kräfften/ vnd so vil ich mit
Gottis hülf ymmer vermög/ in waren gütten eweren
alle ewere vnd der heyligen Römischen Kirchen gütter/
landt/ stätt/ ehren/ vnd gerechtigkeit vnd recht in al-
len vnd allenthallen bewaren vñ erhalten. Auch vmb
der fürstlichen ehre vñ werde willē/ die ich heut von euch
entpfahen wil/ verheyß ich zñ danckbarkeit solcher ent-
pfangenē gnad: für mich selbs vñ alle meine successoren
ewiglich euch zñ geben/ alle jar vff sant Petri vñ Pau-
li fest eyne weissen zelter hüpsch vnnnd wolgeputzt/ als
mir Gott helfft/ vñ dise heyligen Euangelia Gottis.

Nach gethanem eydt singt man die letanei/ vñ wenn
man darein kompt/ vt obsequiū seruitutis / ic. steet der
Papst vff/ machet das creuz über den Herzogen vnd
spricht. Zumerstendz du disen deinē knecht wöllest zum
Herzogen erweelē/ Respōdetur/ terogamus audi nos
Zū anderen/ das du disen deinē knecht wöllest segnen
respondetur/ terogamus: Zū dritcē/ das du disen dei-
nen knecht zñ fürstlicher werde wöllest bringen/ respon-
detur terogamus. ¶ Zñ ende der letanei/ spricht der
Papst etlich collekten über ihn/ vñ setz sich darnach ni-
der. So kniet als dann der Herzog für ihn nider vnnnd
er setz im das Herzog paret vff vñ spricht. Nimbhin
das insigne oder zeychē herzoglicher werde welchs wir
dir vffs haupt setze im namē des vatters vñ des sūns vñ
des

des heyligen geysts Amen / vnnnd wisse das du hien für
er schuldig seiest / zñ beschüngē den glauben / die heylige
Kirch / wittiben / waisen vñ andere dürfftige personē / ic.
Zñ gleicher weisß gibe er im dz scepter mit wortē darzñ.

Als balde küßet der Herzog dem Papst die füß / der
Papst spricht cyn gebett über ihn. Darnach führen in
zween Cardinal hin da er sitzen sol / Nemlich zwischen
zweyen jüngsten diaken Cardinal.

Wenn man das offertorium in der messß singet / gehe
der hertzog hin zñ des Papsts füßen / vnd opffert golde
als vil er will / küßet ihm die füß / hande vnnnd munde.

Das Dritt theyl von Cerimo =

nien des Papsts / gegen Gott oder
inn Göttlichen sachen.

SA sehe man was sant Paulus spricht / der mensch
ij. Tes. ij. der sünde erheb sich über alles das Gott
oder Gottis dienst heysß / gantelt vnd spilet spöttlich
darmit.

Wie man cyn heylgen canonisier

Wenn eynes verstorbenen heyligkēye
rüchrig wirt durch mirackel / vnnnd die
Fürsten oder herrschaffren derselbigen
end / sollichs dem Papst Kunde zñhñ
mit angeheffter bitt / das er den selben verstorbenen wöl
le in der heyligen cathalogū oder zal vnd register schrei

G iiij ben /

ben/vnd decernieren/das man ihn wie andere heyligen
ehre. So handelt er die sache tapfferlich mit den Cardina-
len/vnd wo er ferner will inquirieren/besilhet er et-
lichen prelaten der selben ort/da der heylige seinen wan-
del bei leben gehabt vnd begraben ligt/das sie ihn mit
fleiß berichten/vnnd geschicklich forschung haben/von
dem geruch/wahne/vnd andacht gegen benäbtem hey-
ligen. ¶ Solliche inquisition sollen sie thün in gemeyn
oder in genere/on rechtliche verhö: der zeügen/vñ dem
Papst in schrifftten trewlich anzeygen was sie hierin be-
funden haben.

Ligt nit vil
am glauben

Hieruff helt der Papst den Cardinālen der commiss-
sarien relation für/vnnd rathschlaget mit ihnen/ob die
genügsam sei/ferner inquisitiont zühā. ¶ Vnd wo in
dasselbige gefellet/So besilhet er zūm anderen mal/ob
bemelten oder anderen prelaten/die warheyt auff das
fleissigste zū verkündigen. Item das sie zeügen verhö-
ren vnnd alles erforschen was zür warheyt dienstlich
sein mag.

Man soll auch den selben commissarien die fragstück
vnd articel vnder Pāpstlicher bulla zū schicken/darob
sie die zeügen sollen verhö: ob der fūrtreflichkeit/hey-
ligkeyt des lebens/lauterkeyt des glaubens/vnd mira-
kelen. Ihnen auch gebieten das sie der zeügen sage/vnd
gange handlung trewlich in schrifftten vnder ihren si-
gillen an Rōmischen hoff schicken. ¶ Wenn der Papst
sollich schrifft entpfahet/besilhet er etlichen auditori-
bus sacri pallatii/die selben zū besichtigen vnd proceß
darob zū stellen/darzū auch zū schawen/ob die inquisi-
tion vnd probation auffrecht oder legitima/vnd genügs-
sam sei.

Wenn

Wann die selben nun referieren odder anzeygen/das
alles wol außgericht sei. Helt er züm dritten mal rath
mit den Cardinālen/vnnd besilhet shz dreien/nemlich/
eynem Bischoff priester vñ diaken Cardinal/bemeldte
inquisition/probation/vnd sage der zeügen auff's flei-
sigest zū bewāgen. ¶ Zū gelegener zeit/wenn es dem
Papst gefellig ist/thū sie relation im consistorio für
den anderen Cardinālen. Erstlich von dem heyligen le-
ben vñ reynem glauben. ¶ Weñes nun die Cardināl
dafür achten/das der canonisation würdig sei. Proce-
dieren die drei weiter/vñ erzalen die mirackel/darob er-
kenner der Papst sampt den Cardinālen/ob solche hey-
lichkeyt des lebens vnd mirackel auch genūgsam bewi-
sen seindt. Wo dem also/de liberierē sie ferner/obs auch
solche seind/von deren wegē die canonisation decernie-
ret sol werden. ¶ Als dā beschleüßte 8 Papst mit rath
der Cardināl das man die canonisation sol fürnemen.

Darnach halt man eyn öffentlich consistorium siger
der Papst im k̄b̄stlichen rothē chormantel vnd kronen.
Der aduocat so diesach amhoff handelt/thūt ein lange
rede/cregt für das leben/thaten/vñ mirackel des cano-
nisandi/entlich suppliciert er/von wegen der Fürsten
oder herschafftē/so von des wegen geschriben haben/
d̄z sein päpstliche heyligkeyt solchē. N. seliger gedech-
nūs ins register der heyligen ch̄risti zū schreiben/vnnd
von allen Ch̄risten für eynē heyligen zū ehren wölle de-
cernieren.

Hierauff preiset 8 Papst des aduocaten rede/spricht
er hab gern gehört sollich wunder vñ lob des heyligen.
Doch wöll er mit seinen brüdern den Cardinālen weiter
h̄ darnach

darauß bedencken. Vermanet alle vmbstehende Gort
erwlich zu bitten/dz er geruhe in in sein in seiner brüder
gemüt der heyligen Römischen Kirchen Cardinal/vnd
aller prelaten deren rath er hier zu geprauchen wirt/ein
zu sprechen/was seiner Götlichen maiestet hierinnen
gefellig sei/vñ wolle seine heylige Kirche mit irren lassen.

Die prelaten aber ermanet er dz/sie hiernuß wöllen be-
dacht sein/tapffer antwort zu gebē/wen sie dhalben ge-
fragt werden/darmit hatt das consistoriū seine ende.

Nachmals wenn es vnserm heyligsten herin gelegen
wirt sein/berufft man alle prelatē des hoffes zum heyme-
lichen consistorio/da halt ihn seine heyligkeyt für mite
kürzen Worten/warumb sie beruffen seind. Vnd wo es
ihm gefellig/laßt er den aduocaten widerumb in gemey-
ne kürzlich erzelen/das leben vñ mirackel des heyligen
samt den probation. ¶ Darnach erzelet der Papst
wie mit grossem fleiß vnd erwen die inquisition vñ pro-
cess inn diser sache gehalten sei. Item vom vilfelrigen
ordenlichen zeugnüssen/vnd stadelichem ansuchen der
Fürsten oder landtschafften.

Frage also eynen yeden in sonderheyt vff sein gewis-
sen sein meynung in disem handel zu sprechen. Dancket
ihn darnach ihres güeten raths/vnd ermanet sie Gort
zu bitten/das er ihn in so grossem thün nicht irren laß/
scheyden hiemit alle ab.

Nach dem allem bestimpt man eynen tag der cano-
nisation/machet cyn grosse büne in der Kirchen auff/da
man alles mag aufrichren/wie in des Papsts capellen.
Heraussen vmb das geleyter schmückt man solche büne
mit kreutern vnd plümen/inwendig mit tüchern. Die
Kirch

Kirch ist rings vmbher mit tapeten behencket/ vñ allen halben des Papsts vnd der kirchen wapen/darzū das bilde des canonisandi sampt deren wapen die die canonisation procurieren. Ober den altar da der Papst messz halt/ machet man eyn newen himel mit den wapen des Papsts/vnd deren procuratorn/sampt des canonisandi biltnis. Item eyn grossen fahne mit desselben bilde/welchen man für den münchen oder bemelten procuratorn treget/darnach steckt man ihn auff die büne neben die thür.

Wann der Papst inn die kirchen kompt/sollen zū rings vmbher auff dem gang achtzig windlichter oder kerzen brennen vnder dem ampt/deren yegliche sechs pfundt wiger. Für den Papst sollen da sein zwo weisse kerzen eyn yede zwelff pfundt schwer/für die Cardināl vier pfundt. Item zwelff wind kerzen wenn man das sacrament auff hebt/zū sechs pfundt eyn yede. Vff dem altar siben/vñ für der credenz zwo kerze zū zwey pfunden. Item zwo grosse kerzen zūm opffer von zwelff pfunden/welcheder oberst Cardinal opfferen sol. Jetz drei kerzen zū sechs pfunden opfferen die drei Oratores sampt dreien Cardinālen. Alle benampfte kerzen sollen weiss sein/one die achtzig windt kerzen. Item man soll auch sonst kerzen vonn gemeynem wachß verschaffen zweyen pfunden/für die officiales vñ cantores zū pfund für die prelaten/Oratores/vñ grosse edelleherren/zū den/für die clericken vnd andere nach gefallen.

Auff bestimpten tage des morgens frühe kompt die ganze priester schafft oder clerick der statt/zū sant Peter als wenn man procession solt gehen/warten für der
h. q. kirch

Darinn zweifelt er/darumb ist er vn-
glaubig.

Kirchen biß der Papst in seiner pomp mit den Cardina-
len/pielaten vnnnd Officialen inn der procession herab
kompt/entpfahen ihn vnd füren in in die Kirchen/steher
der clerus vmb die büne herum. Der Papst laßt im rei-
nereng thün/vnd thüt darnach cyn predig/erzelet sum-
marie in gemeyn des heylegen tharen/leben vnd mirac-
el. Vermanet das menniglich sampt ihm Gott bitten
das er seine Kirch inn disem werck nicht wölle irren las-
sen. Also singt man die letanei kniendt/doch thüt man
des canonisandi keyn meldung darinnen. Am ende
der letanei keeret sich der diakon gegen dem volcke/vnnnd
spricht mit lauter stime/Orate better: kniet widerumb
nider/vnnnd better yedermann cyn güte weil. Darnach
spricht der ander diakon/lenate/so steet yederman auff.
Vnnnd fahet der Papst an den hymnum/Veni creator
spiritus: zu ende des hymni spricht er cyn collect vom
beyligen geyst.

Als dann dritt für der procurator cause/begeret vn-
bittet vom Papst (auß seinem befelch vnnnd von wegen
der Fürsten/ic.) das seine heyligkeyt pronüncieren vnd
erklären wölle/das der selig. N. in der heyligē zaal aber
nit in das buch der lebendigen geschriben/vn von allen
Christen als cyn heylig geheet werde.

Hierauff protestirt der Papst das er in disem act der
canonisation nichts wölle thün/thüs aber nichts desto
minder alles das zu wider sei dem christlichē glauben.
der Catholiken Kirchen/oder Gottischren. Darnach
spricht der Papst sitzend mit lauterer stime. Zu ehren
der heyligen vnzerreylten dreifeltigkeyt/zü erhebung
des christenlichen glaubens/vnd meerrung christenlich-
er reli-

er religion. Auß gewalt/doch mit auß beſch/dannd
iſt keyn wort Gottis /odder auctoritet deſſelbigen all-
mechtigen Gottis vatters vñ ſüns vñ heyligen geiſts:
der heyligen apoſtellen Petri vnd Pauli: vnd vnſerer
mit rath vnſerer brüder. Erkennen vnd ſprechen wir/
das. N. ſeliger gedechtnüß in der heyligen zaal gerech-
net ſolle werden /vñnd zeelen ihn hiemit darein: Sengen
auch das die gemeyn kirch jählich auff den tag/ ſein feſt
begehen/vnd das ampt voneynem beichtiger oder mar-
terer mit andacht halten ſolle.

Superſtiti-
on vñ freſſen.

Wo es dem Papſt gefellig/ ſpricht er weiter. Auß
dem ſelben gewalt laſſet wir auch barmherziglich/al-
len die warhaſtig büſſen vnd beichten/vnd jählich vff
diſen tage zu ſeiner begrebnüß mit andacht kommen/
eyn jare vñnd vierzig tag von auffgeſetzter büß/denen
aber ſo inn octaua des feſts kommen vierzig tage.

Hierauff requiriert der Fiſcal die prothonotarios
des Papſts/proteſtation halben. Der procurator cau-
ſe aber der canonisation halben/begert des cyn inſtrum-
ment/vnd päpſtliche bullen zu decernieren.

Es bedarffe
wol vil cau-
tel iuris.

Darauff ſahet der Papſt an Te Deū laudamus/20.
liſet darnach cyn collect von dem neuen heyligen/vñnd
ſpricht der diacon das confiteor/nennet den neuen hey-
ligen/als bald dan ſingt er ehlich oben an/weil ſein hoch-
zeit feſt iſt/nach ſant Peter vñnd Paul /darnach gibe
der Papſt aplaß ſeins gefallens niernach Gottis willen.

Da ſind groſſe
ſe miſteria.

Zum opffer in der meſſz gehet von erſt hin der oberſt
Cardinal/vñnd opffert zwo groſſe kergen/mit im opf-
fert der erſt orator auch cyn kerg/vñnd cyn verguldet
kriblin mit zweyen turteltauben.

h ij Darnach

• Darnach opffert der ander Cardinaal zwey grosse brott mit fagſcheinlin/vnd der ander Staro:eynterz en/vnd cyn verſilbert korblin/mit zweyen weiſſen tau ben. Zu leetz opffert der dritt Cardinaal zwey ge gefeß milt wein vnd cyn korblin von vilen farben/mit allerley kleyne vögelin. Die Cardinal küſſen den Papſt auff cyn knie/die anderē den fuß/alſo procediert man darnach fort mit der meßz wie gewonlich.

Von mancherley weihen oder ſe gen. Erſtlich/wie man die Roſe weiher.

Alſonntag Letares zu miſſen/ pflegt der Papſt cyn roſe zu ſegnen/die er darnach cynem König oder groſſen Fürſten gibt oder ſchickt/mit rath der Cardinal. Der Papſt tritt für den altar vnd liſet cyn col lect/ſegnet die roſe: ſalbet oder beſtreichet ſie milt Balsam/vn ſtrawet geſtoſſen Biſem darauff/besprengers mit weihe waſſer/vnd reicherts/ſtellets auff den altar vnder der meßz.

Wenn er cynē die roſe gebe nach dem fuß kuß/ſpricht er: Nimb diſe roſe von vnſeren händendie wir auff er den/wiewol vnuerdient/Gottis ſtadt als da Gott nit wonet noch dahym iſt/halten. Durch welche bedeiutet wirt die freude bey der Jeruſalem/nemlich der triumphierenden vñ ſtreitenden Kirchen. Durch welche auch allen chriſtgläubigē wirt geoffenbart/die aller ſchönſt blüme/der cyn freud vñ kron aller heyligen iſt. Nimb du ſie an aller liebſter ſün/der du nach der welt Edel mech

mechtig/ vnd tugentreich bist. Auff das du ferner in
vnserm herzen Ihesu Christo mit aller tugent geadele
werdest/ gleich als eyn rosa an vil wassern gepflantzet.
Welche gnade dir verleihe auß seiner übermässige gute
Gott der da ist dreifeltig vñ cynig/ in ewigk eyt Amen.
Im namē des Vatters vñ des söns vñ heyligen geysts
Amen.

Der die rosa empfangen hatt/ küßet dem Papst
handt vnd füß/ dancket ihm: vnd reitet in sein herberg.
Da geben ihm alle Cardinal das geleyt/ reiten vor ihm
her/ zñ aller letzt reitet er zwischen zweyen Cardinālen/
fürer die rosen in seiner handt. Neben ihm her lauffen
die cursores des Römischen hoffs mit ihren stecken/ den
selben gibet er des tags geschenck.

Wie der Papst das schwerdt

in der christnacht weihet.

In der Christnacht pflegt der Papst eyn geweiht
schwerdt sampt eynem fürstlichen keplin/ darauff
mit schönē perlin/ gleichsam eyn taub gesticket ist/ erwo
eynem grossen herzen odder Fürsten/ zñ schencken/ oder
aber yergent eynem Könning oder Fürsten durch seiner
diener eynen zñschicken. Wiewol es aber eyn geweiht
schwerdt genant wirt/ findet man doch nicht wie es sol
gesegnet werden. Dann das Sixtus der vierde hat ver
ordnet/ mitt was worten das schwerdt gegeben sol wer
den dielauten wie folgt. Die Römische bischoff pflegen
h. iiii. auff

auff diß löbliche fest der geburt Christi/etwo eynen allerchristenlichsten oder übertrefflichen Fürsten/cyn gepunget hüpsch schwerdt zugeben odder schicken/vnnd nit on sonderer gehymnus. Dann der eyngeporne sün Gortis hatt die menschliche natur angenommen/auff das er dieselbig gegen ihrem schöpffer versünete/vnnd den teüfel als cyn ersind des tods/dardurch überwunde. Welche überwindüg durch das schwerdt/wiedurch die offenbruck der tanz sein bedeitet wirt. So dürften auch die vnglaubigen Arianer sprechen Gortis sün were nure cyn creatur/so doch die schrifft des heütigē Euangelij bezeüget das Gott alle ding durch sein wort habe gemacht. Darumb gibe auff den heütigen tage der Papst cyn schwerdt/welches die vnendliche macht Gortis bedeitet/so in Christo raster/dem waren/vnd dem Vatter gleichen/Gott/vnd warhafftigen menschen/durch welchen alle ding gemacht seind. Wie David spricht himel vnnd erdt ist dein/du hast gegründet den erdbodem vnnd alles was darauß ist. So hatt auch Gortis stüell/das ist/der apostolische päpstliche stüll/seinen bestande von Christo/vnnd ist bereyter auß rechtem gerichte Gortis/mit belohnung vnd gerechtigkeit/durch wölche vnser Heylande Ihesus Christus waren Gott vnnd mensch/alle widerfacher des selbigen stülla vertriben hatt: Namlich die kaiser vnnd tyrannen/vff das er selb alleyn kenzerei vñ tyranei übe/wie d Prophet sager gerechtigkeit vnnd gericht ist deines stülla vßsügung.

psal. 99.

Das ist Gortis stüell inn ewigkeit.

Es figurirt vñ bedeitet auch diß päpstlich schwerdt die aller oberste höchste vnd rættliche gewalt/von Christo dem

So dem Papst seinem stadthalter/ auff erden gegeben.
 Nach dem spruch/ Wir ist gegeben aller gewalt in dem
 himel vnd erden/ vnd anderstwo/ er wirt herrschen von
 eynem meer bis zum andern/ vnnnd von dem wasser an/
 bis zu ende der welt. Welches auch die seidene Kap an-
 zeygt die der Papst in der Christnacht antregt. Der-
 halben wollen wir/ wie billich ist/ die im rauchloch ap-
 probierten gewonheyten der heyligen vätter hallen:
 Vnd haben furgenommen mit disem vnserm ehlichen
 geschenck eynē christlichen Fürsten zu verehren/ der doch
 auch ein andechtigster sū sei dises heyligē stūls/ so von
 Gott beyderley schwerdt hatt/ darzu auch mitt disem
 hūtt bedecken/ zum zeychen des schutzes vnnnd schirms/
 wider die feinde des glaubens/ vnd der heyligen Rōmi-
 schen Kirchen.

Darumb sei deine handt starck wider die feind/ dises
 heyligen stūls/ vnd des christenlichen namens. Vnd dei-
 ne rechte werde erhöcht/ das du/ als cyn stäcker vner-
 schrockener vorseher des selbigen glaubens vnd stūls/
 sie vom erdtrich vertilckest. Es werde auch dein haupt
 wider sie gewapent mitt schutz des heyligen geysts/ der
 durch die taube bedeytet wirt/ wider welche Gottis ge-
 rechtigkeyt vnd gericht beuöfeter wirt/ zu schutz der hey-
 ligen Rōmischen Kirchen/ vñ dises apostolischen stūls.
 Das geruhe dir zuuerleihen/ der selbige Gottis Sān-
 der mit dem Vatter vnd heyligen geyst lebt vñ regniere
 warem Gott in ewigkeyt Amen.

Als baldt der Fürst das schwerdt empfangen hatt/
 küßet er dem Papst die handt vnd den fuß/ vnnnd sager
 ihm danck. Darnach beleyten ihn an seine herberg des

I Papsto

Matth. 28.
 Den Papst
 am galgen
 des creuz.
 psal. 72.
 Vnd des ba-
 ders strö-
 mer runder
 badt hatt.

Eynen gaud
 zu nerren.
 Sonst ist es
 nit hfeig.

Darumb ist
 alles zū behan.

Papsts familiares vnnnd haupsprelaten/ güttre freund/
Oratores Edellicke vnd wer im zu ehren dienen will/ die
Kriegs knechte gehn für dem/ der ihm das schwerdt vnd
den hüt vorfüret/ den selbigen gibter auch preseng.

Von weihung des kriegs fahnen.

Es pflegt der Papst die panier der Kirchen vnd sei-
ner Kriegs hörer zu segenen/ vnd dem Kriegs haupt-
mann oder fenderich geben der gestalt. ¶ Wenn die messz
aus ist setzet er sich auff seinen stüell/ vnnnd die Kammer-
clericken halten für ihm auff den armen/ die fahnen zu
hauff gewickelt. Er chüt die infell ab/ steht auff/ liser
den segend darüber/ besprenget vñ reicherts. Darnach
machē sie die panier an die stangen: vñ richtes vff in die
höhe. Setzet sich der Papst nider vnd kniet der haupt-
mann zu seinen füßen/ da gibet im der Papst den fahnen
mit disen worten. Nimb hin den fahnen mit himlischer
benediction geheyliget/ der sei schrecklich den feindē des
christenlichen volcks. Vnd der herr gebe dir gnad das
du ihm zu preiß vnd ehren/ mit diesem fahnen sicher vnd
vnerleget die hauffen der feinde gewaltiglich durch-
dringest.

Blawen dñst

Als dann küßet der hauptman des Papsts fuß vnd
geht daruon mit den seinen.

Da ist grosse
heyligkēyt vñ
tauffschen-
dung.

Weihung des Agnus dei.

Es pflegen die Pāpst im ersten jare ihrespastumb
vnd hernach allweg im sybenden jar/ agnus dei zu
weihen/ vnd dieselben am sampstag in der osterwochen
auff

auffteylen. Von alters her ist es der gestalt gehalten
der wachsmeyster des pallatij/vñ andere so für sich ag-
nus dei wolten haben/legten weiß wachs auff sant Pe-
ters altar/danam es der subdiaconus apostolicus vort
dem altar/vnd sampt den andern subdiaken vnd acco-
lichten/machten sie die agnus dei an bequemen ort mit
grosser andacht/reuerenz vñ sauberkeyt auff der kam-
mer vntkosten. Das wachß machten sie weych/mit dem
hyligen ölle vñ krisam öle/so des vergangen jars über
piben war. Darnach überantwortet sie es dem Papst
zu weihen.

Also aber zur zeit machet die Agnus dei der sacrista
mit seinen capellanen vnd capellen clericken/nimpt dar
zu das wachß von der alten osterkerze/oder sonst/vffs
Papsts vntkosten/gebraucht wedder öle noch krisam
darzu/sonder macht sie schlecht. ¶ Wann sie gemacht
seind überantwortet er die vnserm aller heyligsten her-
ren in sein kammern.

Auff gelegene tag in der osterwochen/weñ der Papst
in seiner capellen hatt messß gelesen/oder gehört: legt er
messßgewand on casell an/vnd cyn schlecht infell. Wei-
het das wasser in eynem grossen schaff in form wieman
am Sontag gewonlich pflegt/oder aber laßt es zunorn
eynen seiner Bischöffe weihen. Darnach tritt er für das
schaffe on infell/vñ spricht/adiutorium nostrum/ic.
Dominus vobiscum/ic. Oremus. ¶ Herz Gott all-
mechtiger vatter/du benötziger aller element/erhalter
des menschlichen geschlechts/geber der geystlichen ge-
naden vnd außspender des ewigen heyls/der du geheys-
sen hast/das die wasser so auß dem Paradis fließen den

Also muß
man schaff
den vñ den
tauff miß-
brauchen.

J u ganzen

och en des
u beselch.

gangen erdboden sollten besüchtigen / Auff welchen
dem eyngeworner sün mit truckenen füßen gangen / dar
innen er auch geraufft worden ist. Die auch auß seiner
heyligen seiten sampt dem blüt geflossen sind. Er
auch seinen jüngern gebotten hatt / alle völder darinn
zü tauffen / stehe vnß gnedig vñ freuntlich bei / vñ laß
über vnß die wir solliche deine grosse wunder betrach
ten / die gnade deines segens kommen / auff das du dise
ding / die wir in dises wasser faß so zü ehre deines names
zü bereyter ist / einwerffen vnd eintauchen wöllen / geseg
nest vñ nach dem segnen heyligest / auff das wann wir
deine diener die selbigen in ehren vnd werden halten / vnß
die laster abgetilget / die besectung d sünden abgewäsch
et / vergebung erwo:ben / vnd gnad verlihen werd: vñ
wir zü letst mit deinen heyligen auß erwelten das ewige
leben erwerben / durch denselben vnseren herren Jesum
Christum Amen.

Darnach nimt der Papst die infel wider / vñ geüße
Balsam auß eyner ampullen creuz weiß in das wasser /
mit disen worten. O her: gerüwe dis wasser durch dise
salbung des Balsams vnd vnsern segnen / zü weihen vnd
heyligen / In dem namen des vatters / vnd des süns / vñ
des heyligen geysts Amen

Darnach schüttet er auß eyner andern ampullen den
heyligen kriesam / creuz weis in das selbige wasser / vnd
spricht / O her: gerüwe dis wasser / durch dise salbung
des heyligen kriesams vnd vnsern segnen / zü weihen vnd
heyligen im namen des Vatters / vnd des süns / vnd des
heyligen geysts Amen.

Wennder Papst also das wasser geweiht hatt / kee
ret er

er er sich zu den Kästlin/darinnen die agnus Deiligen
steht on infell vnd spricht/Dominus vobiscum/1c. Dre-
mus / O Gott du herrscher vnnnd Herr aller heyligung/
welches gütte on ende empfunden wirt : der du woltest
das Abraham cyn vatter vnser glaubens sein opffer/
als er seinen sün nach deinem gebott wolte opffern/mit
eynem widder/den er in der hecken sahe hencken/erstatte:
zur figur vnserer erlösung. Der du auch Mosi deinen
diener vnd gesetzgeber/das täglich opffer mit vnbesect
ten lämlein zu opffern gebotten hast. Wir bitten dich
flehlich/ du wöllest auff vnser anruffen dise wächse-
formen/mit dem bilde des aller vnschuldigsten lämlins
bezeychnet/gesegnet/vnd durch anruffung deines hey-
ligen namens/heyiligen. Auff das die christen/so es an-
sehen/oder anrühren dich zülöben gereyget werde/dann
er/vngewitter/hagel/vngestüme/windbrausen gestil-
let: vnd die bösen geyst fliehen vnd erzittern müssen für
dem fahnen des heyligen creuz so dar auff gedrucket ist.
Dann Jesu Christo müssen alle knie gebeyget werden/
vnnnd alle zeügen bekennen/das er durch den galgen des
creuz hatt den todt überwunden/vnd regniert in der
herligk eyt Gottis des vatters. Dan er ist zum schlach-
ten geführt wie cyn schaff/vnnnd hatt in den todt seinen
heyiligen leib geopffert/dir himlischē Vatter/auff das
er das verloime schaff/so durch betrugnüs des reüffels
verfürt ware/wider breche/vnd auff seinen schulteren
widderumb trüge zu der herde des himlischen Vatter/
lands welcher mit dir lebt vnd regniert in ewigk eyt des
heyiligen geysts waren Gott ymmer vnnnd ewig Amen.
Darnach spricht er eynander gebett/wie folget.

J iij All

Allmechtiger ewiger Gott/der du die hostien vñ cere
monien des gesetzes hast eingesetzt vñd gewolt das dein
geschöpff/ so durch eingebung des reüffels dein gebort
verachtet in zorn vñd vngnad gefallen war/durch ge
horsam solcher hostien vñnd opffer widerumb versünnet
wurde/als in dem opffer Abel/deines priesters Melchise
dech/ vñnd deiner knecht Abrahe/Mosi vñnd Aaron
die dir lämer/widder vñd fey ste oxsen opfferten/welch
es doch alles ihnen nur zur figur widerfür. Dann durch
deinen heyligen seggen waren sie heylig vñd heylsam de
nen die sie mit demüt opfferten. Vñnd gleich wie das
oster lamb welches plütt andie pfoften vñnd oberthür
gestrichen ward/durch sein opfferüg das volck Israel
vonder Egipter verfolgung/zü mitternacht errettet.
Zü gleicher weiß auch wie das vñschuldige lamb dein lie
ber Søn Jesus Christus auß deinem willen/auff dem
altar des creuzs geopffert/vñseren ersten vatter vom
gewalt des reüffels hatt erlediget. Also laß dise vnbe
flecken lämbli/die wir für das angesicht deiner Göt
lichen maiestet züweihen opffern/auch solche krafft ent
pfahen/vñd gerähe du dieselben zü seggen/ heyligen vñ
weihen. Auff das sie durch deinen milten seggen geheyli
get/gleiche krafft haben wider alle list des reüffels vñd
betrug des bösen feinds. Das denē die sie mit andacht
beisich tragen keyn vñgewitter ob seien/keyn widerwer
tigkeyt herrschen/ keyn pestilentischer windt oder ver
giffter lufft/keyn hinfallend siechthumb/keyn vñstüm
odder ferlichheyt des meers/keyn feur/brunst noch sonst
yergendt eyn bösheyt schaden könne/ auch keyn böser
mensch etwas wider sie vermöge/darzü die mütter inn
der ge

der geburt sampt dem kinde vnterleget erhalten wer-
de/durch fürbitt deines eyngewornen sūn vnser̄s herzen
Jhesu Christi/der mit dir lebt vñ regniert in ewigkēyt/
des heyligen geysts waren Gott ymmer vnnd ewig-
lich Amen.

Wir bitten deine gūte/ o allmechtiger Gott/der du
alle ding auß nicht gemacht/vnnd nach Adams faal
Nohe vnd seine kinder gesegnet hast/sie auch vom was-
ser der sūndt flut erhalten seind/darumb das sie vor dei-
ner maiestat gerecht erfunden worden. Also gerūwe
dise agnus zū segnen/heyligen vnnd weihen. Das alle
die sie mit andacht bei sich tragen/vmb ehre vnnd reue-
renz willen deines namens/erretet werden von allem
schwall der gewässer: von aller wegung der teuffelisch-
en tempester: vñ von dem gāchen tode/durch die krafft
des leidens deines gebenedeyten Sūnes Jhesu Christi/
der mit dir lebt vnd regniert in ewigkēyt des heylig-
en geysts ymmer vnd ewiglich Amen.

Zū ende diser gebett gürtet der Papst cyn leinen
thūch vmb/nimpt die infell auff das haupt vnnd setzet
sich nider neben das wasser faß/die cubicularij tragen
ihm die agnus Dei inn silberen becken zū/vñ der Papst
tauchet sie inn das wasser/odder tauffet sie/die vmb ste-
henen Prelaten heben es herauß/vnnd tragens in den
schüsselen/legens auff die tisch darzū mit hübsche rüch-
eren zubereitet/lassen es all da trucken werden.

Wān sie alle sampt getauffet seind/steht der Papst
vff on infel vnd spricht dise gebet darüber. Viremus/D
du heiliger geyst der du die wasser fruchtbar machst/vñ
alle ding lebendig machest/darzū die aller grōßesten sa-

J. iij crament

orament in das wasser gestellet hast/ welche wasser auch
durch deine heyligung auß bitter süß wordē sind/ auch
durch dein anblösen dermassen geheyliget/ das sie alle
sünde abwäschē/ denen so auß deinem befelch/ im na-
men der heyligen dreifeltigkēyt darin gebadet werden.
Wir bitten du wöllest diē agnus Dei/ die mit geweihe-
tem wasser vnd Balsam/ des heyligen krisams begossen
seind/ segnen/ heyligen vnn̄d weihen/ auff das sie durch
deinen segē kracfft empfahē/ wider alle teuffelische an-
fechtung: vnn̄d alle die sie bei sich tragen in glück vnn̄d
vnglück mögen sicher sein: vñ in kracfft deiner tröstüg/
keyne fertigkeit fürchtē: vor keynem geispest erschreck-
en: das ihnen keyn wüthen des teuffels odder menschen
lüst möge schaden. Sonder sie durch dein macht stercke
betreffiget/ sich deines trosts möge rümen/ der du mit
warheyt eyn tröster genant bist: vnd in voltkommener
treifaltigkēyt lebst vnd regnirerest ymmer vñ ewiglich
Amen.

O herr Jesu Christe du sündes lebendigen Gottes/
der du in warheyt eyn vnschuldigs lamb/priester vnn̄d
opffer bist: auch durch die stimme der propheten eyn
weinstock vnd ecksteyn/ verkündigst bist: der du hast hin-
genommen die sünde der welt: Herr gott der du getödtet
vns mit deinem blütt erlöset: vnn̄d die pfosten vnserer
herzen vnd stirn mit deinem blütt bestrichen hast/ auff
das dienacht lüst vnn̄d mitrags anlufft des teuffels/
darzū das wüthende volck/ so über vnserer kompt/
keyne macht wider vns üben könne. Du bist fürwar
das lamb für vnser versünung geopffert/ hast auch räg-
lich dir zū gedechenüß von deinen christē wöllen geopff-
ert

fert/ vnnnd für eyn osterlamb im sacrament vnder ge-
 stalt brots vnd weins entpfangen werden/ zñ heyl vnd
 argnei vnserer seelen: auff das wir durchs meer diser
 wellt zñ ewiger herligkeyt der vristende mögen kom-
 men. Derhalben bitten wir deine gütte/ du wöllest di-
 se vnbesleckten agnos segnen/ heyligen vnnnd weihen.
 Welche wir dir zñ ehren vom reynē junckfrawē wachs
 formirt haben/ durch die werck deines creutts/ auch mit
 heyligem wasser/ Balsam vnnnd heyligem krisam/ zñ be-
 reytet. Du wöllest auch durch deine heylige vnbesleck-
 te entpfengēnūs/ alle die solliche agnus Dei/ bei sich tra-
 gen beschirmen/ beschützen vnnnd bewaren für aller ge-
 far des sewis/ bligs/ gewässers/ vñ vngewitters. Vnd
 durch das geheymnūs deines leidens/ behütte sie vor al-
 ler widerwertigkeyt/ des gleichen errete von aller fer-
 ligkeyt die in kindtsnoth arbeyten/ wie du deine mütter
 von aller ferligkeyt erreter hast: vnnnd Susanam von
 der falschen anklag: die heylige junckfraw vnd marte-
 rin S. Teclam von der brunst oder sewer: vnd Petrum
 on alle verlezūg auß der gefengēnūs hießest weck geen.
 Also hilff das wir auch vnerlegt vonn diser wellt ab-
 scheyden/ auff das wir ewiglich mitt dir mögen leben/
 Der du lebst vnnnd regnierest in cynigkeyt des heyligen
 geysts waren Gott/ immer vnd ewiglich Amen.

Außceplung der Agnus Dei.

Als sampstageinn der osterwochen teylet man die
 Agnus Dei in der messz auß/ der gestalt/ nach dem
 das agnus Dei gesungen/ vnd der fuß des fridens
 gegeben ist/ legen die Cardinal vnd prelaten alle sampt
 R weisse

• Weiße parament oder Kleydung an/cyn yeder nach seinem standt.

Wenn die cantores die postcommunion singen/leget der Papst weihrauch in das rauchfaß/als dann gehen sie/erstlich der mit dem rauchfaß reichert für hin:nach im gehen zween ceroferari die Kerzen tragen/vnd zwischen in/in der mitte der subdiaconus capelle mit dem creutz: Darnach der subdiaconus apostolicus bekleydet als wenn er die Epistel lesen will/sampt dem clerico cerimoniarum: Vnd gehen ihm zween capellani in chortöcken nach/bis an das ort/da der Sacrista cyn grosse schüssel vol agnus Dei/in baumwollē gewickelt/vñ mit cym seidenen fechel bedeckt/zñ bereyret hatt. Dienimpt der subdiaconus regis mit bemelter procession zñ dem Papst. Wenn sie zur capellen thüre hinein kommen/kenien sie alle nider/vñnd der subdiacon singt mit bequemer stimme das alle Können hören/dise wort. Heyliger vatter dises seind die neuen lāmbliu/die eich verkündiget haben alleluia/yezunt kommen sie zñ den brunnen/seind mit Klarheyt erfüllet alleluia/die cantores antworten hierauff/Deo gratias alleluia.

Vnd das thür der subdiacon zñ dreien malen zwitree bei der capellē thür/das drittmal für des Papsts thron kniend. Darnach kniet er hinauff/dem Papst zur rechten handt vnd halt die schüssel/bis alle außgeteylet werden/zween auditores knien zñ beyden seiten halten cyn weiße handtzwelch dem Papst über der schoß. Gehen also nacheynand hin zñ die Cardinal/thū reuerenz vñ hallten die hātte oder inseln vnder/vñnd der Papst lege ihn agnus Dei darein als vil er will. Sie küßten dem
Papst

Papst die handt vnd das recht knie/ vnd gehen cyn yeder widerumb an sein ort. Nach den Cardinälenghen die anderen prelathenzu/ knien nider/ empfahen die agnus Dei in ihre inselen/ vnd küßten alleyn das knie nicht die handt. Darnach die prothonotarij vnd alle andere nemen die agnus Dei inn die handt/ vnd küßten den fuß.

Wannes auß ist so wäscher der Papst die hände vnd gibt nach der messz den segn vnd aplaß.

Wir lesen das Papst Urbanus quintus/ dē Kriechischen Keyser hatt drei agnus Dei geschickt mit nachfolgenden verslin. Das agnus ich dir schick zur gaben groß geacht/ Auß reynem wachß/ Krisam/ Balsam vnd wasser gemacht. Durch wasser same geborn/ mit worten geweiht/ bliz/ hagel vnd alles bösen lufft verreibet. Darzu wie Christus blüt die sünde vertilget/ Mütter vnd kind in geburt es nöten erlediget/ Begabe die würdigen vnd läschets fewr/ Die es würdiglich tragen redts im wasser.

Von des Papsts festen.

MAn pflegt järlich cyn fest des Papsts zu halten/ auff den tag als er zum Papst ist erwelet odder angenommen. Singet cyn Cardinal die messz vom heyligen geyst/ in rothen messkleidern/ seind dabei Papst vnd Cardinal nach gewonlicher weß. Des gleichen begehrt man järlich das fest seiner krönung/ inn form wie von der wedlung.

A 4 Von

Von begengnis der verstorbenen Cardinal.

SJe herin Cardinal/wo sie weise seind/machen ihr testament mit des Papsts erlaubniß/bei gesunden leibe/oder auff das wenigest am siechbeth. Die testamentarij bestellen geystliche leüt/bei dem sterbenden zu betten vnd psallieren/verschaffen auch das hausrégiment auff das beste vnd was zur leiche gehöret/ordnen eynen geleerten man der orationem funebrem thue

Wann er verscheyden ist/berüfft man alle Cardinal. Prelaten vnnnd geystlichen/vnder des so wäscher man ihn mit warmem wasser/scheret den bart ab/vñ richtet in der massen zúdz er als bald nit stinckend werde/legen im all sein täglich kleyder an/bis an das rochet. Dar nach alle messz kleyder als solt er messz halten/nemlich wo er Bischoff oder priester ist die sandalia/humeral/alben/gürttel/stoll/manipel/röckel/dalmaticke/handschüch/casell/cyn schlechte infell/vnnnd fingerlinge/10. Ist er cyn diaken/kleyder die ihm zugebüren wenn er das Euangelion liest. Wenn er also ist angezogen/legt man ihn an die erd auff eyn taper oder rüch/legt im cyn creutz vff die brust/welches er mit den händen helt/zum haupten vñ füßen breñend kergzen. In des nimpt man alle zierde im ganzen hauß ab/vnd richtet mitten auff dem grössern saal eyn bette odder bühne von bretter zu sechs spannen hoch zehen spannen breyt/vnd zwelf lang on gefertlich. Darauff legt man cyn feder odder wolken bette sampt cynempfulb/vnnnd deckt cyn groß rüch

rüch dar über/das allenthalben nider hende/auff bey-
den seiten löcherete bänck/darinnen sechzehen oder zwey-
zig windellicht gesteckt. In den füßen vnden am bech/
eyn kleyn tischlin mit eynem saubern tischruch bedeckt/
daranff zween leuchter mitt kerzen/cyn chorrock/cyn
stoll/cyn schwarz chormätel/Jtem eyn gefes mit wei-
he wasser sampt dem sprengell/cyn rauchfaß mitt dem
weirauch/schiffelin/vnnd eyn buch darauff man die ge-
bett gelese.

Zürings vmb her im saal setz man stüll darauff die
Cardinal Prelaten vnd curiales sitzen.

Wenn es nun zeit ist/legt man den todte vff das bech/
vnnd zündet die windellicht an/sitzen die Prelaten her-
umb: vnd singen die münch Vigilg. Wann sie anfahren
zeylet man kerzen auß: Nach dem dritten respons des
ersten nocturn tritt der würdigste hinzu zum tisch leger
den chorrock/stoll/vnd chormantel an vnd liset eyn col-
lect/vnd so fort an. Vnder des richtet man die barz
darauff man die leiche tregt/fünffzig od sechzig wind-
licht tragen die stallknecht vor her. Erstlich gehn die
religiosen/darnach die kerzen/vnnd darauff die leiche:
nach der leiche gehn die Prelaten vnd curial. ¶ Wenn
das ampt in der kirch auß ist/geht yederman heym.

Die testamentarij reyen schwarz ruch dem hoffge-
sind auß/den Prelaten fünff eelen: den capellanen vier
eelen: scrutirern drei: den stallknechten dritthalb eelen.
Jtem richten eyn klagburg zu/darunder eyn bech mitt
guldenem ruch vnd bänck herumb/mit windellichtern/
auch bänck darauff das hoffgesinde sitzet: lassen wapen
malen vnd hengen es in der kirchen herumb/darzu vmb

R ij den

• An altar vnnnd vmb die Klagburg. Man pflegt sechs oder acht tauſent pfund wachß zůbrauch: / henkt wine licht rings in der kirchen vmbher / ſteckt der zwelff oder achtzehen auff cyn yede ſeiten des beths: vier ſchemmel oben vnnnd vnden der Klagburg. Item fünff ſchwarze chormäntel ſampt ſtollen: vnd anders was zür eyequien gehöret / als bücher / &c.

Des morgens auff beſtimpte ſtund kommen die Cardinal zür kirchen vnnnd ſitzen auff ploſſen vnbedeckten ſtullen vñ den hohen altar / beſgleichen die anderen prelaten an ihrem ort.

Des verſtorbenen familiares gehn yhepar vnnnd par ſchwarz gekleydet / in cyner proceſſion zů kirchen / gehn zween Curſores für ihnen her / ſitzen vmb die Klagburg darunder das ber iſt zůbercyter / daruff cyn gulden rüch mit des verſtorbenen wapen / vñ zwey ſchwarze küſſen. Oben zün haupten vnnnd vnden zün füſſen zween rothe hütt des verſtorbenen. Darbei ſtehn zween paraſtrenter mitt wedeln oder fochern von ſchwarzer ſeiden / daran die wapen gemalet vñ wdhren den fliegen oder muſcken ſein ſanfft / ob es gleich im winter iſt. ¶ Wens alles also zůbercyter iſt / fahet man die ſeelmēß an / vnd wenn die erſte collect geleſen iſt / reſt die clerici ceremoniarum wachß auß / zümerſt den Cardinälen / darnach den oratoren / prelaten vnd familiaren: curialen vnd mannen vnd frawē ſo zů gegen ſeind. ¶ Ehe dan man das Euangelion liſet / zündren ſie die kerzen an biß züm ende der meßß. Also dann thütt man cyn ſermon zů lob des verſtorbenen.

Nach der ſermon zündet man die kerzen widerumb
an / der

an/der die messz gesungen hatt legt die casell ab / vñ
nimpt cynchor mantel vñ/darzu cyn weisse infell. Des
gleichen vier andere Cardinal ziehen an cyn humer all/
chorrock/stoll/schwarzen chormantel vnd weisse infell.
Gehen hinab zur klageburg in solcher ordnung: zu erst
gehn zween capellan in chorröcken cynere tregt dz rauch
faß vnd weiherauch/der ander das weihe wasser. Dar
nach gehen zween mit leüchtern vnd kerzen. Darnach
der subdiafen mit dem creutz:nach jm die jüngern zween
Cardinal darnach die ältern zween/zuletzt der die messz
hatt gesungen: Nach ihm der diafen vñ andere seine
capellan in chorrecken.

¶ Yn yeder Cardinal hatt cyn capellan bei sich/der
auff die infell wartet/vñ etlich scrutierer/deren cynere
treget die brennende kerzen.

Wann sie hinab zur klageburg komen/stellet sich der
subdiafen mit dem creutz vñ den zu den füßen/vñ die
zween ceroferrarij neben ihn hinder jm die cantores. Zum
haupte sitzet der Cardinal der die messz hat gesungen/
neben jm der diafen vñ andere capellan/mit dem rauch
werck vnd weihe wasser/die anderen vier Cardinal sitze
en/der älter neben der rechten schulteren/der ander bei
dem lincken fuß/der dritt bei der lincken schulteren/der
vierde zum rechten fuß. ¶ Ober cyn leyne weilein steen
sie auff/vñ spricht der die messz hatt gesungen/sampt
dem diafen die absolution: Non inires in iudicium cum
seruo tuo Domine/2c.

Darnach sitze sie wie vñ nider/vñ singe die cantores das
erst respons/Subuenite sancti 2c. geet d'älter Cardinal
zwiret vñ das bett sprengts zum erste vñ reuchers zum

R iiij andern

• andern liſet eyn collect daruff. Des gleichẽ thut der and
Cardinal nach dem andern reſponß: der dritt nach dem
dritten: der vierdt nach dem veyrdren. Solliche cerimo
nien halt man am erſten vnd neündten tage des begang
niß/ vnnnd laßt an der yedem cl. meß leſen/ gibt eynem
yeden der ſie halt eynen Papſts groſchen/ vñ zwo kley
ne kerzen. Die mittlen ſyben tage/ halt man eym yeden
hundert meßen/ vnd nit ſo vil gepreng der cerimonien.

Von des Papſts Exequien.

W Ann die ärgt mercken das gefar ſei bei der krank
heyt/ ſollen ſie es dem beichtvatter anzeygen/ der
ſelbige ſoll den Papſt ermanen beicht hören/ vnnnd vol
kornlich abſoluieren. Zu gelegener zeit fordert er zu ſich
die haußprelatten/ vnd die fürnemſten an ſeinem hoſſe/
thut in gegenwertigkeyt des leibs/ Chriſti oder ſacra
ments/ ſein beicht oder bekantniß für ſhnen/ vnd für
nemlich den catholiſchen glauben/ bezeüget das er dem
ſelben allzeit/ vn beweglich vnd ſtær gehalten hab/ wöl
le auch in ſo/chem glauben leben vñ ſterben weñ es Got
gefallt. Darnach bittet er ſie alle vmb verzeihüg/ ob er
villleicht yrgent eynen vnrecht beleydiger hette/ geb inen
etliche geystliche gratien/ vnnnd begere das ſie Gott
für ſein ſeell bitten/ begere auch vom ſacriſten vnnnd an
dern Prelaten/ das ſie ihm yezo den leib Chriſti geben/
vnd hernachmals wenn es zeit ſein wirt auch mit den an
dern ſacramenten der Kirchen verſehen.

Darnach weil er noch bei gätter vernunfft iſt/ forde
re er

re er den Senat der Cardinal zu sich / vnd bekenne abet-
mal für inen den christlichen glauben: bitte veniam ob
er yrgent cynen in seinem regiment vnbillich beleydiget
hette/begeere das sie für seine seel wölle bitten/befelhe in
die kirch Gottis/ vnnnd ermane sie in der waal des künff-
tigen Papssts fleiß anzükeren vnd einträchtig zu weelen
cynen sollichen der die christen / fruchtbarlicher dann er
gethan hette/weyden könne: wo es ihn auch für güte an-
sihet mag er cynen oder mehr nennen/die er seines ver-
standes rüchrig darzu schreiet.

Eröffne inen auch was man schuldig sei/oder schuld
außständig habe/darzu brieff/gelt/ edelgesteyn vnnnd
was sonst köstlich ist. Mache sein testament/ ob er wil
vnd erweele ihm sein begrebnüs. In lezt besilhet er den
Cardinalen sein hoff gesind vnd freund/ gebe ihm geyst-
liche gratien ihres gefallen: thueden segē über sie vnd
laß sie gehen.

Wann die Cardinal erfahren das der Papsst in ziehen
ligt. Erweelen sie drei auß ihnen die sampt dem Kam-
merer alle güter inuentieren/ so im pallatio funden wer-
den/ vnd legen die an bequemen ort zu verwaren. Was
aber dem sacristen züsteht besichtigen sie vnd lassens bei
ihm. ¶ Darnach versehen sie das keyn auffrühr in der
statt werde/ fordern bei güter zeit dz kriegs volck hinein
vnd legerns an bequeme ort in der statt herum.

Versorgen auch der kirchen landschafft/ vnd schick-
en allenthalben commissarien rapffere kluge männer.

Wann also der Papsst zühlet/solleyner seiner hauß-
prelaren bei ihm stehen/das creutz fürhalten vnd offft zu
küssen geben/ auch das leiden Christi zügedechtnüs für-

L ren. Die

ren. ¶ Die cubicularij sollen mit fleiß darreychen waß
man bedarff.

Der sacrista soll ihn bei zeit ölen/vnd die seel commen
dieren/als in ordinario beschriben ist.

Die penitenciarij stehen herum vnd lesen die büß
Psalmen/vnd passion Christi vnd andere andechtige
gebet weil er stirbt.

Wnen er verschieden ist/lesen sie vigil. ¶ Die Car
dinal sollen als bald narrieren vnd eyn yeder in sonder
heyt den verstorbenen Papst absoluieren/mit eynrer re
sponsori vnd collect. Deus qui inter apostolicos
sacerdotes/te. Vnd also darnon gehen.

Die cubicularij bereyten warm wasser mit wol riech
ende kreuttern/die lolbründ wäschen den leib: der balbie
rer schert im den bart ab. Dieweil wäscht man den leib
mit dem besten weissen warmen kreutter wein/stopffer
ihn allenthalben vol aromata/ mirrhe vnd aloes/die
nasen vnd ohren stoßt man voller bissam: vnd reibe die
hände vnd gangen leib wol mit Balsam.

Darnach ziehen ihm die penitenciarij sein gewonlich
Kleyder an sampt dem rochet. Darüber die geweihten
messz Kleyder alle/vnd eyn schlechtere infell/gleich als solt
er messz halten: Item den mantel sampt allen para
menten alles rothfarben: legen also yhn auff eyn bett/
oder bore mit eynem guldenen tuch bedeckt/daran des
Papsts vnd der kirchen wapen/ vnder das haupt eyn
küssen vorn guldenem tuch/des gleichen zwey küß zün
füßen darauff zween Papsthütte.

Also laßt man in des ersten tages im der kammer/
Papa Galligenandi/ stehen. Die penitenciarij wach
en vnd

en vnnnd psallieren dar bei: denen gibt man kost vnnnd alle nordurfft vom pallatio.

Darnach zu gelegener stunde gehet der subdiaconus voran/ die cantores singen subuenite/ 2c. vnd die penitenciarij tragen die leich inn die grosse capellen/ die scrutierer tragen sechs odder acht vnd zwenzig brennende windellicht für der leiche. Das ander hoffgesind gehet nach der leich/ vnder des singt man todte vesper vnd vigil/ bis die stiftsherren vnd klosterleut kommen/ die singen auch vigil/ besprengen/ bereüchern vnd absoluieren den todten/ wie daroben von den Cardinālen gesagt/ beleyten als dann die leiche inn sant Peters kirchen/ da setzet mans mitten inn die kirch/ halt cyn ampt/ vnnnd lassets allda stehen zween odder drei tage/ das die leut mögen hin zu gehn/ vnd dem verstorbenen die hand küssen.

Man richtet cyn trawerburg auff vnnnd anders wie daroben vonn Cardinālen gesagt/ alleyn das alles hie reichlicher zügeht. Des Papsts familiars/ die officiales curie vñ amptleut der statt/ kleydet man in schwarz/ gibt den geystlichen mannen vnnnd frawen groß almsen von der seelen wegen.

Am ersten vnd neündten tage der exequien/ bestellet man zweyhundert messz mit allmüsen/ die andern tage hundert messz. Täglich spendt man wachß auß/ geschehen absolution züende der messz/ wie daroben.

Die Cardināl kommen alle tage zu sammen nach der messz/ ratschlagen in sachen der kirchen/ vnnnd verordnen das Conclauē.

Am neündten tage nach der seellmessz/ singet man cyn ampt vom dem

psalm

L ij heyli-

• Heyligen geyst vñ thut cyn sermon zur Papst weelung
Als bald der Papst gestorben ist / schreibt das collegium an die Fürsten vnd grossen prelaten zeygen es in anhalten den apostolischen stilum / im schreiben nennen sie sune vnd brüder wie der Papst pfleger.

Der vicecancellarius zerbricht alle bullen bleibe dar auff die büchstaben vnd des Papsts namen stehen / das ander theyl darauff die haupt der apostel stehn / wickelt er in cyn tüchlin versigelt vnd gibt es dem camerario zu verwahren / das heyn Pöpstliche brüeff versigelt werden nach seinem absterben.

Zu mercken wenn der subdiaken das creutz fragt / so der Papst da ist kerec er das bildt des gecreuzigten gegen ihm / sonst kerec ers für sich.

• Von Gottis dienst in gemeyn.

ES wurde gar zu lang die cerimonien alle zu erzelen / so man in der messz vnd andern ämptern der messz vnd vesper / ic. pflegt zu halten mit bucken / knien / küssen der füß / knie / hand vnd munde des Papsts. Darzu mit allerley kleydungen reuchern / sprengen / ic. Dann in summa bei disen heyligen leüten nichts dann lautere cussliche cerimonien vñnd obseruation: seien / als oft auch der Papst messz odder sonst cyn ampt oder actum solennem helt / müssen ihm die Cardinal vnd andere reuerenz thun / mit füß küssen vnd mancherley cerimonien / ist des gauckelspiels weder maß noch zaal / mit hüt abnehmen / auff setzen gnippen gnappen / creuz machen / creuz

creuz tragen/2c. Jedoch wollen wir etliche besondere
cerimonien hie auch anzeygen/ Vnderstlich.

Von lection in der Christmetten vnd

wieder Keyser/vnd der Fürst dem das schwerdt
ist gebē cyn lection in der christmette singen.

Wider der vierden lection füret der ceremoniarius
den Fürsten so das schwerdt empfangen hat/ an
eynen bequemen ort/dahin bringt der kammer cle
rick das schwerdt sampt dem fürstlichen hütt vom al
tar/da legt man dem Fürsten cynen chorrock an/ vnn
gürtet ihm das schwerdt darüber/ vmb die lincken sei
ten/ vnn gibt ihm cynen weissen chormantel vmb/der
zur seitten am rechten arme offen ist/ vnn setzt ihm den
gallern oder Fürsten hütt auff. ¶ Wenn nun die vier
te lection auß ist/ so füret ihn der ceremoniarius vnder
dem respons für den Papst/daselbst für der vndersten
stafel/nimpt er den hütt ab/zhüt reuerentz gegen dem
altar vñ Papst/steht a' so gegen dem Papst/zeuher das
schwerdt auß/ vnd rüret die erden mit dem spitz zu drei
en malen/darnach schwencket ers auch drei mal wüschet
es auff dem arm/ vnd steckt es wider in die scheyden/trite
als dann zum pulbret. Wenn nun das responsorium
auß ist/ kniet er nider gegen dem Papst/vnd spricht/ In
be Domine benedicere/2c. Steht darnach auff vnd liest
die lection / wenn es auß ist füret man ihn zum Papst
dem küßet er die füß/zeuher er die kleyder ab vnn setzt
sich wider an sein ort. Vnd seiner dinc cyncer sitzt ihm
zum füßen/hellt den gallern auff dem schwerdt entpar/
biß zu ende des ampts.

L iij In

In der hohen messz sitzet der Fürst zu des Papsts füßsen vnd halt das schwerdt sampt dem hütt biß zum end.

Die sibende lection singet der Keyser wo er gegenwertig ist/sampt dem Euangelio Exijt edictum/ıc. mit sollichen ceremonien. Zu endt des dritten nocturn auß anweisung des ceremoniarij/gehen die zween diaken Cardinaln so auff den Papst wartē/hin zum Keyser/ermahnen ihn das er von seinem stüll herab steige. Ziehen ihm eyn chorrock an/vnd gürtten im eyn geweiht schwerdt darüber/geben ihm eynen weissen chormantel vmb/der fornen offen ist wie der Bischoff chormantel/also führen sie ihn zwischen sich inn der mitte hien zum Papst/dem thut er reuerenz/zeühet das schwerdt wie daroben gemeldet/vñ tritt darnach zum pulbret: Neyget sich tieff gegen dem Papst/vnd spricht/Inbe Domine/ıc. liest als dan das Euāgelion. Also ist gehalten worden mit Keyser Friderich dem iij. zur zeit Pauli ij. An. 1468.

Nach der lection führen sie ihn hin das er dem Papst die füß küß vnd darnach wider zu seinem stüll.

Die neunnde lection singet der Papst selber/stchet gegen dem altar mit plassem hanpt/vnd spricht/Inbe domine/ıc. aber niemant gibet im die benediction/sonder die cantores antwortē darauff amen. Nach der lection singt man Te Deum laudamus/vnd wenn man singet Quos precioſo sanguine redemisti/ıc. so kniet 8 Papst von seinem stäl nider/der gleich alle andere.

Wie der Papst das heylig sacrament entpfahet.

WENN der Papst mess helt/so legt man drei hostien auff die paten/deren eyn nimpt der diaken vnd

rißet darmit vff die andern zwo zur credenz/ darnach
gibt er sie dem sacriste zu essen. Nimpt als dann die an
dere hostia betastet darmit den kelch vnd die paten/ inen
vñ aussen/ gibt sie auch dem sacristen zu essen. Darnach
güßet er auß der ampullen eyen wenig wein vff cyn scha
len gibts dem sacristen zu kosten/ des gleich auch auß der
andern ampullē eyen wenig wasser. Thut darnach so vil
wein in kelch als drei brauchē mögē. Wen nun d̄ Papst
das agnus Dei gesprochen vñ den pacem kuss geben hat/
geet er mit plossem haupt zu seinem hohē stül/ bückt sich
gegen dem altar: Der Euangeli diakē nimpt die paten
mit dem sacrament/ vñ gibts dem subdiaken mit gebür
licher reuerenz/ der selb regt hin/ tritt darmit zur linck
en handt des Papsts. Der diakē regt des gleichen den
kelch vñ tritt zur rechten/ der Papst nimpt ein partickel
des sacraments von der paten/ vnd bricht das ander in
zwey teyl für den diakē vnd subdiaken.

Wen der Papst also den leib Christi genomen hatt/
sugellt er durch cyn guldē rölin auß dem kelch das blüt
Christi/ das übergibt er dem diakē vñ subdiaken. Dar
nach küßet der diakē dem Papst die handt/ vñ entpfa
het das sacrament von jm/ küßet in darnach vñders an
gesicht/ vñ gehet also mit dem kelch vñ sacrament wider
hin zum altar/ vñ seiiget das blüt Christi durchs rölin
auß dem kelch. Der subdiakē kniet für den Papst nider
vñ küßet jm die handt/ entpfahet von jm die dritt par
tickel des sacraments/ sampt dem kuss des fridens: gehet
darnach mit der patē zum altar vñ entpfahet das blüt
Christi/ vnd jr beyder eyner entpfahet auch die partickel
so im kelch ligt/ &c.

L iij Wann

• • • Wenn der Papst nach der mess den segnen hat gegeben/
so keeret sich der Cardinal zur linken seite gegen dem
volck: verkündiget aplas mit disen worten.

Der aller heyligste inn Christo vatter vnnnd vnser
herre: herr Leo auß Göttlicher verschung der zehende
Papst/gibt vnnnd verleihet allen so hiezü gegen seind/
volkommen aplas: oder so viel jare sampt so vil jaren
vom waren aplas: in oder nach gewonlicher form oder
weiß der kirchen. Bittet Gott für seligen standt seiner
heyligkeyt: vnd dergleichen mütter der kirchen.

Das vierdt teyl der Cerimonien

wie sich der Papst gegen der kirchen halt/
vnd die selben als cyn hirrt versorget

Vom Cardinal creiren.

WAnn der Papst will newe
Cardinal machen/halt er cyn heymlich
consistorium/vnd legt für was ihn dar
zü bewege/fragt herumb was cyn yez
der darzü redt. Wenn nun der meerer teyl darein bewil
liget: ermanet der Papst die Cardinal das sie bedencken
dar auff haben. Im andern consistorio legt der Papst
für ihre namen die er zü sollicher werde tüchtig schenket.
Darzü die ursach warumb er siemachen wölle/es sei das
rumb das sie es verdient haben/oder vmb für bitt groß
ser fürsten: Fraget hierumb/vnd in welche der meerer
teyl

reyl bewilliget/ die promunciert er zu Cardinālen auff
solliche form. ¶ Auß gewalt Gottis des allmechtigen
Vatters vnd der heyligen apostel Petri vñ Pauli auch
vnserer/ Absoluieren wir. N. Bischoff zu Brixen/ von
der pflicht damit er seiner kirchen verpflichtet ist gewesen/
vñ nemen ihn auff zum Cardinal der heyligen Römisch
en kirchen. Ist er aber zu vor nit Bischoff/ so spricht er
schlechts/ assumus/ &c.

Vnd des selben tags verkündiget mans ihnen das
sie new creiert seind. ¶ Des andern tags halt man eyn
offentlich consistorium/ gehet der Papst mit dem creuz
heraus in köstlichen chormantel/ vnd Papstkrön/ sitz
auff dem hohen stül/ vnd nimpt die Cardinal zu reue
renz. Thut darnach eyn rede mitt anzeygung was ihn
bewegt hab newe Cardinal zu machen/ erzelet eyns ye
den würdigkeyt vnd verdienst mit namen: vnd laßt sie
als dan fürfordern/ führen alweg zween alten der newen
eynen zwischen sich für dem Papst/ neygen sich tieff/ der
Papst redt sie an/ vñ ermant sie dz sie bedenkē die grosse
würde darzu sie beruffen werden. Nemlich das sie sollen
seine rathgeber sein/ richter der ganzen welt/ nach
komling der aposteln/ angell oder Cardines darauff
der Christenlichen kirchen thür geht/ &c. Derhalben
sie inn allen tugenden sich üben sollen/ fleißig studieren
vnd dergleichen.

Nach der rede füret man sie zum Papst/ dem küß
sie den fuß vnd die handt/ vnd der Papst nimpt sie vff
zum munde küß. Darnach füret man sie herum vñ
nemmen sie die alten Cardinal alle zum küß des fridens/
vnd laßt sie an ihr ort sitzen. Darnach singet man Te
Deum

• Deum laudamus / vñnd fñret sie mit der processioñ zñr
Kirchen / da legen sie sich nider auff tēpich fñr den altar.
Wenñ das te Deum außißt / spricht eyn Cardinal eyn col-
lect über sie vñd fñren sie wider zñm Papst / kniet eyner
nach dem andern fñr im nider / setzt im der Papst den ro-
then cardinal hñtt vff / vñd spricht. Zñ lob des almech-
tigen Gottis / vñd zierde des heyligē apostolischē stñls.
Vñmb hin den rothen hñtt / eyn sonder zeychen der Car-
dinal werden. Dardurch bezeychnet wirt / das du vn-
schrocken sollest sein zñ sterbē / vñ dein blñt zñ vergießen
von erhñbung wegen vnser heyligē gläubens / fridens
vñd rñtwe des christenlichen volcks / bestandt vñ vffne-
mung der heyligen Rñmischen Kirchen. Im namen des
vatters vñd des sñns / zc.

Darnach reittē die newē Cardinal ye eyner zwischen
zweyen alten biß an ihre herberg. ¶ Wenn sie zñr her-
berg kommen / reittet der newe mit plossem haupt her-
umb / vñ dancket den alten eynem yeden sonderlich / halt
darnach an der thñr / vñ neygt sein haupt gegen eynem
yeden wenn sie weg reiten. Darnach reit er ins hauß
des anderen tags / wo sichs schickt / visitieren die newē
en Cardinal / den Papst vñnd die alten nach eynander
eyn yeder in sonderheyt.

Wie man den newen Cardinālen den
mundt sperret vñd öffnet vñd titel gibt.

In erstē consistorio schließet der Papst den newen
Cardinalen den mundt zñ / vñ verbeñt jnen das sie
nichts reden sollen inn consistorijs odder rāthen /
biß

bis so lange das er ihnem mit rath seiner brüder den mundt widerumb eröffne.

Im andern oder dritten consistorio öffnet er in wider laßt sie von ersten aufstretten / vñnd fraget hernumb ob man ihnden mundt öffnen solle. Wenn nun sollichs bewilligt / fordert man sie widerumb hinein / tretten für den Papst / der ermanet sie mit freüntlichen Worten wie sie sich gegen den andern Cardinālen vñnd prelaten / dar zu gegen dem Papst selber ihn ansprechen / reden / ic. vñnd sonst allenthalben halten sollen / züchtig on geiz vñnd laster / ic.

Darnach öffnet er ihn den mundt / vñnd spricht / wir öffnen euch den mundt in collationen in rāthen / vñnd in der Papst waal vñnd in allen hāndelen / innen vñ außser dem consistorio / so den Cardinālen züstehn / vñnd sie zü verrichten pflegen / im namen des vatters vñnd des söns vñnd des heyligen geysts Amen.

Darnach kniet einer nach dem andern für den Papst nider / der steckt ihm eyn ring an die rechte handt / vñnd gibt ihm eynen tittel mit disen Worten. Zü ehren dem almechtigen Gott / der heyligen apostelē Petri vñnd Pauli / vñnd des heyligen. N. befehlen wir dir S. N. Kirchen sampt der priesterschaft / dem volck / vñnd iren capellen in form vñ massen wie sie züuorn den Cardinālen so die selbige kirch züm tittel gehabt / ist committiert worden.

Wenn die Cardināl also den ring vñ tittel entpfangen haben / küssen sie dem Papst den fuß vñnd die handt / vñnd zeihet sie seine heyligkēy auff zü dem mundt kuß / setzen sich an ihre ort.

ad ij Alle

Alle pfründen der newē Cardinal rechnet man das sie vacieren/darumb dispensiert der Papst mit in sonderheyt das sie behalten mögen/gibt brieff darüber vñ decerniert das sie mit vacieren.

Wiemans halt wenn man den Car

dinal hüt cynem auswendig schicket.

Der Papst schickt den hüt nicht on grosse vsach
ausser dem hoffe. Wenn er ihn aber schickt so gibe
er etwo cynem grossen prelaten des selben ort commissi-
on in schrifft/ das er dem newen Cardinal offentlich
von des Römischen stils wege den hüt auff setze/doch
das er zuuorn schwere. Der den hüt bringt wenn er zur
statt hinein reitet/füret er ihn auff eyn stecken das yeder
mann sehe. Auff eyn fest oder Sonntag geleyten sie den
newen Cardinal zu kirchen/da thut man eyn oration/
vnd singet eyn messz. Nach der messz setzet sich der com-
missarius auff eyn stüll für den altar gegen dem volck/
thut cyner eyn rede vom lobe vnd verdienst des newen
Cardinals/darzu des Fürsten auff welches bit er pro-
mouiert wirt. Darnach überantwortet der nuntius
dem commissario des Papsts brieff/dielast er offent-
lich verlesen/keeret sich zum volck vñd erzeulet das der
Papst wölle vernehmung thun/der heyligen Römischen
vnd gemeynen kirchen mit newen Cardinälen/vnd hab
vnder anderen disen auch tüchtig darzu geschickt/zum
teyl von wegen seiner verdienst/zum teyl auch auff für-
bit des. N. Königs/oder Fürsten/darauff seijn com-
mission

mission geben die wöl er als eyn gehorsamer exequierth.

Nach dem kniet der new Cardinal für ihm nider vnd
schweeret in form wie in der commission begriffen.

Der commissarius spricht etlich collecten über in vnd
setzet sich wider nider/nimpt den rothen hüt vnd setz
in ihm auff mit disen worten.

Zu lob vnd ehren des almechtigen gottis/nimb hien
den rothen Galleren zum zeychē der grossen würdigkeyt
des Cardinalats/welcher durch vnser hand im namen
des apostolischen stüls dir auff dein haupt gesetzt wirt/
Im namen des Vatters/vnd des söns vnd des heylig-
en geysts amen. ¶ Vnd gleich wie derselbige heylige
geyst inn gestalt des feürs ist hernider gefaren/auff die
häupter der jünger Christi/vnd hatt ihre hertzen mit
Gottis forcht angezündt/Also solt auch du in liebe hitz-
ig sein/vnd mit eifer des haussz Gottis brennen/weil du
samt andern Cardinālen 8 heyligen Römischen Kirch-
en/bemeldter jünger Christi figur vff erdē tragē wirst:
Solt auch wissen das du pflichtig seiest dein blüt zū er-
gießen vnd dein leib in todt zū setzen/zū erhöhung vnd
beschirmung des heyligen Christenlichen glaubens/zū
friden vnd rüwe des Christenlichen volcks/zū beschüt-
zung der Kirchen freiheyte/ehre/stande vnd frommen der
heyligen Römischen Kirchē/sollichs alles zū leyßen ver-
leih dir Ihesus Christus/der mit dem Vatter vnd heyl-
igen geyst lebt vnd regniert in ewigkeyt Amen.

Hierauff gibt er ihm den küß des fridens/vnd spricht
frid sei dir: Er antwort/vnd mit deinem geyst.

Singet der chor Te Deum laudamus/12. listet der Bi-
schoff eyn collect vnd gibt den segnen.

Ad iij Wenn

Wie man eyn Legaten a latere

weelet.

WËn der Papst eyne legaten will außsenden/halt er es den Cardinālen im heymlichen consistorio für/vnnd benāmpet eyne darzü mit ihrem rath/vnd bevilhet ihm die bürde. Er aber entschuldiget vnd wöhret sich ehren halben mit höflichen worten. Doch auff anhalten des Papsts/erbeit er sich zü gehorsamē/dancket dem Papst küßet den fuß vnd die handt vnnd munde.

Es küßet in alle Cardināl vnd geleytet in zü hauf/er aber rüffet sich zür reys/vnd che dann er weck zühiet visitiert er alle Cardināl.

Den tag wenn er soll weckziehen/halt man eyn heymlich consistorium/zü ende desselben geht er hinauß von des Papsts seitten/vnd geben ihm die Cardināl das geleyt biß züm stat thor er reitet zwischen den ältern zweyen diaken Cardinālen zü letst/da selbst dancket er ihn vnd küßet sie alle vnd wandert im friden.

Als bald der Legat kompt auß dem landt oder gebeit der stat da der Papst residiert/sahet er an den seggen zü geben/füret den rothen mantel vnnd laßet ihm das creuz fürtragen. ¶ Weil er in der legation ist/entpfahet er nit reyl auß der kāmernutzung oder annaten.

Wie man die kirchen versorget.

WËn sich züregt das der Papst/stift oder thumb kirchen/odder klöster soll prouidieren bevilhet er eym Cardinaal mündtlich/das er der sachen gelegenheyt bericht entpfahet/vnd darnach im heymlichen consisto

consistorio relation thut. ¶ Der selbig Cardinal commissarius/erforschet mit fleiß alle eygenthschafft des einkommens vnd landes der kirchen so vaciert. Item ob sie eygentlich vnd wie sie vacier/vnd wieder muß geschicht sein mit dem man cōfirmierē vñ die kirch prouidierē sol.

Dañ erliche prouinz haben freiheyten vom Pāpſtlichen ſtül/das sie prelaten mögen weelen/wen ihre kirchen oder klöster vacieren. ¶ Darumb muß man über die obbemelten punct/forschung haben ob die electio canonica sei oder nit.

Der Papst nominirt den er will prouidieren entweder auß eygenem mütt/oder auff fürbit der Fürstē oder anderer. Zūzeiten nominirt er jr vil zū gleich vnd geht die forschung vff vil. Man examinirt oder verhört zeugen beim eydt/inn obbemelten puncten: man recognoscirt die offenen anzeygung vnd brieff vnd macht cynordenlichen proceß darob. ¶ Wens nun dem Papst gefellet/so referirt der commissarius im heymlichen consistorio offentlich/alles was der proceß innehalt/summaric lauter vñ cynfeltig: Hat auch den proceß schriftlich z. jr hand. Nach dem der Papst die relation gehört hat/fragt er erstlich den commissarien/darnach die andern Cardinal vrtcyl. Vnd wo es seine heyligkēyrt güt bedunckt nimpt er sein barer ab/vñ promunciert auff diese form. Auß auctoritet des almechtigē gots vñ der heyligen apostel Petri vnd Pauli vñ vnser. Verschen wir die kirch zū Weissen mit der person vnser libē sūns. N. setzē in zūm hirtē vñ Bischoff der selben kirchen/vñ befelhe im volckömlich die sorg vñ regimēt bemelter kirchen in geyselichē vñ weltlichen sache/in namen des vater

Ad iij ters

• **ters vnd süns vnnnd heyligen geysts Amen. ¶** Machet also mit der handt das creuz über ihn.

So aber die electio zu confirmiren ist/spricht er nicht prouidemus/sonder cōfirmamus. Das ist/wir bestätigen vnd approbieren die waal vnser lieben süns. **¶** zu der kirchen zu Weissen als die canonice geschehen ist/vñ setzen ihn bemelter kirchen zum Bischoff/rc.

Form eyn Apt zu pronunciren.

¶ Vñ auctoritet odder gewalt/rc. vt supra versehen wir das kloster sant. **¶** Cistercier ordens / Bamberger bistumbs mit der person/des erweelten vnser lieben sons. **A.** der im selbē kloster eyn münch ist profess vnd priester/genügsam alters / setzen ihn zum Apt desselben klostere / vnd befehlen im volkommenlich alle sorge/regiment vnd administration des selben klostere in geystlichen vnd zeitlichen / in dem namen des vatter vnd des süns vnd des heyligen geysts Amen.

Bisweilent wenn eyn kirch im Römischen hofe vaciert / vñnd die person so prouidirt soll werden/ist des Papsts familiar oder im sonst bekant/halt er keyn process darob/sonder on cōmission schlegt er die person für/vñnd pronunctiert mit bewilligung der Cardinal/wie oben vermeldet.

Von kleydung der pronuncierten heymlichen vnd eydt.

S Er also zu Bischoff pronunciert ist worden/lege eyn rochet an/vñnd laß ihm eyn grosse blattenscheren/vñnd des ersten er kan legt er eyn grosse kappen an/setzt eyn schwarze galern oder hürt/wie die Bischoff

schoffer tragen mit grüner seiden gefüttert/ vnnnd grüner
schnüren auff/ vnnnd reitet mit seinen güten freunden.
Erstlich zu des Papsts pallast/ vnd dancket ihm seiner
promotion. Darnach zu allen Cardinälen herumb/
danckt in der trewen fürderung vñbewilligig in seiner
promotion. Sollichs alles inn beuweisen seiner güten
freunde. Commendeirt hiemit sich vnd die Kirch/ so ihm
befolhenist/ vnd offeriert oder erbeit sich gegen ihnen.

Der Papst antwort nach dem die person ist/ erzelet
seine verdienst oder deren so für ihn gebetten haben. Er
manet ihn das er mitt allem fleiß seiner Kirchen chre/
vnnnd nutz süche. Die Cardinal schieben sein promo-
tion auff den Papst/ loben vnd ermanen ihn nach geles-
genheyt der sachen.

Ist der promotus cyn ordens man/ so tregt er sein or-
dens kleydt/ vnd k cyn rochet (er were dann cyn canoni-
cus regularis/ die es sonst tragen) vnd eingalern odder
schwarzen hüt mit schwarzer seiden gefüttert/ wie die
prothonotarij pflegen zutragen.

Die äpt so gegenwertig seind/ ehe dann si mit päpst-
lichen brieffen abgefertiget werden. Schweeren sie kni-
end dem ältern diaken Cardinal inn die handt/ das sie
dem Papst wöllentrew sein. Darüber machet der cle-
ricus cerimoniarum cyn instrument/ vnd über antwor-
tet es inn die Tantzlei/ wie der Pielat geschworen hatt.
Sonst gibt man ihm k cyn briiffe. Zu denen aber die nit
gegewartig seind/ schickt man die form wie sie schweeren
sollen/ sampt andern brieffen.

¶ Welche

Welche electi genant seind.

SJe also zu kirchen oder klöster promoniert seind / nennet man nit Bischöffe odder apt / sonder electos oder gewelte / che wann sie geweiht oder consecrirt werden. Sollen die weihung nit über drei monath verziehen. Wiewol sie auch für der weihung Bischoffs odder appts kleydung tragen / doch dürfen sie nicht messgewand vnd infeln tragen / on des Pasts erlaubniß.

Vom Pallio wie mans gibt.

SJe zu erzbistumben oder andern kirchen promoviert seind / nennet man nit erzbischöffe oder patriarchen / che dann sie das pallium so von sant Peters leib genomen wirt / empfangen haben. ¶ Wenn auch eyner transferirt wirt von eyner kirchen zur andern / darffer er das palliū nit tragen / das er in der ersten kirchen gehabt hatt.

Auch vil weniger darffer tragen das pallium seins vofaren / so gestorben oder transferirt ist / sond muß allweg cyn pallium von newem bitten vnd erlangen / vnder des kan er weder weihen / noch synodum halten / oder andere Bischoflich ampt üben.

Sie sollen auch das pallium innerhalb sechs monathen bitten / durch sich selbs odder durch cyn procuratorem. ¶ Es seind auch etliche Bischöffe die auß Papsstlichem

Nachem indult des pallij brauchen / als der vonir Luth
in Thuscia : der von Papia in der lombardei / vnd der
von Bamberg in teutschlandt / vnnnd andere meer / die
sollen des pallij gebrauchten innerhalb ihrer kirchen / vff
tage vnd weisen nach inhalt ihrer priuilegien / so sie von
dem apostolischen stüll haben.

Das pallium zů bestellen vnd verwaren / steht zů den
Päpstlichen subdiaconen / die lassens auß reynen weisser
wollen machen der gestalt. Die Nonnen oder geystlich
en zů sant Agneten / opfferē jährlich zwey weisse lämblin
auff den altar an sant Agneten tag / wenn man das ag
nus Dei zůr hohen messz singet. Die selbigen lämblin ne
men die canonici Lateranen. vnd überantwortens den
päpstlichen subdiaconen. Die lassens an die weyde gehen /
biss zůr zeit das man schaff schiret / vnd nemen die selbig
wolle / vermengen es mit anderer weissen wolle / lassens
spinnen vnnnd die pallia darauß wircken / dreier finger
breyt vnd runde / das sie dem Bischoff vmb die schultern
gehen / hinten vnd fornen haben sie zipffelhinab ander
halb spañen lang / vñ am gefrengherumb kleyne belch
in gleicher breyte / mit schwarzer seiden überzogen / &c.

Solliche pallia geben die subdiaconen / den thůmbher
ren zů sant Peter / vnnnd lassens auff Petri vnnnd Pau
li leichnam vnder dem hoch altarligen / eynnacht lang
halten gewonliche vigilt darbei / gebens darnach den
subdiaconen wider / die hebens auff vnnnd behaltens etzwo
an eynem ehilichen ort.

Der gebrauch sollichs Pallij kompt von alters here
vnd hatt sein vrsprung von dem Papst Lino / welcher
N. ij der

der nechsten nach sant Peter ist gewest / dann also schreibet Maximus in eyner homilia vom priester kleyde. Dises vnser Ephod oder palliū im gesetz der gnaden oder newen testament ist alt / dan vnser patriarchen halten es darfür / das es Linus der ander Papst nach Petro hab eingesezt / vnd vnsern Bischoffen so Gortis voll seind zūm sondern privilegio ihres gewalts gegeben. Des gleichen schreibet Eusebius Cesarien. in eyner sermon de Epiphania / Es ist nichts älters wann dises priester kleyde vnser Bischoffe / welches succedit dem kleyde des alten testaments auß gold vnd bisso gewircket / sollich hat Linus am ersten getragen / zūm zeichen der aller völliſten gewalt / hatt ihm auch die bedeytung vnd namen gegeben / als die alten schreiber zeügen / nemlich das es pallium heysen soll.

Wenn nun cyn Prelat des pallij bedarff / so bittet er genteyn aduocat des consistorij / den er inn sonderheyt hierinn zūm procurator bestellet hatt. Zūm ersten den Papst darūm Instante instantius instantissime. Der Papst laſt den aduocaten außtreten / vnd fraget die Cardinal hernmb / ob man ihm das pallium geben sol.

Als dan beſilhet er dem obern diaken Cardinal / das er dem Prelaten oder seinem procuratori das pallium assignire / darüber machet man Päpstliche brieffen nach gewonlicher form. Der Cardinal bestimpt eyntag / vnd stellt wo vnd wenn es geschehen soll. Gemeynlich geschicht es in des Cardinals hof / in der capellen / zūzeiten auch inn sant Peters kirchen auff dem hohen altar / allermeyst wenn es groſſe bistumb seind / vnd jenseit des gebirgs.

Auff

Auff bestimpten tage/kompt der Prelat/wo er vor-
handen ist/ odder sein procurator mit sonderem befehl
an die verordnete stell. Da ist der Cardinal vnd paps-
tlich subdiacon mit dem pallio/breytters auff den altar.
Der prelat legt cyncasell über das rochet/ oder cho:rock
an/ kniet für den altar vñ bittet vmb das pallium/mit
sollichen worten. Ich Weigande erweelter der kirchen
zu Bamberg/bitte Instanter instantius instantissime
das mir verlihen vnd geben werde/cynpallium von S.
Peters leibe genommen/darinnen die vollkommenheyt
ist Bischöfliches ampts. ¶ Auff solliches nimpt der
Cardinal das pallium vom altar/legt es ihm auff die
schultern/vnd spricht. In ehren Gottis des almechtig-
en/vnd der heyligen junckfrawen Marie/vnd der heyl-
igen aposteln Petri vñd Pauli/auch der kirchen zu
Bamberg/die dir befolhen ist/geben wir dir dises palli-
um/welches von sant Peters leib genommen ist/in wel-
lichem ist die fülle des Bischöflichen ampts/sampt dem
Ergbischöflichen oder patriarchen namen/das du das
selbig/innerhalb deiner kirchen auff bestimpten tage/so
im papsstliche privilegio außgedruckt seind/tragen mö-
gest/In dem namen des Vatters/vnd söns vnd heylig-
en geysts Amen.

Richtet es ihm also der Cardinal sampt dem subdia-
con über die kleyder/doch vnangehefft/vñd nimpt ihn
zum fuß des fridens:darnach zeuhet ihm der clericus
cerimoniarius das pallium widerumb ab/vñd ruffet
zeugen an über disen actum/legt es zusamen vnd treget
es dem prelaten zu hauß oder hebts auff/vnd behelts an
heyliger statt/bis der prelat wegzeihet. Als dann gibet

¶ iij er ihm

• ihm das pallium sampt eynem offenen instrumente:
Wo aber der Praelat personlich nit gegenwertig ist/
Eniet sein procurator inn eynem choirrock nider/ vnnnd
bittet vmb das pallium wie oben angezeyget. ¶ Vnnnd
schweeret auff dise form. Ich. N. procurator/ vnd no-
mine procuratorio/ vnd von wegen des erwirdigen in
Christo vatters vnd herin/herin Weigandts erweelten
der kirchē zū Bamberg: bitte Instantier instantius in-
stantissime/ mir zūgeben assigniren eyn pallium von
S. Peters leibe/genommen/in welchem ist die fülle des
Bischöflichen ampts/ vnd verheysse das ich dasselbige
mit reuerenz bringen will/ bemelten Erwirdigen vater
vnnnd herin Weiganten/auch vnderwegen an keyn-
em ort über ein nacht beharren/ es were dann das ich ehe-
hafft verhindert werde/ als dann will ichs in seine kirch
schicken/ vnd niderlegen ehlich als mir Gott helff vnd
dise heyligen Euangelia Gottis.

Der Cardinal nimpt das pallium vom altar/ legt
dem procuratori auff die schultern/ vnd spricht. Zū che-
ren des allmechtigen Gottis/ vnd der heyligen apostell
Petri vnd pauli vnd vnsers herin/ Papsts vñ der heyligen
Römischen kirchen/ assignier ich dir dis pallium
von S. Peters leibe genommen/in welchem ist die fülle
des ampts/vñ Erzbischöflichen namens: an statt vnd
von wegen des Erwirdigen in Christo vatters vnnnd
herin Weigandts/vñ der kirchen zū Bamberg/zū wel-
cher er gewelet ist/ das er desselben brauch inder halb sei-
ner kirchen: auff bestimpte tage/ so in Päpstlichen pri-
uilegijs aufgetruckt seind.

Zuletzt küßet ihm der procurator die handt: bittet
den

den clericum ceremoniarum/ vñ begert eyn instrument/
welches er ihm gibt wenn er wegzenhet.

Die das pallium bitten/ wenn sie es erlanget haben
vertragen sie sich erstlich mit den subdiaken vmb eyn
ray/ die selben nemen meher odder minder vom hundert
nach dem die kirch vermag vnd rayiert ist.

Des gleichen fordern auch die clerici cerimoniarum
ihres ampts vnd des instruments halb ihren lohn/ nach
der ray oder vermögen der kirchen/ doch nit so vil als
die subdiaken.

Dem Cardinal schenckt/ der das palliū/ nimpt/ zwey
barer/ seinen kammernern auch zwey. Erwo gibt man
weissen wein vnd confect. Item zwey kerzen auff den
altar die man bei sollichem actu brennet/ vnd seiden dar
ein mans wickelt vnd heynfürer.

Von gemeynen Processen.

Sei mal im jare plegt man process zu lesen vñnd
mitt dem banne donnen/ Nemlich am grünen
donerstag/ am himelfarts tage/ vñnd am kirch
weihetage/ der kirchen Petri vnd Pauli. ¶ In cynce
ley weise vnd ordnung. Jegunde plegt mans alleyn
am grünen donerstag zu thun/ auß der vsach/ daß auff
den tag hat das sacrament Christi angefangē/ darumb
ists billich das auff den selben tag vom sacrament vnd
von der kirchen abgesündert werden/ die sich vnwirdig
gemacher haben. Am himelfarts tage hat Christus für
seine gläubigen gebettē heyliger vatter erhalt sie die du
N iij mir

• mir gegeben hast/darumb würt erkläret das er nit für
dise gebetten habe die man bannet.

Am kirweihe tag erkläret man das sie vom betthaus
vnnnd samlung der christglaubigen sollen außgeschlos-
sen sein / &c.

Wenn der Papst process will halten/so geht man mit
der processio bettes weise mit dem creutz an die ställ/da
die process sollen gelesen werden/in sollicher ordnung zu
forderst gehen des Papsts scrutierer/die procuratores
der orden/aduocatē mit den secretarien/die cubicularij
Edelent vñ oratores/die cantores singen den hymnum
Pangelingua/die kammer clericken/auditores/zween
cerosferarij oder acoliti die kerzen tragen/die subdiacon
ni der eyner das creutz tregt/nach dem creutz gehen die
äpt/Bischoffe/Ergbischoff/oratores/prelatten/vice
camerarij/die auff den Papst warten/diakon priester
Bischoff Cardinal/alle on infelden mit brennenden kerz
en. Darnach zwelff brennende windlicht/darnach
zween acoliti mit leichtern/vnnnd zween mitt rauchfä-
ßern für dem sacrament. Darnach der Papst zwischen
zwey Cardinalen vnderm himel/den die oratores oder
edellent tragen. Nach dem Papst der auditor so auff
die infell wartet/zwischen heymlichen cubicularien/die
prothonotarij vnnnd andere on messzkleider. ¶ Wenn
man dahin kompt/da der Papst den seggen will geben/
setzet er das sacrament nider/oder thut's zuuorn an sei-
nen ort/läschen die kerzen auß/vnnnd legt den weissen
chormantel vnnnd stoll hin/vnd nimpt eyn rothen kist-
lichen chormantel vnnnd stoll/sizet auff dem hohen stül
vnd nimpt die Cardinal zu reuerenz. Darnach tritt er
zum

zum pulbrett da er dz volck sehen kan/vñ der subdiacon
zur lincken hand des Papsts/in der dalmatica/liset den
proceß latinisch. Vñnd der diacon Cardinal zur rech-
ten inn welscher sprach. Wenn man anfahet die proceß
zu lesen/zündet man die kerzen alle wider an/hellt der
Papst vñd eyn jeder die sein in der handt/bisß zum ende/
so werffen sies vnder das volck/das sie verläschen/zü be-
deuten das gleich wie die brennende kerze im wegwerf-
fen verläschet/also werden die jhemnigen/so er auß der
Kirchen wirffet beraubt des liechts vñd gnaden des heyl-
ligen geysts. Man leitet auch die glocken timerlich tu-
multuose: dann gleich als das glaubig volck versamlet
wirt/wann man die glocken ordenlich leitet/also wer-
den die vnglaubigen zerstrawet/wenn mans vnorden-
lich confuse oder tumultuarie leitet. Darnach schirret
man das schwarz tuch/so für dem Papst ligt/für dem
volck/vñd gibt der Papst soleniter den segen/lasset vol-
kommen aplaß außruffen/durch zween diacon Cardi-
näl/so neben ihm stehen. Der zur rechten latinisch/der
zur lincken welsch/zeihet also wider heym.

Von dem Concilio.

SAs general Concilium/achter man canonicū vñd
legitimum/wen es der recht Papst indiciert oder
aber die christenliche kirch vnder sich selbst zur zeit wen
eyn schisma vorhanden ist/dan wir lesen von keynem con-
cilio das angenommen sei/wo es nit der apostolische stüll
S. Peterr approbiert habe/vñnd in dem selbigen preß-
dirt hab/der Papst oder sein legat.

D Wie

Wie man im Concilio sitze.

S Je stell da man öffentliche session helle / soll in der thümbkirchen oder sonst gelegenen ort zu bereyter werden / also das allenthalben herum vermachet / vnd wol verschlagen sei vnd nit meer wann nur eyn eingang gelassen mit vösten thüren vnd schlossen wol verwaret. Zu oberst soll eyn bühne sein dreier staffel hoch / vnd oben zwelff spannen lang / vñ zehen spannen breye da des Papsts stüll ist / mit ruck gelender / grossen vnd kleynen scabell / zu beyden seiten zwey scabell für die diaken / so neben dem Papst stehen. Des keyfers stüll soll zur seitten sein zweyer staffel hoch / vñ in der höhe gleich dem da der Papst die füß halle / eyn grün schemelin zur füßen / hinten zu ruck mit cynem guldenen tuch / aber nichts über dem haupt. ¶ Wo aber Königin da seind / bereyter man ihnen stüll / eyner staffel hoch / mitt cyn ruck gelender / biß zu den schultern / schmuckts wie der Cardinal bänck / doch lege man anküssz von carmesin / eyn grün schemelin. Solliche stül sind nit gleich neben des Papsts stüll / sonder baß hernider neben den staffelen überzwerch zur rechten vnd lincken / also das sie dem Papst vnder augen mögen sehen.

Nach der lenge hinab zu beyden seiten bäncke eyner staffel hoch / mitt ruck gelendern bei acht elen lang / für die Cardinal. Doch sollens inn der mitte vier odder fünff zwerchfinger höher sein / zur rechten für die Bischoff vnd priester Cardinal / zur lincken für die diaken Cardinal / mitt schönern tüchern auff gemutzet. Nach
dem

den selben bäncken überzwerch gerade dem Papst vnder augen/ richtet man vier vnderſcheydliche ſondere patriarchen ſtülennit ſchemmelen vnnnd ruckgelendern wieder Cardinal / gleich weit eyner von dem anderen. Das also alle obbemelte geſeſſe eyn virdung oder quadratur machen. Zwischen den zweyen mittlern patriarch ſtülen iſt eyn außgang oder thür. Außerhalb vmb diſe vierung ſeind niderer bänck rings vmbher auch in die vierung on ruckgelender.

Außer der ſelben die dritte vierung/ vnd wo es noch iſt/vnd vil prelaten da ſeind / die vierdte fünfte/ &c.

Doch das allwegen vndeneyn eingang ſei / bei eyner eelen weit. Es ſoll auch eyn altar darbei ſein mitt dem creutz vnd heyligen ſacrament / oder heyltumb dafür der Papſt möge betten weißer in das concilium kompt/ oder ſonſt für das concilium bittet.

Wo aber 8 Papſt nit im concilio iſt/mag man die geſeß gegen dem hohen altar richten on den päpſtlichen ſtüll/ ſiget der preſident / des concilij für dem altar ſetzet den rucken gegen dem altar.

Wer ſtimme hatt im Concilio.

In den Erwürdigen heyligen Concilien / da vnſer glaube vnnnd regell recht zůleben / beuößtiget vnd purgirt iſt / leſen wir das niemandt habe ſtatniren mögen/dann alleyn die biſchöffe vnd äpt/ alleyn dieſelbigen haben die decret ſubſcribieret. Die Biſchöff verſtehe

D u auch

• **A**uch alle die die höhers standes vnd gewalts seind/ weil das Bischoflich ampt inn der kirchen das höchste ist.

Andere niderere stände/ der kirchen prelaten odder auch weltliche Fürsten mögen im concilio wol rathgeben oder bericht thun aber nit decerniren/ vnd wie die geleerten sagen habē vocem consultiuam in concilijs non deliberantiam seu definitiuam.

Darinn haben im concilio zu statuiren der Papst als cyn regent vnnnd gubernierer der gangen kirchen/ hirt der christenliche herdt/ Bischoff über alle Bischof. Der heylig senat der Cardinal: Die patriarchen: Primates Erzbischoffe/ Bischoffe vnd äpt/ darzu nit vnbillich gezelt werden/ der geystlichen orden general magistri/ darzu alle prelaten/ so nach inhalts ihres Jurements/ das sie thun wenn sie zu iren werden promoviert werden/ zum sinodo zu kommen verpflichtet seind. Die andern wie oben gesagt/ mögen im concilio sein von disputierens/ vnderrichtens vnnnd rathens wegen/ sitzen aber nicht in offentlicher session/ mit heyligen messzley derin angethan/ sprechen auch keyn vireyl odder haben sonst nit stimme.

Von Amptleuten des concilij.

Es sollen auch allerley magistrat vnnnd diener im concilio sein/ welche alle der Papst (so er gegenwertig ist) bestellet. Etlich die die sachen anbringen vnnnd fürtragen. Etlich die verzeychen vnd beschreiben die zu dem concilio kommen/ der gesandten vnd legaten beselch examinieren/ vñ offentliche anzeygung erforschen

Etlich

Etlich die den locum oder stelle des concilij verhüten/
oder verwahren. ¶ Die handel aber des concilij zu expliciren
vnd inn offentliche form redigieren/steher zu ey-
gentlich den Papslichen prothonotarien/kammer cler-
icken/vnd des Papssts secretarien. Doch sollen die sel-
bigen ihre schrifftendenen so der Papst oder concilium
verordenet haben/zü corrigierē überantworten/che dafi
sie es publicieren oder außgehen lassen.

Die cerimonien clericken sollen eynem yeden sein sitz
statt anzeygen/wo sich etwas beschweerlichs zürtregt/
sollen sie den Papst darinnen raths fragen/wo aber der
Papst nit da ist/soll das concilium etliche verordnen
die die sitz statt verordnen.

Wie man sitzen soll inn dem Concilio.

In offentlichen sessionibus soll diese ordenung im sitz
en sein. Der Papst sitzet oben in seinem papslichen
enthron/zü beyden seiten zween diaken/so auff ihn war-
ten/auff ihren scabellen. Auch der prior vnder den prie-
stern Cardinālen/vff eyn scabell an eym höhē ort gleich
als in der capellen wenn der Papst messzhalt. Ist der
Keyser da/so sitzet er in seinem stüll/zü der rechten des
Papssts/aber als dann sitzen die diaken nit neben/son-
der für des Papssts stüll/auff das nit der eyn zwischen
dem Papst vmd Keyser sitze. Die Königin sitzen auff
benämpten stüllen. Die Bischöff vnd priester Cardinal
am obersten ort/auff der höheren bandt zü der rechten/
die diaken Cardinal zur lincken. Die vier patriarchen
D iij der

• der Kirchen von Constantinopel/Antiochia/Alexan-
 dria vnd Jerusalem sitzen gegen dem Papst. Die an-
 deren patriarchen/primaten/Ergbischöffe/bischöffe/
 Aptre sitzen hind den Cardinälē vff iren bäncken/bey der
 seits. Doch hat des Papsts vicecamerariē die erst stat/
 wo er cyn prelatus paratus ist/gecaselt od mit geweitē
 kleidn gekleid/also ist gehalten worden/im concilio zu Pi-
 sa/da Alexand v.vñ zu Costenz da Joānes xxij. pre-
 sidiert. Darnach sitzen der König vñ Fürsten oratores
 wo sie parati seind. Darnach andere prelātē in messge-
 wandē. Zum aller lestē die general & orden. Die assisten-
 tendes Papsts sitzen vff den staffelen zur linckē/die pro-
 rhonorarij vñnd kammer clericken zur rechten. Die sub-
 diaken/auditores rath/vñ acoliti fornt zu des Papsts
 füssen/auff der ebene sitzen zween secreti cubicularij des
 Papsts: Decanus auditorum der auff die infel warret/
 vñnd des Papsts secretarius wo er mit cyn prelāt ist. Die
 leyen oratores oder die nicht prelāten seind/sitzen mit-
 ten in der innersten quadratur/auff niderigen sesselen
 nach irer herren wurden/also das der würdigst am nech-
 sten gegen dem Papst sitze. Ist aber cyn grosser fürst
 da/so sitzet er auff der diaken banck zu vnderst. Andere
 leyen geringere herren/vnder odernach den oratoren/
 so nicht prelāten seind cyn yeder nach seiner würde. Die
 andern priester vñnd clericken/stehen hinder der prelā-
 ten bänck wie sie mögen.

Wie man im concilio handeln soll.
Auß den alten concilijs haben wir nit können erler-
 nen/die weise wie man handellen soll/dan nur als
 fern

ferren die sessiones belanget/ inn welchen fůrgerraget
wůrdt/ was inn eyner yeden sach beratschlagt ist/ das
selbige firmirn odder bekręfftigen die patres mit dem
worte/placer/placer. Weil aber die hēdel der Concili
en zu Costenz vñ Basell mit fleiß verzeichnet sind/auch
miteinander in der ordnung ůbereinstimmen/wůllen wir
ergelen die weiß so darinnen ist gehalten worden. Aber
in der versamlung zů Basell hat es den mangel gehabt
das der gemein hauff die heyligen Bischoffe nicht in res
uerenz gehalten hat/ist freuenlich vnd frech gehandelt
worden/in dem das die stim odder sentenz eines from
men Bischoffes nit mehr hat goltē dan eines geringen
thumbherren/hat sich ein yeder vnderstanden zu diffi
nirn vñ sanctirn/dz doch allein den Bischoffen zu stehe
Daruf ist ein langwirrigschřlich schisma oder trennůg
in der kirchen Gottes erfolgt. Darum wol ich die ord
nung desselben Concilij vñnd weiß zu procedirn loben/
wo sie allein den prelatten/wie die allren gewůlt haben/
gestatter hetten die macht zu decernirn vñnd diffinirn.

Aber doch acht ich sie werden hinfůrter sich sollich
er newekeyt enthalten/ vñnd das wol geor
denet ist růchtigen dieneren befe
hen. Auch dise weise/in abwesen
des Papsts/halten: das
allein die prelatē ma
cht behalten zů
statuie
ren.

D. iiii. Von

• • • Von den Concilijs zu Costentz vnd Basell.

Erstlich wurden alle die zum concilio / für sich selbs
oder von anderer leut wegen / kamen: durch die ver
ordente cursores beschriben. Zum auderen teyle
man alle vätter in vier nationes: nemlich welsch teutsch
französisch / hispannisch. Zu Costentz weil die hispani
er mit ihrem benedicto viij. lang aussenpleiben / war die
Engelendisch nation für die vierdre gezelet / doch her
nach zu Basell inn die französisch gerechnet. Zum drit
ten nam man auß eyner yeden nation eyn außschuß /
etlicher personen / in gleicher zaal / die selben vier auß
schüsse nemet man sacras deputationes / hatt eyn yede
ihz eygen ort / namen vnd befelch. In der ersten handelt
man sachen des glaubens: In der andern von gemey
nem freiden der christenheyt: In der dritten von refor
mation der kirchen: In der vierdren von andern sache
en / so sich zutrügen. Eyn yede deputation odder sam
lung hatt sondere gericht vnd ort / da ihz magistrat sich
versamlet / da war eyn president / der den rath vrsam
len ließ / die sachen fürtrüge / vnd nach dem meerern teyl
der stimmen / beschloß. Item eyn promotor / der als eyn
gemeyner curator alle sachen anträge oder fürbrachte /
vnd anhielt das sie absoluiert vnd volendet würden.
Item eyn schreiber der alle handel vñ decret mit offent
lichen instrumenten verzeychnet. Item eyn bote odder
pedell der die vätter zusamen fordert / die part citiret /
vnd die vireyl fürlege / &c.

Dise collegia kamen in der wochen dreimal zusamen
auff

auff eyn stunde/eyn yedes auff seinem rath haß/das sie
 messzhörten/ vnnnd darnach ihre händell verrichteten
 Auß den vier deputationibus weellte man zwelff män
 ner auß eynyer yeden drei/ die gelert vnd erfahren waren/
 an die selbigen gelangten alle sachen zum ersten: die bewe
 gen eyn yede sache mit fleiß/ vnd wenn sie richtig ware/
 weisen sie sie weg/war sie aber werdt/das man zu ließe
 se/so weisen sie an das collegium/da sie hingehört.
 Dise zwelff herten macht die vier collegia zusammen zu
 forderen auch extra ordinarie/wenn etwo wichtige sache
 en fürfiel. Was aber von den zwelffen remittirt ward
 an die vier collegia/trüge der president eynes yeden col
 legij für/ doch decernierte man des tags keyn vireyl/es
 erheyschet es dann die grosse not. Was der meerer teyl
 inn eynem collegio beschloß/ließ man jr gütebeduncken
 an die andern drei ferner belangen/sampt beyder parte
 argumenten vnd fürbringen. Was nun die drei colle
 gia approbierte/ließ man durch öffentliche instrument
 gelangen an den presidenten/des ganzen concilij. Der
 selbige referierte od bracht es für dem ganzen concilio
 er dörfte sonst keyn sache in gemeyner versamlung han
 deln/sie were dann zuuorn durch die vier/oder auffß we
 nigest drei deputation berathschlagt vnnnd beschlossen.
 Endlich was der massen inn gemeyner versamlung/
 so man in acht tagen eynmal hielt/durch die vätter ap
 probieret ward/bracht man in eynform eins decretis vñ
 warde in öffentlicher session solenniter statuiert.

Von gemeyner versamlung

inn Concilij.

P Die

SJe gemeyne versamlung ist anderst wann die offentliche session/dann in der versamlung approbiert man die sachen welliche die vier deputationes erkandt haben/der gestalt/wen in den deputacionibus etwas erkandt warde zu decernirē/ bekräftigt dasselbig der president yeder in seinem convent/mit diesen Worten. Im namen der heyligen dreifeltikeit des vatters vnd süns vñ heyligen geysts. Ich beschließ vff diemeynig/2c. Sollichs geschah dar nach auch in der general versamlung. Wen aber der president des concilij der anderen vier presidenten meynung vernommen hatte/beschloß er im namen des gangen concilij nach irer meynung. Darnach wo es die sache erforderte/bestellte er eyn offentliche session.

Wen aber der Papst gegenwertig ist/so ist er in allen obbemelten rector/moderator/vñ dispensator/ordener auch alle deputacion/collegia/magistrat vnd andere sachen seines gefallens.

Von offentlicher session vnd heyligen geberten.

SJe offentlichen session halt man mit solchē ceremonien: Ehe dann man die erste session halt/gebeiert man allē rāthen drei tage zu fastē. Darnach auff bestimpten tag kumpt der Papst sampt allen prelaten/die darzu gehören mit der gangen priesterschafft odder clero in der proceßion oder heyligen pompa/wo es im gefellet/and die stelle des concilij. Allda singt der Papst oder sonst eyn prelat die messz vom heyligen geyst/thun alle prelaten dem Papst reuerenz. In anderen session singt

singt man Eyn ampt / sonder der Papst höret mess vñ
kompt darnach zum concilio im rothen cho: mantel vñ
köstlichen papsthütt / thütt sein gebett für dem altar/
setzet sich darnach auff seinen stüll / des gleichen die ande
ren alle / die Cardinal thün im reuerenz / wo es vorhin nit
beschehen ist. Darnach legē sich die zween ältsen diaken
Cardinal an / als zum Euangeli vñ Epistell lesen / vnd
gehen hinlegen dem Papst die sandalia oder schüch an
bettē darzū den psalm / Quam dilecta tabernacula / ic.
Vnder des ziehen sich auch die Cardinal vñ andere pre
laten alleyn roth an / setzen sich vñ ist still. So ruffet der
diaken zur rechten mit lauter stimme / Orate / als balde
kniert der Papst vnd sie allen nider gegen dem altar vnd
betten / darnach steht alleyn der Papst auff vñ spricht
in zimlichem chon diß folgende gebett / wir seind hie zū
gegen / O Herr heyliger geyst / wir seind hie zūgegē mit
grossen sünden verhasst / aber doch sonderlich in deinem
namen versamlet : gon zū vnß / vnd sei bei vns vnd ge
rūwe in vnser ehre zū omne : leere vns was wir thün
sollen vñnd wo hin wir gehen / vnd zeyge was wir auß
richten sollen / auff das wir durch deine hülff dir mögen
in allen dingen wol gefallen / sei vnser heyle vñ volstreck
all vnser gericht / der du alleyn mit Gott dem Vatter
vñnd seinem sūne cynen herzlichē namen hast : laß vnß
nicht die gerechtigkeit verhindern / der du das höchste
recht liebest / laß vnß nicht durch vnwissenheyt zur linck
en handt weihen / nicht durch gunst gebeugert werden /
Nicht durch geschencke / odder ansehung der personen
cormumpiert werden / sonder erhalte vns / durch deine

i P u gnade

den gnade andir alleyn/ das wir eyns seind vnd nicht
der warheyt feihelen: auff das die wir in deinem namen
versamlet seind/ in allen dingē die gerechtigteyt sampt
der gottseligteyt halten: das vnser vireyl alhie vonn
dir nit mißhelle/ vnnnd wir künfftig für vnser ewolch-
ten ewige belonung erlangen Amen.

Wenn diß gebett auß ist/ steht auff der diaken zur
linken gegen die vätter vnd spricht. Richtet euch auff.
vnnnd also stehen sie alle auff.

Vnd die cantores singen die antiphona Exaudi nos
Domine/ 2c. auff die antiphon/ steht aber der diaken zu
der rechten vnnnd spricht. Beter: so fallen sie alle nider
vnd betten eyn weil heymlich. Darnach spricht der an-
der diaken zur linken/ richtet euch auff vnd also stehen
sie alle auff/ vnnnd spricht der Papst mit plossen haupt
die collect/ *Mentes nostras quesumus Domine paracte-
tus/ 2c.* ¶ Als dann knien sie allenider vnd singen die
letanei/ nach dem vers *vt dominū apostolicum/ 2c.* steht
der Papst mit 8 papst insel vff/ vñ gibt den seggen über
das concilium/ mit disen worten/ *vt Hanc sanctā sin-
dum omnes gradus ecclesiasticos benedicere digneris/
Respondetur/ te rogamus audi nos.* Zum andern mal
spricht er *benedicere regere.* Zum dritten mal *benedicere
ergere sanctificare/ 2c.*

Nach der letanei/ stehen sie alle auff vnnnd der Papst
kretet sich zum altar vnd spricht/ *Oremus:* Der diaken
zur rechten *flectamus genua:* Der zur linken *leuare:* der
Papst liest die collect/ *Va quesumus ecclesie tue miseris
coris Deus. vt spiritu sancto congregata/ 2c.* Darnach
nimpt der diaken die benediction/ vnnnd singt mit ge-
wontlichen

wonlichen cerimonien/ cyn Euangelion das sich reime
auff die sachen/darvon man inn der session handeln solt.

Nach dem Euangelio setzen sie sich alle nider vnn
der Papst ermanet die vätter mit bequembliche worten
das sie decret machen/ zeyget vrsach darneben an war
umb es zů thun sei: steht darnach auff vnd fahet an den
hymnum/ Veni creator spiritus/ knien zům ersten verß
alle nider. ¶ Vff den hymnů spricht 8 Papst den verß
In mitte collectis Deus qui corda/ &c. Darauff singen
zween cantores benedicamus.

Wenn das alles auß ist/ soliset der diaken die de
cret dieman machen oder beschliessen soll/ vnn fraget
die vätter heruů obs in gefallē/so sprechen alle herumb
am Papst anzufahē/ ja oder neyn placet vel non placet.

Vnd die p:orhonotarij vñ k:amer clerici des Papsts/
vnn andere schreiber darzů beruffen/ verzeychenen die
decret vnn bringens in cyn offentliche form/ die werden
darnach mit der bull vnn Papsts sigell versigelt.

placet bricht
manchem
den halß.

Die Euangelia endert man inn sessionibus/ nach der
materi so man fürhatt zů handeln.

Wen der Papst nit da ist/halts der president des con
cilij inn aller form wie bemeldt/ außgenommē was dem
Papst in sonderheyt zůgebürt die decret listet ein prelat/
vnn die brieß sigelt man mitt der bulla des concilij.

Wen die decret firmiert seind/ legen sie die messz kley
der alle von sich/ vnn gehen zů hause/ der gestalt wie sie
vor seind hergangen.

Wann der Papst da ist intituliert man die decret vff
dise form. Martinus Episcopus seruus seruorum dei

P iiij sacro

• sacro approbante concilio/2c. wie zu Costentz. Ist er aber mit da wie zu Basell/so schreibt man Sacro sancta generalis synodus Basileensis in spiritu sancto legitime congregata/generale concilium faciens/et vniuersalem Ecclesiam representans/2c.

Von offentlichem Consistorio.

In des Papsts pallast bei S. Peter sind dreisäel/inn dem größten hallt man das offentliche consistorium wenn man König oder Königliche legaten entpfahet/alda handelt man auch von der heyligen canonisierung. Im dritten saal entpfahet odder nimpt man an der andern fürste vñ stätt legation/wen sie kommen den Papst zu ehren/da publiciert man die newen Cardinäll/entpfahet die päpstlichen legaten/wenn sie wider heym kommen/entpfahet die newen Cardinäll/wen sie an hoff kommen/vnd handelt die sachen die cyn offentlich consistorium erheyschen. Zu oberst im saal an der wandt richtet man des Papsts stül auff/dreier stäffel hoch wie droben im concilio gesagt/für dem stüll ist mit rothem rüch bedeckt/der stül aber am ruck vnd über dem haupt mit guldenen rüchern behenckt.vnden zur rechte bei zwengig spanen die gesess für die bischöff vnd priester Cardinäll/ bei zweyen spannen von der wandt/hinden mit ruck gelendern bis zu den achselen/cyn staffell/sechs oder acht zwertchfinger hoch/daruff sie die füß setzen/die erst bank ist bei dreien roren oder eelen lang römisch maß. Daran stoßt vnden die andere bank bei zweyen

zweyen roren lang / überzwerch des saals / also das die
dar auff sitzen dem Papst vnder augen sehen. Für linck
en seind der diaken Cardinal bänck / bei zweyen roren
lanck oder dritthalbē vnden dran ist eyn eingang zehen
oder zwelff spannen breyt / das spatium in der mitte ist
mit grünen tücheren bedeckt / desgleichen die staffelen
an des Papsts bühne.

Wie man sitzet im Consistorio.

Der Papst geht ins Consistorium wie zur Kirchen
inn messkleidern on casell im kёstlichen rothen
chozmantel vñ papsthüt sitz vff seinem stüll. Die Car-
dināl thün reuerenz setzen sich auch. Die Erzbischöf-
Bischoff prothonotarij vñnd alle prelatsen sitzen auff
den dreien staffelen des Papsts bünen. Neben ihn zu
vnderst die subdiaken / auditores / Kammer clericken / vñd
accoluti inn iren wullen kappen. Die curiales roga-
ti sitzen auff der erden zwischen der Cardinal bänck: die
cubicularij vñnd secretarij mitt kappen am halß sitzen
auff der erden zwischen den prelatsen vñnd rogaten. So
des Papsts enicklen oder freund oder sonst erliche gro-
sse Fürsten cyner odder zween da seind / denen doch nie
gebüret auff der Cardinal bänck zu sitzen: die stehen
neben dem Papst bey derseits. Der König vñnd
Fürsten Oratores vñnd grosse Edelle herren stehen zur
rechten des Papsts zwischenn den staffelen vñnd der
wandt. Des Papsts familiar vñd Edelleüt stehen zur
P. iij linck

• lücken zwischen den staffeln vnnnd der wandt. Die aduocaten des Consistorij / stehen hinder den Prieſteren / vnnnd diaken Cardinälen. Die procuratores der Könige / Fürſten vnd orden ſampt dem fiſcall procurator ſtehen hinder den Biſchoff Cardinäle zwifchē der bandt vnnnd der maur. Doch hatt der fiſcaal die oberſte ſtätt.

Den eingang des conſiſtorij halten die wapener oder Kriegs Knecht inne / da gehen hinein die für den Papſt wollen. Der magiſter ſacri hoſpitij (welche wird eygez vnde die Edellen graffen haben) ſtehet für den wapneren zū ende der Priſter Cardinäl bandt / an der diaken Cardinäl bandt / ſollen ſtehn die clerici ceremoniarum / das ſie zür handt ſeien / wo der Papſt etwas beſehlen wollte / vnnnd ordenen was zū thun iſt.

Wenn aber nun inn gerichtes händelen conſiſtorium gehalten wirt / ſo ſteht der aduocat der dieſach für trege hinder der prieſter Cardinäl bandt / gegen des Papſts angeſichte / vnd bringet alda ſein ſach für / vnnnd zū ende wirfft er ein / ſein ſupplication zedell vnder die curial / ſo auff der erden ſitzen / dieſelben überantworten ſie dem viceangelen zū handen. Iſt aber ayn ander aduocat der diſem widerſprechen vnnnd den gegenpart verantworten wil / als bald die gegenrede ey n end hatt / antwortet der Papſt ſlecht per verbum placet / oder limitiret es ſeines gefallen.

Vnnnd nach dem der Papſt antwort / ſigniert der viceangelen die ſupplication mitt ey gener handt / vnnnd ſchreibers ins büch das er bei ſich hatt / dann es ſizet eyner zū ſeinen füßen / der halt ihm das büche vnnnd den ſchreibzeug.

Wenn

Wenn die sachen expediert seind stehet yederman auff
vndt geht der Papsst wider in sein gemach inn der orde-
nung wie er zu vor kommen war.

Von dem heymlichen consistorio.

SAs heymlich Consistorium halt man auff dem in-
nersten saal des pallatij den man yezo nennet Ca-
meram papagalli. Des Papssts stüll ist an der wandt/
nicht auff eyner büne/hatt nur cyn grossen vnd Eleyenen
staffel. Der Cardinal gesess seind herum in der vierung
plossse stüll roch geferber mit des Papssts wapen/in der
mitte plegt man reppich zü legen/der letzter diack Car-
dinal hatt cyn glöcklein damit er den hütteren des con-
sistorij leütet wenn man etwas bedarff: In beyden eck-
en zü vnderst ruckt man die scabell weg biß die Card-
näl daselbst gleichsam zü zweyen thüren hinein gangen
seind/darnach ruckt mans wid hinzu. Wenn der Papsst
Cardinal oder prelaten will pronuncieren/so geht er in
der infell vnd palludamēt in das consistorium. Sonst
in andern handeln nur im rochet vnd Eleyenen káplin.
Wenn man inn disem consistorio anfahet zü handeln/
treten alle auß on die Cardinal. Die zwey secreti cubi-
cularij warten aussen an der thür ob man zeychen geb.
Der Papsst legt dem senat die geschäffte so vorhanden
seind für/fragt nach der ordnung herum bey nes yeden
gürt beduncken. Wenn eyner sein beduncken saget/
so stehet er auff/darnach schleußt der Papsst nach dem
mehreren.

¶ Von

Kurtzer außzug / auß dem Pontifical buch. Von der Bischoff Cerimonien.

Ferner wollen wir auch sehen/wie des Papsts creaturen/die Bischoffe/mit ihren heylosen cerimonien vnnnd laruen Gortis vnnnd der menschen spotten/ auch vndermschein grosser heyligkeyt.

Erstlich inn der Firmelung.

Da halt er dem volck für das niemandt könne firmen auß Götlicher vnnnd apostolischer einsatzung/er sei dann eyn Bischoffe oder grösser/dann vnser lieber herr Ihesus Christus hatt am pfingstag mit dem heyligen geyst die apostel gefirmelt / vnnnd also verordenet das durch sie vnnnd ire nachkomling die Bischoffe/die andern leüt sollen gefirmelt werden. Saget ferner das durch die firmelung gefatterschafft vñ geystliche mogschafft entstehe/durch welche die ehe verhindert/vnnnd zertrennet werde. Item man soll dem gefirmeltē eyn tüch vmb den kopff binden/biß der krisam einrückene/sol auch in syben tagen das haupt nicht wäschen/wenn man auch das firm tüch abnimpt/soll mans mit feuer verbrennen.

In dir weihun der kirchen diener.

Man soll keynen zum priester weihen er könne dann seine grammaticalia / auch keyne der nit chelich geboren sei/on des Papsts dispensation / zu den grössern weihungen zu.

en zu lassen. Item nur die so keynes gliedmaß des leibs
mangeln/ auch nicht hacterich oder sonst schellmisch oder
lamb sehen. Item die nicht bigami seyen oder wirtiben zu
der ehe gehabt haben. Es soll auch keyner geweiht wer
den er habe dann eyn tittel zu etwo eyn er pfründe/ oder
sonst sein leibs nahrung. Sie sollen auch die instrument
durch welche der caracter eingedruckt wirt/ anrühren
als den schlüssel/ strick/ kelch/ &c.

Denen so die ersten consur entpfahen schneide der Bi
schoff die hare ab fornē an 8 stirn/ hindē im nack/ neben
bei den ohren/ vnd oben auff dem wirbell bey drei hār
lin/ zum zeychen das sie alle zeitliche gütter verachten
vnd gott alleyn ihr erbt eyl sein solle. Legt ihnen dar
nach eyn chorrock an zum zeychen/ das sie den newē men
schen sollen anlegen/ vnd die schande weltlicher kley
dung ablegen.

Die Ostiarios weiht man darzu/ das sie glocken lei
ten/ kirchen sperren/ vnd was in der kirchen ist verwa
ren sollen/ auch dem prediger das buch auffschün/ dar
umb laßt man sie greiffen an die schlüssel/ vnd glocken
stranck. ¶ Die leectores so in der kirchen singen vnd le
sen sollen/ ermanet man fleissig vnd verstendiglich zu
lesen/ darumb laßt man sie das lection buch anrühren.
Die exorcisten so reüffel austreiben/ die nicht communicie
ren weihen heysen/ vnd wasser auff die hände gießen
sollen/ laßt man das buch der exorcismorum anrühren.

Die acoliti sollen kerzen tragen/ liechter anzünden/
die ampullen mit wein in der mess zum altar tragē/ dar
umb gibt man ihn kerzen vnd ampullen in die handt.

¶ ij Von

• Von den größern Weihungen.

Welliche die größeren weihe entpfahē wollen/müssen communicieren/vnd aussserhalb der ehe keusch leben. ¶ Eyn subdiaken soll wasser zür mess bereyten/dem diaken handtlangen/alltar tücher vnnnd corporal wäschen/ kelch vnd paten darreychen vnnnd Epistel lesen. Darumb gibt man ihnen eynen leeren kelch/vnnnd eyn paten darauff in die handt: darzū ampullen mite wein vnd wasser sampt eyner handt zwehelen vnd Epistell büch.

Die diakē presentirt 8 archidiaconus dem Bischoff zū weihen vnnnd spricht. Erwürdiger vatter es begeret die mütter die heylige gemeyn kirch/das ihr gegenwerrigediaken/zür last des diaconats/weihē wöllet. Als dann fraget der Bischoffe/weyßest du das siees würdig seind? Antwort er/als vil menschliche gebrechlichkeit wissen lasset/weisse ich vnnnd zeuge das sie darzū würdig seien/darauff spricht der Bischoff Deo gratias/vnnnd ermanet ob yemandes widder sie zū sprechen hette/das er herfür tretten vnd zeygees an.

Eyn diaken soll zūm altar dienen/teuffen vñ predigen. Darumb legt ihn der Bischoff vnder der prefation/so er über sie singet die rechte handt auff das haupt/vff das sie den heyligen geyst entpfahen/vnnnd lasset sie das Euangeli büch anrühren/vnd spricht. Entpfahet gewalt das Euangelion Gortis inn der kirchen zū lesen/beyde für die lebendigen vnd todten.

Die priester zū weihen/bittet der archidiaken in form
vnd

vnd massen wie oben bemeldet/ vnd fraget der Bischoff
ob yemandt cyn hindernüs wider sie wisse/ das ers an-
zeyge. Cyn priester soll opffern/ segenen/ vorstehen/ pre-
digen vnd tauffen. Darumb legt der Bischoff ihn bey-
de hände auff das haupt/ des gleichen thün alle andere
priester so zu gegen seind/ als dan salbet er ihnen zween
finger an yeder handt mit dem ölle/ der cathecumino-
rum/ auff das alles gesegnet vnd geweiher sei/ was sie
segnen vund weihen. Darnach gibt er ihnen cyn kelch
mit wein vnd wasser/ zwischen die finger vnd cyn paten
darauff sampt eyner hostien: zumzeychen das sie macht
haben zu opffern vnd messzhalten/ für die lebendigen
vnd todten.

Wenn man subdiaken/ diaken vund priester weihen
wil/ berufft der Notarius cynem yedē mit cynem tittel/
als nemlich. N. zum tittel der odder diser Kirchen. N.
zum tittel seines erbghs. N. des ordens zum tittel
der amir.

Vom Bischoff weihen.

Der allen dingē muß man haltē das die vershung
vnd patriarchischē Metropolitansischē vñ Bischoff
lichen Kirch des gleichē die waal vñ confirmation/
auff heutigen tage auß vollem rechten dem päpstlich-
en stüll zugehören/ das der selbig cynen hirtten setzet/
vom newem oder aber confirmir den sie canonic gewes-
let haben/ dawider soll niemandt weiter fragen noch ex-
aminieren/ dann es vnbillich ist/ vñ ganz vngereimbt
das die vndern richt stüle anderwert examinieren sol-
len/ was der oberst Bischoff vund der heylige senat die
Or in Cardie

Cardinal statuiert/approbirt/vñ examiniert haben.
Darumb soll keyn Bischoff geweiht werden/er zeyge
dann befelch an/durch päpstliche brieffe/odder durch
irrendlich mandat päpstlicher kammer/dem consecra-
tori gethon/doch als fern der consecrator cyn Cardis-
nal sei/dann sonst soll man ihm nit glauben. Die weihe
soll auff cyn sonstage geschehen/oder auß sonderem in-
dult des Papsts an cym fest.

Ehe dann man die weihung anfahet/liset man des
Papsts mandat/vñ müß der gewelte auff das Eu-
angelion büch cynen eydt schweeren/in form vnnd weisse
wie ihm der Papst für geschriben hatt.

Darauff fraget in der consecrator/ob er als sein klüg-
heyt/als vil seiner natürlichenn vermüglichcyeit wölle
wenden/auff die lernung göttlicher schrift vnd der
selben vñstande folgē. Er antwort/sa von ganzem hertzen
will ich in allen gehorchen vnd bewilligen.

Item wilt du mit Worten vnd exempelnen dein voldt
leeren was du auß göttlicher schrift verstehest. Re-
sponderetur/ich will.

Wilt du die sayungen der christlichen vätter/vñ de-
cretal des heyligen päpstlichen stils/erwidriglich auff-
nehmen/leeren vñ haltē. Antwort ich will. ¶ Wiltu dem
heyligē apostel Petro/dem von gott ist geben gewalt
zu binden vnd lösen: vnd seinen stadthaltern den Rö-
mischen Bischoffen: treu vnderthenigkē vnd gehor-
sam nach vermög der canonum erzeygen/antwort ja.

Wilt du deine sitten von allem bösen mässigen vnnd
zu allem gütten wenden/als vil dir durch gottis hülf
müglich: Antwort ich will.

Wilt du

Wilt du keüſcheyt vnd meſſigkeyt mit Gotteds hilff
halten vnd leeren/antwort ich will. ¶ Wiltu alzeit inn
görlichen geſchäftten beſliſſen ſein/vñ der weltlichen für
nemlich ſchöndes gewins dich enthalten/als vil menſch
liche gebrechlicheyt zulaſt:antwort ich will.

Wilt du demüt vnd gedult ſelbs halten vnd andere
leeren. Antwort ich will.

Wilt du den armen pilgram/vnd allen dürfftigen
vmb des herzen namen willen freuntlich vñ barmhertig
ſein:Antwort ich will.

In der weihüg vnder andercerimonien/leger ſin der
conſecrator das Euangelibüch vff die ſchultern gibes
ſhm nachmals inn die hände. Salbet ſhm oben die
platten mit öle/darzü die hände. Item weiher den Bi
ſchoff ſtabe/inſell/handſchüch/vnd ring vñnd gibet
es ſhm.

Wie man den erſten ſteyn eyner Kirchen legen vnd weihen ſoll.

NJemandt ſoll cyn kirch bawen/es beſtimme dann
zuuorn der Biſchoff die ſtelle vnd ſtätt/vnd das
einkommen wie vil zü liechten/vnd erhaltung des kirch
herzen vnd diener/auch zür morgen gabe der kirchen ge
nügſam ſei. Darzü der Biſchoff/od auß ſeinem beſelch
oder auctoritet cyn prieſter den erſte ſteyn lege vñ cyn
creuz am ſelben ort auffrichte.

Wenn nun der Biſchoff den erſte ſteyn legen wil/wei
het er vonn erſten ſalze vñnd wasser / beſprenget die
ſtelle da das creuze auff gerichtet iſt/vñnd ſegnet als

¶ **G** iij dann

• **D**ann den steyn/besprengt ihn mit geweiherem wasser/
vnd grabt mit eynem messer auff allen seiten cyn creutz
darein/singer der chor psalmen vnd die letanei/leget der
Bischoff also den steyn/vnnd besprengt ihn abermals
samt dem ganzen grund mit weihe wasser/mit vilen
gesungen vnnd gebetten. Zuletzt ermanet er das volck
zum baweder kirchen steuer zu geben/vnd gibt aplaß.

Vom Kirchweihen.

Wenn man cyn kirch will weihen sol der archidia-
ken dem volck vnd priester schafft ansagen das sie
des tags zuuor fasten sollen/des gleichen soll auch der
Bischoffe thun/so er weihet. Zu dem ersten soll er des
tags zuuor heyltumb in eynem gefeß zübercyren/vnd
an cyn ehlich ort stellen/darfür sollen kerzen brennen
vigilg vnnd metten(zu ehre der heyligen/wellicher heyl
tumb es ist) gesungen werden. Wan man nun die kirch
weihe angefahren will/geht der Bischoff samt dem cle-
ro vnnd volck zum selben heyltumb/vnnd sprechen die
siben büß psalmen/darnach gehen sie alle auß der kirch
en/pleibt alleyn der diaken drinne/sperrt die kirchen
zu. Für der kirchen singt man cyn antiphon vnnd col-
lect/vnnd die letanei darauß/als dann weihet der Bi-
schoff wasser vnnd saltz/besprengt sich selber vnd die
umbstehenden. Geht darnach samt dem clero vnnd
volck/zur rechten handt omb die kirch/besprengt die
wände außwendig in der höhe vnd den kirchoff/wenn
er herum kompt wider zur thür/spricht er cyn collect vñ
staß

faßet mit dem stabe obē an die kirchthür. Spricht attol
lite portas / ic. der diaken darinne antwort / quis est iste
rex glorie / darauß spricht der Bischoff / Dominus for
tis et potens Dominus potens in prelio.

Darnach geht er zūm anderen mal widderßins zū der
rechten hande / vñnd besprengt die wandt vñden am
grunde / thut für der kirchen thür wie vormal. Zūm
dritten geht er rechtsins zūr lincken hande herumb / vñd
besprengt die wände in der mitte. Wann er zūr kirchen
thür kompt / thut er wie obbemelde. Wenn der diaken
spricht / Quis est iste rex glorie / antwortet der bischoff
samt dem ganzen clero / Dominus virtutum ipse est
rex glorie / vñ ferner darzū aperi / aperi / aperi. Machet
mit dem stabe eyn creutz oben an die thür / vñnd spricht:
Ecce crucis signum fugiant phantasmata cuncta: In
dem öffnet man die thür / vñd geht der Bischoff alleyn
mit den dienern vñd maurern hinein / das volck pleibet
herausßen / schliessen die thür zū / spricht 8 Bischoff pa
huc domui / antwort der diaken: In introitu vestro /
sprechen alle Amen.

Weil man als dann antiphon vñd den hymnum ve
ni creator spiritus singet / so strawet 8 diener eyner / asch
en creutz weiß durch die kirchen / eyner spannen breyt / als
dann singt man die leranei vñd collecten: Item eyn an
tiphon vñd benedictus / vñder des schreibet der Bischoff
das krieche. hisch alphabet mit dem stab in die schen /
zūr linckē handt / vñ das latinisch zūr rechten seite / Ent
et als dan gegen dem hohen altar / vñ spricht: Deus in
adiutorium / daruß antwort der chor: zū dreien malen.

Darnach weibet er eyn ander wasser mit salz aschen

A vñd

eyn sonderemessz auff dem neuen altar. Dann solllich
gauckelspiel der selzamen cerimonien / ist alles dahin ge
richtet / das die Gottis lästeringen messen confirmiert
werden vnd eyn ansehen gewinnen.

Wie man eyn Kirchhoff weihet.

Wenn man eynen Kirchhoff weihen soll / muß man
fünff hölzene grosse creuz auff machē / das höche
ste mitten die anderen vier / an den orten auff dem Kirch
hoffe / vñ für eynem yeden ein holz stecken darauff drei
wachstkergen / deren yede bei dreien pfunden halt. Erst
lich spricht der Bischoff die letanei sampt den clericken.
darnach weihet er saltz vñnd wasser / darmit sprengt
er den Kirchhoff allenthalben / des gleichenn die fünff
creuz reuchert er vñnd stecket die kergen drauff / wenn er
das höher creuz besprengert bereuchert / vñnd mit den
dreien kergen besteckt hat / geht er züm anderen sprengt
ymmerdar vñnd thut der gleichen / also auch mit allen
andern / vñnd dieweil er also von eynem züm andern ge
het singet oder listet man die syben büßpsalmen / sprichet
für eynem yeden creuz eyn gebett oder collect. Zu letst
gibt er den seggen übers volck / vñnd halt messz.

Es ist eyn zweiffel vñnd disputation / ob auch von
nöten sei / den Kirchhoff in sonderheyt zü weihen / diweil
in der Kirch weihüg auch der Kirchhoff begriffen wirt.

Über das / halt man eyn sonderform den Kirchhoff
vñnd Kirch zü reconcilieren / wenn sie entweihet sein wor
den / darvon on noch ferner zü schreiben.

Reich

Relch vñ paten weihet man mit Erisam vñ besprenget
ets mit weihe wasser/ wie man dann alles was geweiht
wird auch besprenget.

Eyn crucifix oder bildt weihet vnd reichert der Bis-
choffe mit sollichem gebett/ das alle die dafür bitten/
gesundeheyt leibs vnd seelen erlangen.

Wenn ers geweiht hatt/ kniet er dafür nider bet-
tet es an/ vñnd küßets. Der gleichen thün die anderen Das ist der
gulden salb
aufreichen.
wer da will.

Die gefeß darinnen heyltumb verwaret wird/ weiche
der Bischoff mit gebetten/ das durch verdienst vnd für-
bitt der heyligen/ welcher heyltumb da ist/ alle die es che-
ren behütet werden/ widder den reuffel vñnd seine böse
engell. Widder hagell bliz vnd vngewitter/ vergiffte
lüffte/ sterben des vichs vñnd menschen/ wider diebe vnd
mörder/ auch überfallender vnglaubigen völder: wider
der böse bestien/ giffige schlangen vnd gewürm: wider
schädliche anschläge oder practicken böser menschen/ ic.
Dazü soll das heyltumb nutz sein.

Vom Glocken weihen.

Sies ist auch der bischöflichen stuck eyns. Wenn
man nun eyn glock weihen soll/ muß man sie hendt
en das sie der weihet allenthalben berühren könne/ innen
vñnd aussen. Der Bischoff spricht etliche psalmen:
weiht saltz vnd wasser/ mischets vnder eynander/ vñnd
wäscher oder badet die glocke darmit innen vnd aussen/
trücknet es darnach mit eynem tuch abe. Vnder des
K liij singet

die gottlose messen / haben sie auch best meer geprengs
vnd schmierens darmit.

Erstlich thut man heyltum (darmit sonderelügen
vnd betrug geübet wirt) hinein mit weiherauch vñ per-
gamen brieffe / darinne geschriben / was für heyltumb
das sei: Da liegen sie strenge / in welches heylig chriſt
namen der altar geweiht sei / wer ihn geweiht habe /
vñ das ye die bescheysserei gang werde / den aplat so der
Bischoff darzu geben hatt / Item das jar / monat / vnd
tag der weihung.

Wenn man nun den altar weihen will / muß da sein
eyn gefes mit dem heyligen krisam sampt eyner ampul-
len. Item das heylige öll / der cathecumener mit eyner
ampullē: Eyn pfund weiherauch des halberteyl gros-
se körner seien / eyn pfanne mit glühenden kolen / eyn vass
mit wasser / eyn vass voller äschen / eyns mit saltz / eynes
mit wein / eyn sprengell von Isopen / rüch von grobem
leinwot darmit man den altar abwüsche / als oft es
noth ist / eyn geweiht leinen rüch als breyt der altar ist:
fünff creuz von kleyner wachs kerglin gemacht / hölz-
ene schleiffen den altar zu schaben: Eyn kelch: Adorier:
Zwey winde licht odder kergzen dieman für dem Bi-
schoffe trege. Item altar rücher vnd schmuck / so zum
altar gehört.

In dem sich der Bischoff anlegt vñ zu weihen rüstet /
spricht er die syben büß psalmen mit den dienern: Nach-
mals die letanei / darin er den altar segnet / als dan mach-
et er zum ersten fünff creuz mit dem weihe wasser auff
den altar an fünff orten: Zum andern geht er sybenmal
vmb den altar vnd sprengt das obbemeldte weihewas-
ser dar

ser darunder wein vnd äschen gemischet ist/mit dem
sopen sprengel. Zum dritte rüret er den mörtel mit dem
selben wasser/vñ geüßet dzüberig vñdē zū rings vñ den
altar. Zum vierdten treget man das heyltumb herzū
solenniter mit der procession/bestreichet das löchlin dar
ein mans legt mit Krisam an den vier eckē/legt also das
heyltumb hinein vñ reucherts/darnach Krisamet er den
steyn vnd machet ihn für das löchlin/weinn er ist fürge
machet/streichet er abermals außwendig Krisam dran
creuz weise. Zum fünfften/reuchert er den altar drei
mal herum gehende/gibt also das rauchfaß eynem prie
ster/der muß stätigis herum gehen vnd reuchern weil
die weihung weeret. Zum sechsten machet er zū dreien
malen creuz an die fünff ort des alters die ersten zwey
mal mit dem heyligen öle/das drittmal mit dem heylig
en Krisam/weihet also den steyn vnd wünschet jm den
friden/geht zū yedem mal herumb vñd reuchert. Zum
sybenden geüßet er das öll vñ den Krisam auff den altar/
streichet vñd reibets mit der rechten handt vnd salbet
ihn. Zum achten segnet er den weiherauch/vnd machet
fünff creuzlein darnon/die legt er an die fünff ort auff
den altar/darzū fünff creuz von kleynen wachskerz
lin/zündets an vñd lassets mit eynander verbrennen/
die äschen daruon sammelt man vnd thut an heylige
ort. Zum neündten salbet er die stirn des altars fornen
mit Krisam/des gleich die fügen an allen vier ecken/dar
mit eyn ende.

Hierzū singet vnd liset man vil heyliger wort vñd
psalmen.

Wenn nun die weihung volbracht ist/so halter man

R in cyn

- Vnd wein/mischets vnder ey nander. Geht hin zur Kirch
thüren/macher mit dem stabe creuz/cyns oben/das an
der vnden dran/vnd singet alda die prefation volender.
Darnach weiher er die altar / tüncket den rechten dau
men in das obbemelde wasser / vnd machet damit auff
eynen yeden altar fünff creuz / cyns inn der mitte/vnd
an yede vier ecken cyns/spricht die wort der weihung zu
eynem yeden/vnnd cyn collect darnach. Gehet darnach
syben mal vmb den altar / vnnd besprenget ihn mit Bis
sopen sprenzel/auff obbemeltem wasser. Vnder des sin
get man zu dem vmbgang asperges me. vnnd etliche
vers des psalmen Miserere mei / ic. Nach dem gehet er
dreimal rings vmbher / vnd besprenget die kirch wände
zum ersten vnden/zum andern in der mitte/zum dritten
oben mit dem selben wasser. Darnach besprenget er das
pflaster creuz weise durch die kirchen. Tritt als dann
mitten in die kirch/vnd sprenget das wasser vff die erde
gegen auffgang/niddergang/mitternacht/vn mittag/
Kerret sich gegē der grossen thür/spricht etlich collecten
vnd die prefation/gehet darnach wider zum hohen al
tar machet mit obbemeltem wasser cyn kalck oder mör
ter an/segnet ihn. Als dann holet man das heyltumb
mit der procession/vnnd tregts mit gewonlicher pompe
vmb die kirch/geht das volck hernach / vnd schreien Ky
rieleyson. Wenn man herumb wider zur thür kompt/
so thut der Bischoff cyn kurze vermanung odder pre
digt zum volck/von der krafft vn privilegien der kirche
weihe/von zehenden vn auffheben oder einkommen der
Kirchen zu reychen. Ermanet mit fleiß den stifften vnd
das volck zur dotierung oder begiffung. Item wie sie
die

die Kirch vnnnd Priester inn ehren sollen halten / it.
Darauff verheysen der stiffe sampt dem volcke zñ
thün nach des Bischoffs vermanung/welcher also dem
volck bevilhet in jr gebett den der die Kirch erbawet/ be-
gabet/ zñ weihen verschaffet hatt. vnd machet ihn teyl
haffrig aller gücten werck/ so darinnen geschehen.

Darnach salbet er die thür mit krisam/ gehen mit ges-
sang inn der proceßion hinein zñm altar/ daselbst sal-
bet er auch mit krisam das löchlin im altar/ darcin man
das heyltumb legen soll. Legt das heyltumb hinein vnd
krisamet den steyn/so für dz loch gesetzt wirt/ reuchert
den altar vnd gibt als dann das rauchfaß cynem prie-
ster/ der geht vmb den altar/vnnnd reuchert als lang die
weihung weeret/ on wenn der Bischoff selbs reuchert/
nemlich wenn er die fünff ort des altars dreimal mit kri-
sam schmieret/reuchet er jedes mal vñ den altar. Nach
dem altar krisamet er die zwelff creuz/so an wände her-
umb gemalet seind/ vnnnd segener den weiher auch/ dar-
uon machet er fünff creuzlin/die zündet er an mit fünff
creuzlin von wachßlichtlin gemacht/ verbrennets mit
eynander. Wenn er nun den altar allenthalben genüg
hatt geschmiert/vñ diener der wider abgewischet/so wei-
het er als dann die rücher vnnnd gefäß darzñ gehörig/

Wie man eyn Altar weihet.

S Jweil der altar zñm opffer wirt angerichtet vnd
am meysten genieß treigt / sonderlich aber durch
X ij die

singer man ettelich psalmen vñ gesenge. Darnach mach
et er mitt dem daumen cyn creutz vom heyligen öle der
francken außwendig auff die glocken/spricht gebet dar
zu/das wenn die glock geleutet wirt/bey den christglau
bigen andacht des glaubens/vnd geystliche liebe gemees
ret werde vnd wachse/alle hinderlist des bösen feindes
verreiben/hagel/donner/bliz vngewitter vnd winde
gemässiger werden/1c.

Darnach trücknet er das creutz mitt eym tuch ab/
vñnd machet andere sibem creutz vonn obbemeldtem öll/
außwendig auff die glocken/vnd creutz mit krisam inn
wendig/segnetes im namen des vatters süns vnd heyl
ligen geysts/vnd spricht fride sei dir 1c.

Nach dem legt er thimiam weiherauch vnd mirren
inn das rauchfaß/vnd halt es vnder die glock/das aller
rauch hinein gehe/spricht allwegen psalmen vnd gebet
darzu. Zu letz listet cyn diakon das Euangelion Luc.
x. von Martha vñ Maria solenniter. Machet der Bis
choff cyn creutz über die glock/vnd gehen darnon.

Wie man den Krisam vñnd öl = lung weiher.

Bill andere seggen vnd selzamer cerimonien meer
lassen wir vnderwegen vmb kurgewillen. Nem
lich haben sie selzam affenspiel am grünen donnerstag
mit dem öll weihen vñnd krisam. Am grünen donner
stage weihen sie das öll vñnd krisam/sprechen der heiz
Jesus nach dem er seiner jünger füß gewaschen/hab ge
leert

leeret krisam zu machen: dann das fuß waschen bedau-
ret die tauffe/ welcher mit krisams salbung volbrachte
vnd bestäeriger wirt.

Wenn nun der Bischoff den weihen will/ so seind da
neben ihm über andere diener bereyt/ syben subdiaken/
syben diaken/vñ zwelff priester/ als zeugen vñ mitwirck
er des heyligē krisams. ¶ In der messz nach der wand
lung setz sich der Bischoff auff seinen stül/ da steht eyn
bedeckter tisch/ so steht der archidiaken neben ihm vnd
singer mit lauter stim: Oleum infirmorum/ als dann
trägt der eyn subdiake das öle der Francken/ mit gewon-
licher pompa hinzu/ gibts dem archidiake/ der nimpts
vñnd setzts für den Bischoff auff den tisch/ spricht eyn
yeder: Oleum infirmorum im darreychen. ¶ Wenn es
gesegnet ist/ trägt mans wider hin.

Nach der communion setz sich der Bischoff wie zu
vorn/ vñnd singt der archidiaken laut/ Oleum ad san-
ctū chrisma/vñ darzu oleū cathecuminum/ so gehen die
syben subdiake/vñ syben diake zwelff priester sampt an-
deren dienern hin/ tragen das krisam ölle vñ tauff öle
mit gepreng herzu/ trägt eyn subdiaken eyn gefes mit
balsam/ vnd zween diaken bemeldte zwey öle/singen die
cantores vñ der chor O redemptor/ etc. Stehn die zwelff
priester zu beyden seiten neben dem Bischoff. Der subdi-
aken presentiert den balsam/ der Bischoff mischet des
selbigen ein wenig mit krisam öle/ odtemet der Bischoff
creuzweise über die krisam büchse zu dreien malen. Des
gleichen thün die zwelff priester nacheinander/ als dan
weihet der Bischoff den krisam mit der prefation/ vñd
güßt die obbemeldte vermischung in den krisam. Der

S dia-

diaken singet zu dreien malen: Ave sanctum chrisma/
buckel sich mit dem haupt dargegen. Nach dem gehen
die zwelff priester eyner nach dem anderen hinzu knien
dreimal nider für den krisam/singen zu yedem mal/A
ve sanctum chrisma/vnd küssen die krisam büchse.

Darnach überantwortet der diaken die dritt büchse
oder ampullen/mit dem öl der Francken dem archidia
ken/wellicher zeyget dem Bischoff vnd segetz auff den
rüsck: da edemet der Bischoff dreimal darüber wie oben
vermeldet/des gleich thun die zwelff priester/auch nach
eynander.

Zum dritten segnet er das ole der cathecumenorum
odder rauff ole/vnd grüssen es der Bischoff vnnnd die
zwelff priester/singent mit lauter stimme/zü dreien ma
len eyn yeder/Ave sanctum oleum/küssen die ampullen
wie oben vermeldet. Darnach tregt man beyde oleinn
die sacristei zu gebrauchen das gang jar über/11.

Auß allen disen obbenelchten cerimonien sihet eyn
jeder Christ für den augē/wie gang vngleich sie Christo
vnnnd der apostell odder alten kirchen bräuche vnehen
lich seien. Derhalben leicht zu vireylen/wo für mans
halten solle/dann ye nur/hoffart/cyranney/weltlich
bracht/supersticion vnnnd was der gleichen ist/zü vn
derrückung der gott seligkeyt/zerrörung ordenlicher
pollicci/vnnnd berrug der alberen eynfeltigen leüt/so
auff außserliche laruen gaffen/vnd das maul auffspere
ren/funden wirt. Christus aber hatt seinen Jünge
ren Königlichē bracht verbotten/vnnnd zür demüt
vnd

vnnnd liebe gewisen: Darbei spilt er wiet yederman
erkennen/das jr meine Jünger seit/so jr liebe vnder cyn
ander habt. Item jr heysset mich meyster vnd herr/vnd
saget recht daran: dann ich bin es auch/so nun ich ewer
herr vnnnd meyster euch die füß gewaschen hab/so solt jr
auch euch vndercynander die füß waschen. Das seind
christenliche cerimonien/darinnen liebe vñ demüt nach
Christi exempel erzeyget wirt: Also hatt vnser lieber
herr Jesus Christus zweyerley ausserlicher cerimonien
eingesetzet/nemlich die tauff zur demütigung vnd töd
tung des alten Adams/vnd das sacrament seines leibs
vnd bluts/zur communion gemeynschafft vnd vereyn
igung ey nes geystlichen leibs inn christenlicher brüder
licher liebe. Bei disen zweyen haben vor alters zur zeit
der apostell vnnnd hernachmals die christen ire cerimo
nien gehalten/also gab man den getaufften honig vnd
millich zu bedeuten die vnschuldige kindtheyt/das sie
durch die tauff newgeborn alle bößheyt vnnnd allen be
trug vñ heuchlerlei vñ neide/vñ alles affter reden solten
ablegen/vñ gütig wirdē nach der vernünfftigē lautern
millich/als die yert geborn kindlin/ic. Darzu allzeit er
innert wurden/der verheysung Gottis/der ihnen cyn
lande geben will/das mitt honnig vnnnd millich fließ
e/ic. Man legte ihn auch weisse kleyder an/zum zeych
en das sie ledig gemachet/vnnnd auß eygnen knechten
des Teuffels/freie Jesu Christi worden seind/dann
das weisse kleyde war cyn zeychen der freihung/so man
eynen leib eygenen menschen ledig vnd freie machete/
Bei dem sacrament des altars/bietē sie cerimonien/so

S ij zu büß

zū bürderlicher liebe dienen: Nemlich bereydet man eyn
tisch in der kirchen zū freuntlichheyt vnd speisung der
armen das hieß man des herin tisch/ als vom herin zū
bereyt/nenneten es vff krichisch Agape/ als eyn abent
mal der liebe. Sonst hielten sie an sonntagen stationes/
das ist versamlung da sie stehend betten/ dann kniend
betten die büßer/ stehend danck sagen die so gnad er
langt haben/ also hielt man stationes vom osten bis
vff pfingsten/das sie Gott danckten der vergebung irer
sünde/ vnd gaben der tauß solche vnd andere der gleich
en gewonheiten gebrauchet worden/ zū dienst vnd besse
rung des glaubens vnnnd christenlicher liebe/ kñnten vff
heutigentag auch wol geduldet werden/ so fern die lee
re des glaubens vnuerfelscht pliche/ vnd ergernis ver
hütet werde: Aber solchs meer dan heydnisch gepreng/
cerimonien darmit alleyn dem bauch gedienet vnd gelt
gesücht wirt/ oder dardurch Gottis wort vertilget vnd
weder glaub noch liebe gebessert/ mit dem heyligen sa
crament der tauße/vñ leibs Christi gegauckelt wirt/ &c.
Kan eyn yeder vernünfftiger wol ermessen/ wie vnnnd
was darvon zū halten sei/ wachß im agnus Dei/ vnnnd
glockenn taußen/ das heylige sacrament auff eynem
ross/ spacieren füren/ einsperren/ spielen tragen oder in
anderley weg darmit gaucken/ &c. Kan yemicht anders
dann eyn verachtung oder lesterung Gottis geureyle
werden/ vnnnd demnach nicht destminder verfolgen sol
liche tyrannen die armen christen/ so es bey derley ge
stalt nach einsatzung vnsern lieben herin Jesu Christi
gebrauchen/ müß jr gespenst heylig heysen/ vnnnd Chri
sti o:denung beim banne verbotten/ vnnnd verdampfe
sein

sein/heyßet das nit wider christen bößheyt/so sage was
sonst widder christum sein könne. Darumb mag yn
yeder christ seiner sachen wol warnemen/daser gott die
neim geyst vnd inn der warheyt/wie er angebetet sein
will/sonderlich weil er durch Jesum Christu gnad vnd
warheyt auffgerichtet hatt. Will aber yemandt an la-
ren außserlicher cerimoniē in Eleydern/speissen/oder der
gleichen beharrē/der wirt gewar werden das er vergeb-
lich Gott darin dienet: dieweil er Christu die ewige war-
heyt auß seinem hertzen vloren hat/dañ also strafft gott
die verachtung Christi oder des Euangelij/vnnd laßt
an statt der warheyt lügenhafftige gespenst regniren/
wie S. Paulus darvon weißagt/da er spricht ij. Tes. ij.
dafür das sie die liebe zur warheyt/nit haben angenom-
men das sie selig würdē/darumb wirt in Got kräftige
irrtumb senden/das sie glaubē der lügen/ic. Gott ver-
leihe vns von der fülle der gnaden vnd warheyt Jesu
Christi vnsern lieben herin zu schöpffen/auff das wir
vnserm herin gott im geyst vnd in der warheyt dienen/
vnd nit durch laren gespenst betrogē werden. Amen.

¶ Dienach folget der beschluß.

Wiewol der obbemelten cerimonien etliche möchten
zü dulden/sein/als die züm ersten gütter meynung an-
gefangen/so ist aber doch zü erbarmen/das die jennige
en so in der christenlichen kirchen Bischöffe/das ist auff
seher vnd wächter sein wöllen/vnd den armen gemey-
nen hauffen für allen feinden behütten sollen: so gar ihs
ampts vergessen/vnd mit lauter cerimonien oder affen
spielon Gottis wort vmb gehen/so doch sant Paulus
gar vil anderst anzeyget j. Timot. ij. was cynes Bis-

S iij schoffs

schoffs ampt sei/sonderlich aber das er vnder anderen
vilen tugenden solle leerhafftig sein/vnd stäet mit got
tis wort vmbgehn/welches alleyn der trost vnd schutz
der christenheyt ist. Weil aber Gottis wort dahinden
bleibt/vnnd man die christen will mit segenen/weihen/
heyltumb vnd der gleichen cerimonien regieren/so hat
der sathan güt machen/füret beyde herten vnnd schaff
am affen seyle. Tragen also die Bischoffe das Euange
lion in büchern/wie dann in der weihung das Euange
li büch ihnen würt in die hände gegeben/vnnd auff die
schultern gelegt/were besser sie hettens im herten vnnd
im munde/die Juden tragenz vnß auch Gottis geset
z vnd die propheten inn den büchern/nach besseren aber
die Christenheyt darmit nichts. Ich geschweig das vn
der obbeneldten cerimonien vil supersticios vnd gottes
loß funden werden/dardurch glaub vn liebe in der chri
stenheyt vertilget/vnd aberglaub oder supersticion an
gerichtet wirt. Darumb hoch von nöten ist/Gott zu bit
ten/er wölle seine kirch gnediglich purgieren/vnd von
heuptern/biß zu den geringsten gelidmassen reformie
ren: Auch trewe arbeyter in seine erndten schicken/die
nach befolhenem göttlichen predig ampt/Gottis wort
reichlich predigen/vnnd das geheymnis Ihe
su Christi der da ist die hoffnung/der
berligkeyt trewlich mit aller
weißheyt eroffenen
Amen.

Getruckt zu Straßburg/In dem jar als man zalt
nach der geburt vnser Herrns M. D. xxix.

